



19831

F1550

67



CONRADI
OLIGENII J. C.
DISSERTATIO
DE PRIMARIIS PRECIBUS
IMPERIALIBUS

Ubi argumentis ex Jure Canonico deductis, Concordatis inclytæ nationis Germanicæ, Pontificiis Diplomatum, & perpetua consuetudine ostenditur illas dirigi à Cæsarea Majestate non posse sine speciali indulto Summi Pontificis.



F R I B U R G I B R I S G O I Æ
Per J O H A N N E M S T R A S S E R U M.

M. DCC. VII.

Auctoritate, & Privilegio.

COPIES OF THE

ORIGINALS

DEPOSITED

IN THE

LIBRARY

OF THE
CONGRESS
OF THE
UNITED STATES
AT
WASHINGTON

1850

1851

1852

1853

TYPOGRAPHUS

CANDIDO LECTORI.

CUm hoc tempore apud nostrates , & per universam Germaniam magnus rumor percrebuerit de Precibus primariis , ut vocant , quas Augustissimus Josephus I. Romanorum Imperator suæ ditionis Capitulis direxit , inconsulta hac de re Sede Apostolica , præter morem vetustissimum prædecessorum , qui id nunquam sine indulto Summi Pontificis præstare consueverunt : cumque singuli pro arbitratu suo , & animi affectu de re ipsa varie , atque varie passim loquantur , alius jure , & ex majorum consuetudine , alius perperam , & contra Ecclesiasticos Canones , Pontificum , & Imperatorum pactiones id factum contendens ; pervenit tandem ad manus meas Dissertatio , cujus auctor accuratissimus rem universam à prima origine historice , & juridice perpendens , veterum Imperatorum morem in Precibus dirigendis ob oculos ponit , Summorum Pontificum Diplomata iisdem concessa recitat , Jurisconsultorum sententias utriusque partis examinat ; quidque homini sincero , & nulli ex partibus addicto ,

ſentiendum ſit fuſe, & ingenue demon-
ſtrat, itaut ex doctorum virorum opi-
nionē eadem Diſſertatio omne penitus
argumentum, & quæſtionem exhauriat.
Quare publico bono, & veritati me
conſulturum exiſtimavi, ſi eandem Diſ-
ſertationem typis meis editam tecum,
candide Lector, communicarem: quam
tu proinde æqui, bonique facias; atque
interim,

*ſi quid noris rectius iſtis,
Candidus imperti; ſi non, his utere mecum.*

CAPITULUM.

I. E cclesiasticorum est sua jura tueri,	pag. 1
II. E scriptionis occasio,	ibid.
III. <i>Primaria Preces Augustissimi Imperatoris sine indulto Apostolico,</i>	3
IV. <i>Multa inde educuntur,</i>	8
V. <i>Pœna & multa per Preces Imperiales Ordinariis & Capitulis inflicta,</i>	10
VII. <i>Conciliorum decreta circa libertatem electionum,</i>	11
VII. <i>Patrum & Pontificum statuta,</i>	12
VIII. <i>Preces minis mixta injuriæ Ecclesiastica liber- tati,</i>	13
IX. <i>Preces Imperiales continent expectativas, vel sal- tem mandata de providendo vacatura,</i>	14
X. <i>Expectativa & mandata de providendo vacatura reservabantur Summis Pontificibus,</i>	15
XI. <i>Germani expectativis, & mandatis de providendo vacatura adversi,</i>	16
XII. <i>Fridericus III. urget libertatem electionum,</i>	17
XIII. <i>Gratia qua vacatura comprehenderent, à Ger- manis reprobata,</i>	18
XIV. <i>In Concilio Tridentino extincta,</i>	19
XV. <i>Indulta pro vacaturis sublata,</i>	21
XVI. <i>Preces Imperiales libertati Ecclesiasticæ opponun- tur,</i>	22
XVII. <i>Precum Imperialium Exequutores sine indulto Pontificio,</i>	23

XVIII. <i>Scriptores heterodoxi inania opponunt,</i>	24
XIX. <i>Rudolphus I. indultum Apostolicum impetravit,</i>	25
XX. <i>Consuetudo Rudolphi ex abusu,</i>	ibid.
XXI. <i>Qualis consuetudo Rudolphi,</i>	26
XXII. <i>Preces Caroli IV. expenduntur,</i>	27
XXIII. <i>Preces Wenceslai Imperatoris,</i>	30
XIV. <i>Abusus Principum in canonicis electionibus,</i>	ibid.
XXV. <i>Principibus non suffragatur consuetudo sine privilegio Apostolico,</i>	32
XXVI. <i>Origo abusus in Precibus primariis,</i>	34
XXVII. <i>Conciliabuli Basileensis statuta irrita,</i>	35
XXVIII. <i>Primariae Preces ab Eugenio IV. Friderico III. concessa,</i>	36
XXIX. <i>Concordia inter Summum Pontificem & Germanos,</i>	37
XXX. <i>Concordata Precibus Imperialibus opposita,</i>	ibid.
XXXI. <i>Adversariorum objectiones diluuntur,</i>	39
XXXII. <i>Concordata semper à Summis Pontificibus observata,</i>	41
XXXIII. <i>Concordata electiones canonicas tuentur,</i>	43
XXXIV. <i>Concordata in gratiam Germanorum conscripta,</i>	44
XXXV. <i>Fridericus III. agnoscit irritas Preces primarias sine indulto Pontificio,</i>	45
XXXVI. <i>Omnes Friderici successores indultum primariarum Precum petierunt,</i>	ibid.
XXXVII. <i>Indultum Nicolai V. Friderico III.</i>	47
XXXVIII. <i>Nicolaus V. non derogavit Concordatis,</i>	51
XXXIX. <i>Novum indultum Nicolai V. Friderico III.</i>	52
XL. <i>Indultum Calixti III. Friderico III.</i>	62
XLI. <i>Indulta Friderico supplicanti concessa, nulla consuetudine allegata,</i>	67

XLII. <i>Maximilianus I. Preces primarias obtinet,</i>	68
XLIII. <i>Indultum Innocentii VIII. Maximiliano I.</i>	69
XLIV. <i>Carolus V. obtinuit indultum primariarum Precum,</i>	77
XLV. <i>Indultum Clementis VII. Carolo V.</i>	ibid.
XLVI. <i>Ferdinandus I. obtinet indultum primariarum Precum,</i>	82
XLVII. <i>Indultum Clementis VII. Ferdinando I.</i>	83
XLVIII. <i>Indultum Pii IV. Maximiliano II.</i>	89
LIX. <i>Indultum Gregorii XII. Rudolpho II.</i>	95
L. <i>Indultum Pauli V. Matthia Imperatori,</i>	102
LI. <i>Indultum Ferdinando II. à Paulo V. concessum,</i>	108
LII. <i>Indultum Urbani VIII. Ferdinando III.</i>	109
LIV. <i>Imperatores per ducentos annos agnoscunt necessitatem indulti Apostolici,</i>	115
LV. <i>Heterodoxorum responsa,</i>	116
LVI. <i>Imperatores post Concordata usi non sunt primariis Precibus sine indulto Pontificio,</i>	121
LVII. <i>Heterodoxi scriptores confutati,</i>	122
LVIII. <i>Primariae Preces donum Pontificium,</i>	124
LIX. <i>Vis Precum ab auctoritate Pontificia pendere semper existimata,</i>	126
LX. <i>Jus primariarum Precum non pendet à bulla aurea Henrici V.</i>	128
LXI. <i>Errores Fritschii,</i>	132
LXII. <i>Primariarum Precum origines fabulosa,</i>	133
LXIII. <i>Catholicorum sententiae discussae,</i>	136
LXIV. <i>Articuli pacis Germania non probati ab Innocentio X.</i>	143
LXV. <i>Resolutio sacrae Congregationis Concilii Tridentini non bene intellecta,</i>	ibid.

- LXVI.** *Argumenta contra asserentes non ab indulto Apostolico, sed à consuetudine, & jure Imperiali Preces pendere,* 149
- LXVII.** *Cur Pontifices indulta post Concordata, & Tridentini Concilii decretum, concesserint,* 148
- LXVIII.** *Rudolphus I. nullum perpetuum indultum obtinuit à Sede Apostolica,* 149
- LXIX.** *Alia rationes pro indultis,* 154
- LXX.** *Cur Leopoldus I. sine indulto Preces direxerit,* 157
- LXXI.** *Alexander VII. negat indultum Leopoldo I. nisi misso Legato ad Sedem Apostolicam,* 160
- LXXII.** *Leopoldus I. indultum minime neglexit, & Precibus parce usus est,* 165
- LXXIII.** *Scriptores Catholici refutati, falso putantes Imperatorem posse Preces dirigere ante indultum Apostolicum,* 166
- LXXIV.** *CLEMENS XI. contra Imperatoris Preces reclamation,* 170
- LXXV.** *Littere CLEMENTIS XI. Capitulo Hil-desheimensi contra Preces Imperatoris,* 171
- LXXVI.** *Conclusio operis,* 176

PRIMARIÆ PRECES
IMPERIALES SINE SPECIA-
LI INDULTO APOSTOLICO
N U L L Æ.

DISSERTATIO.

SANCTISSIMI Ecclesiæ Episcopi,
atque etiam simplices Clerici, qui-
bus cordi fuit rem Ecclesiasticam,
& Sacerdotalem libertatem sanctam rectam
servare, factis aut scriptis sæculares Po-
testates, jura electionum canonicarum
occupantes, vel in designandis Sacerdo-
tibus & Clericis, sacrorum officiis in-
servituros se immiscentes, avertere con-
sueverunt, ut ita & Catholici Principes
re melius perpensa resipiscerent, & Præ-
sules, universique Ecclesiastici ordines
edocti, Jura, quæ Christi sunt, lædi,
& Ecclesiæ libertatem divelli pro virili
sua impedire niterentur: neque solum
Imperialibus edictis & jussis, verum &
ceteris Principibus malo exemplo ad si-
milis & majora perpetranda excitatis sa-
cerdotale pectus opponerent, ac liberta-
tem suam & suarum Ecclesiarum pro vi-
ribus suis vindicarent.

I.
Ecclesiasti-
corum est sua
jura tueri.

Hinc ego qualiscumque à pluribus an-

A

II.
Scriptio-
nis occasio.

2 *De primariis Precibus Imperialibus*
nis Clericali militiæ adscriptus cum non
ita dudum ex Novellis, ut vocant, apud
Batavos typis impressis, intellexerim,
Augustissimum Imperatorem, nuper tanta
pietatis expectatione, à gloriosissimis
Majoribus suis in hereditatem acceptæ,
& heroica educatione contractæ, inaugu-
ratum, in id adduci potuisse, ut Epif-
copis, Capitulis, & Ordinariis Collato-
ribus quibuscumque per totam Germa-
niam constitutis scripto præciperet Digni-
tates Ecclesiasticas, Canonicatus, & Be-
neficia conferenda certis Personis ab eo
nominatis, (quæ Diplomata Imperialia,
Germani vocant *Primarias Preces*, si ta-
men *Preces* dicendæ sunt, quæ violentis
præceptis, minis, & pœnis miscentur),
à Sanctissimo Romanæ, & Universalis
Ecclesiæ Antistite CLEMENTE XI.
Ovium & Ecclesiarum ei creditarum ca-
nonicam & veterem libertatem minus
recte violatam deprecari, mihi in ani-
mo constitui, non licere arbitratus Au-
gustissimo Imperatori & Sedis Apostoli-
cæ Advocato sine Indulto Pontificio eas
Preces sibi attribuere: & ratus spectare
ad Inclita Germaniæ Capitula suam &
Ecclesiæ Romanæ libertatem vindicare.
Quapropter non levem Ordini Ecclesia-
stico, cui nomen dedi, utilitatem me

allaturum putavi, si Clericis omnibus, & præcipue religiosissimis Germanis explicarem, quid hæ *Preces Imperiales* contineant; qua de re fuerint inventæ; quæ ætate & occasione; quinam earum usus à multo tempore, & cui rationi, & potestati eæ nitantur; ut ita intelligant omnes, has *Preces* sine potestate Pontificia nullius omnino roboris, & momenti esse; immo eos, qui illis obsequuntur graviter falli, præsertim Summo Pontifice reclamante, easque adversari sacris Canonibus, Oecumenicis Conciliis, Concordatis, & Ecclesiasticæ libertati, utpotè quæ subsunt Decreto septimæ Synodi generalis, quod inferius exponam.

Ut certa pateat injuria, quæ sit Ecclesiasticis titulis, tenorem Primariarum Precum nuper Ordinariis Collatoribus directarum jam referam. Pervenerunt ad me exempla Primarum Precum directarum per Augustissimum Imperatorem inclyto Capitulo *Hildesheimensi*, quæ in hunc modum conceptæ fuerunt: *Josephus Divina favente clementia electus Romanorum Imperator semper Augustus &c. Honorabilibus Devotis nostris, & sacri Imperii fidelibus dilectis N. Decano seniori, & Capitulo Ecclesia Cathedralis Hildeshei-*

III.

Primariæ
Preces Augustissimi Imperatoris sine
indulto Apostolico,

4 De primariis Precibus Imperialibus
mensis gratiam nostram Cesaream, & om-
ne bonum. Etsi Nos ad Romani Imperii
fastigium evectos, titulisque Augusti &
Regio diademate decoratos summa semper
ope niti decet, omnia sacri Romani Impe-
rii intemerata jura, & consuetudines lau-
dabiles conservare; par est tamen, ut hoc
diligentiori studio prestemus, si quando in-
tegritate vite, & morum probitate, aliis-
que virtutibus insignitos meritis beneficiis,
& dignis honoribus afficiendos arbitramur;
siquidem Imperatorum, Regumque subli-
mitas, & magnitudo, nullo expressius of-
ficio Dei Optimi Maximi similitudinem
referre potest, quam si pluribus benefece-
rit. Quare cum Nobis ad Prædecessorum
nostrorum imitationem ex inveterata con-
suetudine jus competat Preces primarias ad
omnes, & singulos Beneficiorum Ecclesia-
sticorum Collatores, & Collatrices, Capi-
tula, Conventus, & Collegia, ac Perso-
nas alias de illis quocumque modo dispo-
nendi jus habentes per universum Roma-
num Imperium constitutas porrigendi, dan-
di, concedendi, & decernendi pro Perso-
nis idoneis, & Nobis gratis ad consequen-
da Beneficia Ecclesiastica cum cura, &
sine cura tam Sacularia, quam Regula-
ria, etiam si Canonicatus, & Præbenda,
Dignitates, Personatus, Administratio-

nes, vel Officia fuerint in Collegiata, Cathedrali, vel Metropolitana Ecclesia; etiamsi ad ea consueverint qui per electionem assumi ad Collatorum, Collatricum, Capitulum, Collegiorum, sive Conventuum, ac personarum predictarum collationem, provisionem, electionem, nominationem, presentationem, seu quamlibet aliam ordinationem, conjunctim, vel divisim spectantia (Canonicatu nihilominus, & Præbenda cum Dignitate, Personatu, Administratione, vel Officio, etiam ex persona plurium successivè vacantibus pro uno computatis Beneficio) & hujusmodi etiam Prædecessorum nostrorum Primariis Precibus reverenter hætenus paritum fuerit; Idcirco Romani Imperii Jura, & Consuetudines (ut tenemur) prosequi, & Prædecessorum vestigiis inherere volentes, primarias Preces nostras pro Devoto Nobis Dilecto Ferdinando Raesfeldt Canonico Ecclesie Mindensis ad Vos porreximus, dedimus, concessimus, & decrevimus, ac per presentes porrigimus, damus, concedimus, & decernimus, Vos adhortantes, & pro conservatione Jurium, & Consuetudinum Romani Imperii expresse requirentes, ut Beneficium Ecclesiasticum tam Regulare, quam Saculare cum cura, vel sine cura, etiamsi Canonicatus,

6 De primariis Precibus Imperialibus
& Prabenda, Dignitas, Personatus, Ad-
ministratio, vel Officium fuerit; etiamsi
ad illud convenerint, qui per electionem
assumi in Metropolitana, Cathedrali, vel
Collegiata Ecclesia, quod ad presens sive
proxime quomodolibet simul, vel successive
in quocumque mense per obitum, decessum,
vel resignationem alicujus vacare contige-
rit, ad collationem, provisionem, ele-
ctionem, nominationem, presentationem,
ordinationem, sive quamlibet aliam dispo-
sitionem vestram pertinens, Canonicatu,
ut praefertur, & Prabenda, cum Digni-
tate, Personatu, Administratione, vel
Officio, etiamsi ex Persona plurium successi-
ve vacaverint pro uno computatis Benefi-
cio: quod praefatus Ferdinandus Raesfeldt
per se, vel Procuratorem suum infra men-
sem à die nota sibi vacationis duxerit ac-
ceptandum, eundem Ferdinandum Raes-
feldt, prout ad vos spectat ad illud eliga-
tis, nominetis, praesentetis, & ei illud
conferatis, & assignetis, atque etiam de
eo provideatis, ponendo eum in pacifica,
& quieta possessione: stallum in choro, &
locum in Capitulo ei assignando cum pleni-
tudine Juris Canonici, & fructuum per-
ceptione, qualibet contradictione cessante.
Quovero haec Preces nostra Primaria cer-
tiores consequantur effectum nominamus,

Et deputamus tenore presentium Reverendissimum Lotharium Franciscum Archiepiscopum Moguntinum per Germaniam Archi-Cancellarium Episcopum Bambergensensem Principem Electorem Et Nepotem nostrum charissimum ; necnon Venerabilem Franciscum Arnoldum electum in Episcopum Paderbornensem devotum itidem Nobis dilectum , Et quemlibet eorum insolidum , qui presentibus nostris literis requisitus fuerit , harum primarum Precum Executores , eisdem simul , Et seorsim per presentes expresse committentes , Et mandantes , ut si forte in contemptum , Et prajudicium Jurium , Et Consuetudinum Romani Imperii ad parendum hujusmodi primariis Precibus nostris contumaces fueritis , tanquam Executores à Nobis deputati , sub poena gravis indignationis nostra vos realiter , Et cum effectu ad parendum juxta Constitutiones Imperii moneat , Et compellat. Contumacia verò vestra , aut contemptu (quod absit) per mensem continuum à die requisitionis numerandum , durante , vos omnibus , Et singulis privilegiis , gratiis , libertatibus , Et donationibus à Romanorum Imperatoribus , Et Regibus , ac à Nobis , Et aliis Prædecessoribus nostris Vobis concessis eo ipso privatos , Et nostra tuitione exutos declaret , qua , Et quas ex nunc

3 *De primariis Precibus Imperialibus prout à die contumacia vestra tenore præsens-
tium revocamus, & cassamus, & irrita esse
volumus, & vos aliter contumaces à Benefi-
ciis Majestatis nostra reddimus alienos, pro-
ut etiam ex nunc, prout ex tunc privamus,
& à protectione nostra excludimus harum
testimonio literarum manu nostra subscrip-
tarum, & Sigilli nostri Cæsarei appensione
munitarum. Data in Civitate nostra Vienna
die 19. Junii Anno Domini 1705. Re-
gnorum nostrorum Romani 16., Hungarici
18., Bohemici verò primo. Josephus, &c.*

IV. Ex hoc Cæsareo diplomate multa edu-

Multa in-
ducuntur.

cuntur : Primo intentio, quæ est provi-
dendi de Ecclesiasticis Beneficiis personis
Imperatori gratis : Secundo ratio, cui
Preces nituntur, scilicet consuetudo in-
veterata descendens ab exemplo Præde-
cessorum : Tertio præcepta facta Ordina-
riis Collatoribus, & Electoribus eligendi
Personam in Precibus designatam, eique
conferendi Beneficium, & nedum Bene-
ficium vacans, sed & primo vacaturum;
& quod plus est, inter vacatura illud,
quod Precista elegerit; & non solum Be-
neficium collativum, verum & electivum,
scilicet quod consuevit conferri per ele-
ctionem canonicam; Beneficia quoque
vacatura in quocumque mense, ibi: *Quo-
modolibet simul, vel successive in quocum-*

*que mense per obitum, decessum, vel resignationem alicujus vacare contigerit, ad collationem, provisionem, electionem, nominationem, presentationem, ordinationem, seu quamlibet aliam dispositionem vestram pertinens : quæ verba involvunt contradictoria, quippe si vigore Concordatorum Germaniæ, quæ ea Inclyta Natio iniit cum Summo Pontifice Nicolao V. Capitulis, & Ordinariis Collatoribus assignati sunt ex indulgentia S. Sedis Apostolicæ menses infra scripti; scilicet *Februarius, Aprilis, Junius, Augustus, October*, atque *December*, in quibus tantummodò permissum est iisdem eligere, vel conferre Canonicatus, & Beneficia vacantia; reliquos verò menses sibi Sedes Apostolica reservavit, cum inhibitione facta Capitulis, ne possent eligere, vel conferre : immò si in iisdem Concordatis Summus Pontifex sibi soli reservavit omnia Beneficia, quorum elenchus legitur in Extravag. *Ad Regimen de Præbend.*, quemadmodum colligitur ex præfatis Concordatis; non est sane cur in Precibus dicantur omnia Beneficia, & in quocumque mense vacantia ad electionem, & collationem Capitulorum, & Ordinariorum pertinentia, Precibus iisdem esse obnoxia : enim vero si plura non*

10 *De primariis Precibus Imperialibus*
pertinent ad collationem, & electionem
Capitulum; sed reservata sunt in Con-
cordatis Sedi Apostolicæ, inhibereturque
est Capitulis ea conferre; quo pacto
fieri potest, ut Preces ita efficaces sint,
ut Capitula privare possint Pontificem
jure in Concordatis eidem adscripto,
valeantque Imperatores tribuere Capitu-
lis jus eligendi, & conferendi iis mensi-
bus, & ea Beneficia, quorum collatio-
nem, & electionem ipsa neuriquam ha-
bent? Id sanè imperceptibile est, nisi di-
camus hanc potestatem ex Precibus Im-
perialibus, & sic à Laica manu prove-
nire: quod nefas est Catholicum virum
asserere.

V. Intelligitur itidem ex formula Imperia-
lium Precum, quam recitavimus, statu-
tos esse pro executione earundem duos
Celsissimos Ecclesiasticos Præsules, ut ii
pœnis, & multis in formula jam dicta
comminatis cogere possint Imperiali po-
testate Capitula, & Ordinarios, qui ab
Ecclesiastico zelo ducti in hoc parere
mandatis & præceptis laicalibus renuis-
sent. Non est profecto cur mirari subeat,
in re tanti momenti Successorem in Ca-
thedra Divi Petri, optimum & meritissi-
mum Romanæ Ecclesiæ Pastorem, bea-
tissimorum Præsulum, qui septimæ Sy-

Pœnæ & multæ per
Preces Impe-
riales Ordini-
nariis & Ca-
pitulis inflig-
tæ.

nodo adfuerunt imitatore, CLEMEN-
TEM XI. Papam, pensatis injuriis ex his
Precibus Ecclesiæ Dei resultantibus, for-
titer (ut audivimus) adversus eas pugna-
re; tanta nanque sunt absurda, tot præ-
judicia, & offensæ, quæ cœtui Ecclesia-
stico ex prædictis irrogantur, ut planum
sit, integerrimum Pontificem justo zelo
corruptum haud potuisse sine animæ pro-
priae periculo hæc dissimulare.

Quanti hæc res habenda sit, facile in-
telligitur ex sacrorum Canonum Statutis,
& Conciliorum Decretis. Patet enim
eruditis anno Christi septingentesimo octo-
gesimo trecentos & quinquaginta Episco-
pos Nicææ congregatos, (inter quos Pla-
to sanctissimus, Theophanes doctissimus,
S. Euthymius Sardicensis Episcopus, alii-
que clarissimi Confessores & Antistites)
ita statuisse: *Omnis Electio à Principibus*
facta Episcopi aut Presbyteri aut Diaconi,
irrita maneat secundum regulam, quæ di-
cit: Si quis Episcopus Secularibus Potesta-
tibus usus Ecclesiam per ipsos obtineat, de-
ponatur; & segregentur omnes, qui illi
communicant: cum enim in Synodo IV.
Oecumenica de Episcopis, qui uteban-
tur Principum jussis, id constitutum fuisset,
voluerunt Patres septimæ Synodi pa-
riter Oecumenicæ id ipsum intelligi de

VI.

Concilio-
rum Decreta
circa liberta-
tem electio-
num.

12 *De primariis Precibus Imperialibus*
 Presbyteris, aut Diaconibus, ut ita om-
 nes electiones canonicæ immunes in po-
 sterum essent à jussu, mandato, vel Pre-
 ce Sæcularium Potestatum. Edixerunt
 etiam Synodi Patres sic electos deponen-
 dos; & segregandos à communione Fi-
 delium eos, qui illis communicarent :
 Hunc Canonem refert Cæsar Baronius
 Annal. tom. 9. ad annum Christi 587. n.
 48., quem pientissimus Cardinalis planè
 dignum putat, qui Regum omnium Au-
læ foribus inscribatur. Eum quoque li-
 bro Decretorum inseruit Gratianus, Ca-
 non. *Omnis Electio* distinct. 63.

VII.

Patrum &
 Pontificum
 statuta.

Id ipsum statuerant Præsules, qui inter-
 fuerunt Concilio Martini Papæ in hunc
 modum : *His omnibus auctoritatibus laici*
excluduntur ab electione Sacerdotum. S.
 Gregorius Nazianzenus Imperatoribus
 Constantinopolitanis scribens quoque ait :
Suscipitis ne libertatem verbi? libenter ac-
cipitis quod lex Christi Sacerdotali vos sub-
jicit potestati? Dedit enim & nobis pote-
statem, dedit & Principatum multo perfe-
ctiorem Principatibus vestris. Aut nun-
quid justum vobis videtur, si à terrenis ca-
lestia superentur, & si Divinis preferan-
tur humana, ut in Can. Suscipitis, dist.
 10. Hinc Nicolaus Papa IV. anno MCC
 LXXXIX. censuris quoque perculisse narra-

tur Portugalliæ Regem, quod is Episcopis Preces dirigeret minis mixtas, ut eos impelleret ad conferendum Beneficia Ecclesiastica personis sibi benivolis: unde Rex solemnī pactione sponondisse dicitur, *se in suis Precibus non adjecturum quod nullus alius eligatur, nisi is pro quo direxerit Preces suas*, teste Odorico Raynaldo in Annal. Eccles. anno 1289. n. 30., & Hugo Episcopus Linconiensis Precibus Regis Angliæ sic respondisse fertur: *Non Aulicis, sed potiùs Ecclesiasticis Personis Ecclesiastica sunt conferenda Beneficia. Habet Dominus Rex unde tribuat mercedem ~~servientibus~~ sibi, nec debet summo Regi famulantes privare proventibus suis, ut inde servis suis provideri possat à nobis*, testimonio Card. Baronii ad annum Christi 1186. n. 18.

Hæc statuta & facta sunt à Conciliis Oecumenicis, & à Sanctissimis Ecclesiæ Præsulibus; unde si Ecclesia universa, & Apostolica Sedes has Preces Imperatorum, & Principum tanquam injurias Ecclesiasticæ libertati damnavit, & sic promotos ad Dignitates, & Beneficia Ecclesiastica deponendos esse, & segregandos qui eis communicarent, edixit; nullum est dubium, Ordinarios, & Capitula Inclytæ Nationis Germanicæ sine

VIII.

Preces minis mixtæ injuriæ Ecclesiasticæ libertati.

14 *De primariis Precibus Imperialibus*
timore pœnarum jam dictarum, & ma-
ximo conscientiae discrimine, minime
posse Imperiales Preces pœnis, & præ-
ceptis mixtas, aut jussum Imperatoris
sine Indulto Apostolico exequi, dicente
Calixto Papa omnibus Episcopis sic :
Nulli dubium est, quod Apostolica Eccle-
sia mater sit omnium Ecclesiarum, à cujus
regulis nullatenus vos conveniri deviare,
& S. Gregorio Papa : *Præceptis Aposto-*
licis non resistatur, sed per obedientiam,
quæ à S. Romana Ecclesia, & Apostolica
auctoritate jussa sunt salutifere impleantur,
si ejusdem Sanctæ Dei Ecclesiæ (quæ est
caput vestrum) communionem habere desi-
deratis, & infra : *Si quis Apostolica Se-*
dis præcepta non observaverit, percepti
honoris esse hostis non dubitetur, ut legitur
in Canone *Non decet,* & in Canone
Præceptis Apostolicis distinct. 12.

IX. His additur, prædictas Imperiales Pre-
ces continere, si non expectativas, pro-
cul dubio mandata de providendo vaca-
tura : hæc enim sunt earum verba : *Be-*
neficio, &c. quod ad præsens, sive pro-
ximè quomodolibet simul, vel successivè in
quocunque mense per obitum, decessum,
vel resignationem alicujus vacare contige-
rit ; quamvis enim quæstio sit inter Ca-
nonistas, an hæc Preces expectativas con-

Preces Im-
periales con-
tinent Expe-
ctativas, vel
saltem man-
data de pro-
videndo va-
catura.

tineant, & sint qui autument, hujusmodi Preces tanquam generales, & incertas sine designatione Personæ, per cuius obitum Beneficium vacaturum est, non involvere expectativas; alii vero dicant oppositum, cum revera inducere possint votum captandæ mortis personæ certæ, id est pinguiores habentis Præbendam, dum relinquitur optio Precistæ eligendi ex primo vacaturis Præbendam sibi magis utilem, & placitam: at tamen hac omiſſa quæſtione, planum est hæc Preces continere mandata, & jussum de providendo vacatura: quod est luce meridiana clarius; nam sive Alexandri III. sive Innocentii III. Summorum Pontificum ætate irrepsit usus apud Romanam Curiam Expectativas, mandata de providendo vacatura, & reservationes mentales concedendi; palam est usque ad annum 1150 nequidem nomen harum gratiarum in Cancellaria Apostolica fuisse auditum, ut scribunt Jo: Andreas in cap. *de duobus* de rescrip. in 6., Azor. Instit. moral. lib. 6. par. 2. cap. 32. §. Porro tom. 2. pag. mihi 480., Lothar. de Benefic. lib. 1. in apparat. num. 14.

Veruntamen hæc gratias, in quibus dabatur jus, vel certa spes ad Beneficia

X.
Expectativæ
& mandata

de providen-
do vacatura
reservabantur
Summis Pon-
tificibus.

vacatura, tanquam irregulares & contra sacros Canones Romani Pontifices tantummodo sibi *reservarunt*, cæterisque omnibus inhibuerunt mandata de providendo vacatura, vel promissiones, in quibus expresse, vel tacite involveretur provisio Beneficii primo vacaturi, uti cautum legitur in Concilio Lateranensi, celebrato sub Alexandro III. c. 8., cuius Canon. refertur in cap. *Nulla Ecclesiastica* il 2. de Concess. Præbend., & rescripsit Innocentius III. in cap. *proposuit* eodem tit., ubi in specie agebatur de mandato de providendo Beneficium primo vacaturum, & sic incertum, & personæ incertæ: idque notant Canonistæ communiter in d. cap. *Nulla*, & præ cæteris Joann. Andreas n. 13., Henricus Boich. col. 2. in fin. vers. *aut nunquid possint*, Fagnan. à n. 4. ad 9., ubi nil differre asserit mandatum de providendo in genere, sive in specie, sive certum, sive incertum, dummodo contineat vacatura.

XI.

Germani
expectativis,
& mandatis
de providen-
do vacatura
adversis.

Contra has irregulares Gratias obstrepere Germani in Concilio Constantien- si; quippe *Sigismundus* Imperator & communes Germaniæ, & Romani Imperii ordines ablegatos miserunt cum speciali mandato ab iis Patribus impetran- di

di conciliare decretum, quo Expectativæ, & mandata de providendo vacatura, quin hujusmodi gratiarum nomina dele- rentur, uti videre est apud Melchiorum Goldastum to. 1. Constit. Imperial. pag. 392. cap. 3. & cap. 6. At quoniam Constantiense Concilium super iis nequic- quam providerat, vix Basileensi Synodo indicta, Albertus II. Imperator, Electo- res itidem omnes in comitiis Mogun- tiæ celebratis, teste eodem Goldasto to- mo eodem pag. 401. 403. cap. 4. 11. 12. & 34. *hasce Preces ab Imperii Legatis porrigendas Concilii Patribus statuerunt, & jurejurando pacta in conventu stabili- ta servare promiserunt. Hæc enim le- guntur in capite 4. Ecclesia Pastore de- stituta, ii penes quos est eligendi potestas, die & loco definitio conveniunt: Princi- pibus fas non esto pro quopiam commendan- do molestis Precibus, aut violenta commi- natione premere, aut cogere Electores, & cap. 11. Expectativis præterea gratiis, unde plurima oriri mala constat, locum esse non finito, & cap. 12. Beneficia vivo eorum Rectore nemini reservato.*

Defuncto Alberto Fridericus III. ad imperium assumptus, anno MCCCXL. de consensu Electorum omnium Imperii, totiusque inclytæ nationis Germaniæ Le-

XII.

Fridericus
III. urget li-
bertatem ele-
ctionum.

18. *De primariis Precibus Imperialibus*
gatos suos ad idem Basileense Concilium
missos jussit urgere pro libertate Electio-
num, & pro suppressione omnium gra-
tiarum expectativarum, ac reservationum
de Beneficiis vacaturis, rationibus etiam
additis, ut palam fieret quot ex hujus-
modi gratias mala, & scandala orirentur,
uti videre est apud eundem Goldastum
tomo 1. pag. 404. cap. 5. 6. & 7., &
to. 2. pag. 124. & 125. Patres Concilii
Basileensis, quod postea in Conciliabu-
lum degeneravit, translato jam Concilio
ad Civitatem Ferrariæ ab Eugenio Papa
IV. Expectativas, provisiones de vacatu-
ris, & mandata de providendo vacatura
in §. *Volens* damnarunt, irritasque etiam
fecerunt similes gratias à Sede Apostoli-
ca concessas: quod ab iis factum in gra-
tiam Imperatoris, & Germanorum pa-
tuit ex jam dictis.

XIII. Itaque si Germania universa ita odio
Gratiarum, quæ habuit hujuscemodi gratias, adeoque
vacatura com- fortiter pugnavit pro libertate Electio-
prehende- num, Precesque Principum, atque vio-
rent à Ger- lentas comminationes eorum, quibus
manis repro- tolleretur exoptata libertas, detestata est
batæ. solempni pacto juramento firmato ab Im-
peratore, ab Electoribus, universisque
Germaniæ sacris Ordinibus, & obtinuit
à Concilio Basileensi has concessiones ir-

ritas fieri; quis unquam arbitrabitur licitum esse Augustissimis Imperatoribus mandata de providendo ad vacatura Beneficia sibi usurpare, immo & jussu super his dare, Electoresque compellere minis & pœnis, non dicam Precibus, ad conferendum Beneficium primo vacaturum, & quod Precista elegerit? Hoc quidem pacto fieret, ut Germani id, quod Præsulibus omnibus, & Summis Romanæ Ecclesiæ Antistitibus permissum haud esse proclamarent, licuisse, & licere putarent laicis Imperatoribus, & Principibus, quorum commendationes, vel molestas Preces in electionibus damnaverunt: quod procul dubio paradoxorum habet imaginem.

Cum vero decretis Conciliabuli Basileensis, postquam illud damnaverat Eugenius Papa IV., Romana Curia, & Orbis Catholicus non pareret, factum est, Ablegatos Cæsareos, & Caroli Francorum Regis ad Concilium Tridentinum missos, iterum atque iterum contra harum gratiarum usum exclamasse, sic instantes: *Mandata de providendo, Expectativa, fiduciaria resignationes, Commendæ revocentur, & tanquam sacris decretis contrariæ ab Ecclesia omnino arceantur: quod narrat idem Goldastus tom. III.*

XIV.

In Concilio Tridentino
no extinctæ.

20 *De primariis Precibus Imperialibus*
Constitut. Imperial. pag. 570., & 571.
in principio num. 20., & 21. Hinc Pa-
tres Concilii, quibus cordi erat hos po-
pulorum clamores sedare, in sequelam
Precum prædictarum ab Ablegatis Cæ-
sareis, & Regis Galliæ porrectarum, ita
sess. 24. cap. 19. statuerunt: *Decernit san-
cta Synodus mandata de providendo, &
gratias, quæ Expectativæ dicuntur, nemini
amplius, etiam Collegiis, Universitatibus,
Senatibus, & aliis singularibus Personis,
etiam sub nomine Inaudi, aut ad certam
summam, vel alio quovis colore conce-
di, nec hætenus concessis cuique uti licere:
sed nec reservationes mentales, nec aliæ
quæcumque Gratia ad vacatura alicui etiam
ex sancta Romana Ecclesia Cardinalibus
concedantur, hætenus concessæ abrogata
esse censeantur.* Hæc Tridentini Patres,
qui damnarunt Expectativas, mandata
etiam de providendo vacatura, & sic
prima Beneficia quæ vacassent, reserva-
tiones mentales, quibus Pontifices sole-
bant reservare Beneficia in genere vaca-
tura, & sic primo vel secundo vacatu-
ra, ut Personis gratis providerent, nulla
expressa certa Persona, ut refert Gonzal.
ad reg. 8. Cancellariæ §. 1. proem. n. 76.
& sequentibus; & de his non contenti
damnarunt omnes, & quascumque alias

gratias, in quibus quomodolibet de vacaturis disponeretur, ut prosequitur Gonzalez loc. jam adducto n. 80.

Quare si instantibus Germanis, Gallisque, omnes gratiæ, & concessiones Beneficiorum vacaturorum in genere, vel in specie, facta vel non facta designatione certæ Personæ, per cujus obitum Beneficium vacare contigisset, à Tridentina Synodo irritæ factæ sunt, inhibitumque Indulta concedere, & concessa abrogata, itaut quanquam Romani Præsules, quorum potestas conciliarem excedit, si vellent hæc gratias concedere, possent; nihilominus ii post Concilium rarissime super his indulgere consueverint in obsequium tantorum Patrum, testimonio Gonzalez loco jam relato num. 70. & sequent., Loth. lib. 2. de Benefic. quæst. 25. num. 4. & 5., nemo sane affirmabit permissum idem esse laicis Principibus, quod tam solemniter in Oecumenica Synodo sibi inhibuerunt Summi Romanæ Ecclesiæ Præsules, nedum Germanis Imperatoribus, quorum vox hæc semper fuit, ut talia ab Ecclesia arcerentur, utpote sacris Canonibus adversa: nisi dicendum sit, Synodicas constitutiones, quæ juxta Germanorum omnium opinionem hujuscemodi concessiones

XV.

Indulta super
vacaturis sub-
lata.

22 *De primariis Precibus Imperialibus*
damnabant, hæc, quæ omnibus Ecclesiæ
universalis Ordinariis, Pontificibus etiam
Romanis negabantur, laicis Principibus
indulxisse: quod nemo cordatus vir pro
vero arbitrabitur.

XVI. Crescit injuria libertatis Ecclesiæ, si
Preces Imperiales libertati Ecclesiæ
opponuntur, recte intelligatur pondus Exequutorum,
quos Augustissimus Imperator constituit
ad Preces suas exequendas; sunt quippe
ii duo Celsissimi Germaniæ Præsules,
& Deputati ad compescendum prænis,
& multis laicalibus Ordinarios, & Capitu-
lula inclytæ nationis Germaniæ, quæ
Precibus Imperialibus, imò dicam præ-
ceptis, & jussis parere distulerint: hæc
in Ecclesia Dei soli Romani Pontifices fa-
cere consueverunt, neque ulli laico Prin-
cipi sine concessione Apostolica permissa
unquam fuerunt; vetustus nanque stylus
is fuit, ut cum Summi Pontifices man-
data de providendo vacatura dedissent,
primum Ordinariis Collatoribus scribe-
rent literas monitorias rogantes Episco-
pos, dein præceptorias, & demum si
cunctabantur Ordinarii, & monita ægrè
ferebant, executorias: quo stylo subla-
to mos fuit, Romanos Præsules solas
exequutorias literas expedire, quibus ii
certos destinabant Exequutores, qui vel
ipsos Ordinarios ad dandum Beneficium

adigerent, vel ipsi conferrent, erantque ii Executores ad compellendum, & ad providendum, uti statuitur in cap. *Abbatem* de rescript., & in cap. *Proposuit* de concess. Præbend., & notat. glos. magistralis in cap. *Si Capitulum* de concess. Præbend. in 6., Panormitanus in cap. *Ex insinuatione* de rescript., Azor. Instit. moral. tom. 2. lib. 6. cap. 32. litt. B. & C. pag. mihi 480.

Quamobrem vix percipi potest, quo pacto sine Indulto Pontificio adduci potuerit religiosissimus Imperator, ut Ecclesiasticos Exequutores constitueret ad compellendum Ordinarios Collatores & Electores Germaniæ pœnis laicalibus, quatenus ii Preces ejus minis mixtas exequi distulissent, ut ita ipsi Catholici Antistites Exequutores dati, libertatem Electionum, & Collationum Canoniarum everterent, & multarentur ii, qui statim renuerent parere mandatis laici Principis nullo privilegio Papali munitis, libertatemque Ecclesiarum suarum vindicarent: quo sanè pacto apud Deum, & Catholicos omnes præmio & laude digni sunt; & pœnas Canonicas timere deberent, si terrore laicalium pœnarum contra Decretum sacrosanctæ universalis septimæ Synodi ad Ecclesiasticas Dignitates, & Beneficia pro-

XVII.
Precum
Imperialium
Exequutores
sine Indulto
Pontificio.

24 *De primariis Precibus Imperialibus*
moverent personas à laicis Potestatibus
electas, uti superius dictum est.

XVIII.

Scriptores
heterodoxi
inania oppo-
nunt.

Adversus prædicta plures nugas oppo-
nunt A catholici scriptores, quorum ta-
men præcipuum argumentum educitur
ab *invererata consuetudine* Imperatorum,
cui singulariter diplomata Precum, quas
Augustissimus Imperator nuper direxit,
hærent. Hunc usum aiunt antiquissimum,
referuntque ad ætatem gloriosissimi Ru-
dolphi I. Imperatoris, quem comperi-
mus vixisse anno 1273. Fatentur & ipsi
Germani scriptores, ante id tempus nul-
lum reperiri diploma harum primariarum
Precum, sed in illo Rudolphi expressam
esse antiquam consuetudinem Prædeces-
sorum Preces dirigendi: en formula Pre-
cum Rudolphi apud Goldastum Consti-
tut. Imperialium tom. 3. pag. 406. : *Ru-
dolphus, &c. Cum ex antiqua, & appro-
bata à Divis Imperatoribus & Regibus ad
nos producta consuetudine, qualibet Eccle-
sia in nostro Romano Imperio constituta, ad
quam Beneficiorum Ecclesiasticorum perti-
net collatio, super unius collatione Beneficii
Precum nostrarum primarias admittere te-
neatur; devotionem tuam rogamus, quate-
nus huic Clerico de Ecclesiastico Beneficio,
quod ad tuam collationem attinet, ob reve-
rentiam sacri Imperii studeas liberaliter*

providere. Datum anno Regni nostri primo.

Prætermittimus, quod quamquam Rudolphus I. consuetudini hæreat, non desint, qui testentur, eum Imperatorem à Gregorio X. Romano Pontifice Indultum Apostolicum super iis impetrasse: hujus namque rei meminit Speculator, qui vixit ætate Rudolphi, & in titulo de Præbend. in 6. hæc habet: *Item nota, quod Imperator habet privilegium, quod ego vidi bullatum, quod in qualibet Ecclesia Alemannia possit facere unum recipi.* Hoc privilegium Sedis Apostolicæ primariarum Precum fuisse notat Joannes Andreas Speculatoris scholias tes loco jam relato litt. C. & in cap. *Is cui* 19. num. 1. de Præbend. in 6., & pluribus relatis Hermannus Hermes in fasciculo Juris publici cap. 11. de regal. Imper. num. 8.

Prætereo itidem hanc consuetudinem in Precibus Rudolphi assertam provenisse potius ex abuso prædecessorum Imperatorum, qui canonicas electiones Prælatorum everterant, seseque arbitros fecerant investiturarum Ecclesiasticarum, & titulorum Episcopaliū, atque Abbatialium: quem abusum abjuravit Hermanus Rex Romanorum, & Henricus V. teste Goldasto tom. 1. pag. 242. & pag.

XIX.

Rudolphus
I. Indultum
Apostolicum
impetravit.

XX.

Consuetudo
Rudolphi ex
abuso.

26. *De primariis Precibus Imperialibus*
 258. *Fridericus itidem II.*, prævia constitutione in ipso conventu Electorum publicata his verbis : *Illum igitur volentes abolere abusum , quem quidam prædecessorum nostrorum exercuisse dignoscuntur in electionibus Prælatorum , concedimus , & sancimus , ut electiones liberè , & canonicè fiant.* Et infra : *Omnia nos spiritualia vobis , & aliis Ecclesiarum Prælatiis relinquimus liberè disponenda , ut quæ sunt Cæsaris Cæsari , & quæ sunt Dei Deo recta distributione reddantur , quemadmodum referunt Raynaldus ad annum Christi 1213. Goldast. tom. 1. pag. 289. & pag. 290.* Quamobrem ea , quæ tentata & facta sunt ab Imperatoribus ante Rudolphum , quæque provisionem Beneficiorum Ecclesiasticorum respiciebant , jure summo referri possunt ad tempora insignis abusus , quibus Germaniæ universæ Ecclesiæ in magno constitutæ erant discrimine , uti ipsimet Scriptores Germani infra referendi asserunt.

XXI.

Qualis consuetudo Rudolphi.

Verum hac etiam consuetudine admissa , sicuti ea probatur ex diplomate relato Rudolphi , ex eo itidem quæ , & qualis esset hujuscemodi consuetudo intelligitur , ea namque non potuit esse dissimilis Precibus ipsis Rudolphi , ex quibus desumitur. Cum itaque in illis neque præcipia-

tur Ordinariis Collatoribus quicquam, neque pœna contrafacientibus imponatur, & futuræ vacationes nequaquam comprehensæ sint, & rogentur Ordinarii Collatores Ecclesiarum, quæ in territorio Imperiali sitæ erant, pro uno Beneficio ad suam collationem pertinente; jam patet quam difformis sit consuetudo asserta in dicto diplomate à Precibus nuper porrectis per Augustissimum Imperatorem, in quibus non rogantur, sed compelluntur Ordinarii sub insigni pœna; deputantur Exequutores ad compellendum; datur mandatum de providendo Beneficia vacatura; comprehenduntur dignitates, & Beneficia electiva, & regularia, & quidem vacantia in quocumque mense, & sic in mensibus Summo Pontifici reservatis in Concordatis Germaniæ, ac si ipsi Summi universalis Ecclesiæ Pontifices Imperialibus mandatis sub pœnis ibidem comminatis omninò parere deberent; & Episcopi exequutores in dictis Precibus designati, ipsos Pontifices Romanos, quibus i subeunt, compellere possent: quo nil magis absurdum excogitari potest.

Sed fortasse aliquis dicet, *Carolum IV. XXII.* Imperatorem, inauguratum anno 1345. Preces Caroli IV. ex-primarias Preces direxisse eadem asserta penduntur, antiqua consuetudine cum mandato com-

28 *De primariis Precibus Imperialibus*
plectente vacatura, & cum jussu, ut re-
fert idem Goldast. tom. 1. pag. 343.
Verum formula Precum, quam ibidem
exhibet Goldastus, dissimilis prorsus est ab
illa Rudolphi: hæc enim, omissis re-
dundantibus, hæc est: *Cum itaque nobis*
tam de jure, quam antiqua, & approba-
ta consuetudine hætenus observata compe-
tat, quod ex coronationis nostræ solemnibus
in quolibet Monasterio in Imperio constitu-
to unam tantum personam virtute prima-
riarum Precum nostrarum ad Beneficium
Ecclesiasticum facere possimus promoveri.
Hinc est, quod pro Petro Conradi vobis
primarias dirigimus Preces nostras, devo-
tionem vestram hortamur, & per regalia
sceptra mandantes, quatenus prefato Petro
de Beneficio Ecclesiastico, quod vacat ad
presens, vel quod primum vacaverit, ad
vestram collationem spectans, auctoritate
primarum Precum nostrarum providere
debeat, quavis contradictione cessante;
jus nostrum, & dictam consuetudinem in
præmissis nobis taliter servaturi, prout ju-
ra & liberalitates vobis, & dicto vestro
Monasterio à prædecessoribus nostris datas
nos delectat non minuere, sed augere. Hæ
Preces datæ sunt anno VII. Imperii Ca-
roli IV., quare non erant illæ, quæ sta-
tim ac Imperator inauguratus est expedi-

tæ fuerant. Itidem consuetudo in illis
asserta coarctata reperitur ad Monasteria
in Imperio consistentia tantummodo ,
quo fit , ex dictis Precibus probari non
posse morem omnibus Ecclesiis Germaniæ ,
præterquam Monasteriis , Preces
dirigendi ; & quod magis urget , dictæ
Preces non hærent nudæ consuetudini ,
uti illæ Rudolphi ; sed earum scriptor
videns fortasse consuetudinem Precibus
non consentire , adhæsit dispositioni ju-
ris , ibi : *Nobis tam de jure , quam an-
tiqua consuetudine.* Quemadmodum igitur
liquido constat tam ex Precibus Ru-
dolphi , quàm ex Conciliorum sanctioni-
bus , & communi sententia Canonista-
rum , Principibus laicis æquè ac Impe-
riali dignitate fulgentibus , nullum jus
competere conferendi beneficia Ecclesia-
stica , aut compellendi Episcopos , & Ca-
pitula ad ea conferenda personis à se no-
minatis , & multo minùs Episcopis Pre-
ces cum præcepto dirigendi ; ita non levi-
ter suspicandum est , quod Carolus Impe-
rator de facto dictas Preces direxerit nul-
li nixus consuetudini , nisi illi , quæ de
facto irrepserat , & educitur ex diploma-
te Rudolphi , quem diximus nudas Pre-
ces sine præcepto direxisse : & tamen
Caroli IV. Preces restrictæ ad Monaste-

30 *De primariis Precibus Imperialibus*
ria Regularium, non continent pœnas,
aut beneficia Papæ reservata, & quamvis
complectantur vacatura, in hoc diffor-
mes sunt à consuetudine asserta in diplo-
mate Rudolphi.

XXIII. Sic & primariæ Preces Wenceslai Im-
Preces Wenceslai Imperatoris.
peratoris electi anno 1376., quas exhi-
bet idem Goldastus dicto tom. I. pag.
375. adduci non merentur ad talem an-
tiquam consuetudinem asserendam; cedit
enim ibidem ipse jus primariarum Pre-
cum Ruperto Comiti Palatino Rheni &
Bavariæ Duci cum enunciativa, quòd de
jure, & consuetudine id jus Imperatori-
bus competeret in singulis Ecclesiis Ger-
maniæ, & contra Ordinarios Collatores
tantummodò, eosque qui Precibus non
parerent pœnis ibidem comminatis affli-
xit, & executorem eundem Comitem
Palatinum fecit: quare constat hunc
Preces non direxisse: nescimus enim, an
eius cessionarius id fecerit, & Ordinarii
paruerint. Patet etiam hunc hæsisse dis-
positioni juris, quia de consuetudine for-
tasse dubitabat, & ampliassse fimbrias suo-
rum prædecessorum, Preces redigendo
in præcepta, addendo etiam minas, &
pœnas: quod nemo prædecessorum ejus
fecerat.

XXIV. *Abusus Prin;* En itaque cujusmodi fuit consuetudo,

per quam impossibile est, quod laicus Princeps jus firmum sibi acquisiverit cogendi omnes Episcopos, & Capitula inclytæ nationis Germaniæ sub pœna ad parendum Precibus, & conferendum, pessundata libertate canonica electionum, & collationum, personis sibi benemeritis. Nemo sane non videt non consuetudinem, sed abulum fuisse illis temporibus invecum, quando sæpenumero Summi Pontifices, & Episcopi coacti sunt pœnis Ecclesiasticis occurrere laicorum Principum cupiditati affectantium non dicam in Beneficia Ecclesiastica, sed in ipsas electiones Episcoporum violentas manus injicere; ut infra ex antiquis monumentis ostendam. Et quidem rem de facto gestam probant diversitas Precum Rudolphi ab illis Caroli IV. & Wenceslai; assertio in ultimis facta, quod Preces illæ à dispositione juris communis procedebant; ac intervallum centum & ultra annorum, qui numerantur ab Imperio Rudolphi ad illud Wenceslai, quo curriculum duo tantum exempla primarum Precum apparent, & nescimus utrum illæ fuerint effectum sortitæ; an Ordinarii, & Capitula paruerint; an non parentes multati fuerint: quanquam ego verisimile putem, Carolum IV. & Wenceslaum

cipum in ca;
nonicis ele-
ctionibus.

pum sæcularium Ordini Ecclesiastico injuriosa : quamobrem communis Canonistarum est opinio ex hac conniventia , & patientia nullum prorsus quæri jus Principibus , & Regibus , neque ullam prætendi posse justam excusationem eorundem , neque sic electos , vel provisos de Præbendis , Ecclesiæ fructus suos facere , & gravis peccati notam incurrere , sive consuetudo sit centenaria , sive immemorabilis , ut notant Canonistæ in cap. 2. de Præbend. in 6. , ubi præ cæteris Joannes Andr. ex num. 5. ad fin. , Ancharan. sub num. 1. vers. *Quinto querit* , Gemin. sub num. 12. vers. *Nec obstat si dicatur* , & ibi latissime Joannes Monach. num. 5. , & fusius Prob. ex num. 5. ad 11. Præpos. in can. *Imperium* , vers. *Sed an præscriptione* , cum seq. distinct. 10. , ubi graviter invehit tam in Principes nominantes , & eligentes , quam in collatores. Card. Zabarella conf. 57. vers. *Et si dicatur* , & num. 3. , Surd. conf. 301. num. 59. , Silv. de benef. par. 2. quæst. 23. sub num. 16. vers. *Et isto casu non habet locum* , & plene Loth. de benefic. lib. 1. quæst. 6. num. 39. & sequentibus , ubi num. 47. & seq. probat primarias Preces Imperiales sine Papæ indulto , quo Prælati Ecclesiastici recipiant

Precistam mandato Papæ, nullius prorsus esse momenti, cum Imperator non conferat, aut conferre valeat, neque Ordinarii recipere queant Precistas intuitu Precum Imperialium, & sic potestatis sæcularis imperio; sed tantummodo vigore mandati Papæ id jus Imperatori concedentis.

XXVI. Sed placeat pro hujuscemodi consuetudinis, seu potius notabilis abusus dilucidatione, tempora, & circumstantias ponderare. Preces Imperiales nituntur consuetudini, & exemplo prædecessorum; videamus itaque quid prædecessores Imperatores fecerint, & in quibus circumstantiis hæc consuetudo invec̃ta sit. Jam diximus hunc ab^us^um irrep̃sisse ea ætate, qua Imperatores contra fas manus injecerant in Ecclesias, & Ecclesiasticos titulos; in qua occupatione, ut sese tuerentur, Ecclesiasticos Germaniæ sollicitaverant contra potestatem Romanorum Pontificum, & contra reservationes, & Regulas Cancellariæ, quibus ii quasdam Beneficiorum species sibi reservaverant, necnon contra expectativas, mandata de providendo; reservationes mentales, & similia, quorum usus tunc in Curia Romana invaluerat. Ita putabant Cæsares diviso Germano Clero, & alienatis animis Epif-

Origo abusus
in Precibus
primariis.

coporum , & Capitulorum à Sede Apostolica, se stabilire in injusta possessione occupandi electiones canonicas , & querelis populorum refrænare Pontificiam potestatem. Sic fecisse constat Hermannum, Henricum V. etiam postquam Calixto II. promiserat, se canonicas electiones in sua libertate relicturum , Fridericum I., Othonem IV., Fridericum II., & plures qui sequuti sunt, & Ecclesiasticas res plurimum perturbarunt, uti videre est apud Goldastum tom. I. pag. 242. 258. 289. & 290., idque patet ex Annalibus Ecclesiasticis, Germanarumque rerum Scriptoribus,

Hic status rerum fuit donec ad tempora Constantiensis & deinde Basileensis Concilii ventum est, quo auctoritate Eugenii IV. dissoluto, & translato ad Civitatem Ferrariæ, Basileense Conciliabulum instante Alberto Imperatore & dein Friderico III. plura contra Apostolicam Sedem tentare ausum est, donec comperta nullitate actorum ejus pseudo-Synodi, post translationem factam à Papa, Germanisque omnibus illuminatis, Fridericus III. suppliciter ab Eugenio Catholicæ Ecclesiæ Antistite, detestata pervicacia schismaticorum, absolutionem Episcoporum, qui Basileæ convenerant, & Procerum,

XXVII.
Conciliabuli Basileensis
statuta irrita.

36 *De primariis Precibus Imperialibus*
qui à fœdere Romanæ Ecclesiæ descive-
rant , suamque impetravit , quemadmo-
dum ostendunt Gobel. comment. lib. I.,
Raynald. ad annum Christi 1447., & pa-
ter ex constitutione x. Pii II., in qua fu-
sius res gestæ enarrantur.

XXVIII. Vix reconciliatus Fridericus duo petiit
Primariæ ab Eugenio ; primum , ut omnes electi ad
Preces ab Eu- Ecclesias , & Beneficia , omnesque de iis
genio IV. Fri- provisi in Germania tempore contuma-
derico III. ciæ , ii quoque , qui Conciliabulo adhæ-
concessæ. serant , pristinis honoribus & dignitati-
bus restituerentur , eorumque provisiones
Papali diplomate validæ fierent : quod
Eugenius fecit , quemadmodum legitur
in Constitutione relata per Raynaldum
ad annum Christi 1447. n. 4. 6. 7. & se-
quentibus : alterum , ut Papa indultum
primariarum Precum ipsi concederet ,
quod & Eugenius Friderico benigne in-
dulsit , ut infra referam. Interim missus
est Joannes Cardinalis sancti Angeli Dia-
conus ad Germanos , ut tandem is aucto-
ritate Legationis Apostolicæ componeret
jurgia , quæ tanto tempore exarserant in-
ter summos Pontifices , Imperatores , uni-
versamque inclytam Nationem occasione
libertatis electionum , collationum , reser-
vationum Apostolicarum , expectativa-
rum , mandatorum de providendo vaca-
tura , & similibus.

Inita tandem fuit, Deo dante, concordia inter Fridericum, Principes, Prælatos, Capitula Germaniæ, & Papæ Legatum, ejusque pacta solemnia legi possunt apud Raynald. ad annum 1448. num. 3., & in Constitutione I. Nicolai V., quæ eam per Apostolicam Bullam confirmavit, & apud Goldastum in sæpe relato tom. I. pag. 408. In ea sanè concordia Nicolaus Papa sibi soli, & Successoribus reservavit Beneficia expressa in Extravag. *Ad Regimen* de Præbend., Dignitates majores post Pontificales in Cathedralibus, & Collegiatis, necnon alia quæcumque, & quomodocumque vacantia in mensibus Januarii, Martii, Junii, Septembris, & Novembris: cæterorum verò Beneficiorum vacantium in aliis mensibus, præter jam reservata, collationem, & provisionem concessit Ordinariis Collatoribus, inhibuitque sibi, & Successoribus, iis mensibus, Ordinariis assignatis, ullam expectativam, sive aliam quamcumque gratiam vacatura completentem concedere: & in §. 3. in omnibus Ecclesiis, & Monasteriis electivis, nullo excepto, in posterum fieri liberas, & canonicas electiones sancivit.

Itaque si quæ irrepererat consuetudo primariorum Precum tempore quo Principes

XXX.
Concordata

38 *De primariis Precibus Imperialibus*

Precibus Imperialibus opposita.

Germaniæ contra fas electiones canonicas invaserant, & ante jam dictam concordiam; dilucidum fit per pacta jam relata subscripta ab Imperatore, omnibusque Imperii Ordinibus, illam fuisse penitus eradicatam; Concordata enim sunt directè opposita Precibus Imperialibus: in illis enim cavetur Electores Ecclesiasticos in posterum totali libertate gaudere, ut innuunt illa verba: *Fiant electiones canonice*: sed vigore Precum Electores posthabita libertate electionis, quin nulla electione facta, coguntur Precistæ conferre: in illis reservantur Ordinariis Collatoribus quidam menses, in quibus neque Pontifices Romani, sed tantummodo Ordinarii conferre queant, & Capitula eligere: quod jus subvertitur per Preces, quarum colore Ordinarii, & Capitula Precistæ, & sic personæ designatæ & electæ ab Imperatore conferre omnino tenentur: in illis datur Episcopis canonica optio conferendi Beneficia magis dignis; at in Precibus datur optio Precistæ compellendi Ordinarios ad sibi conferendum pinguiora: in illis Papa sibimetipsi in gratiam inclytæ nationis inhibuit in mensibus assignatis Ordinariis Collatoribus, expectativas, aut mandata de providendo vacatura, vel similes gratias, quibus

de vacaturis disponeretur , concedere. In Precibus Imperator disponit de vacaturis , data electione Precistæ obtinendi primò vacaturum , quod is elegerit ; & quod plus est , in Concordatis Papa sibi tantummodò reservavit collationes omnium Beneficiorum , quorum jus Episcopis , & Capitulis non dederat , & quorum elenchum jam retulimus ; in Precibus autem Imperator disponit de Beneficiis quibuscumque , exceptis Ecclesiis Episcopalibus , & majoribus dignitatibus ; disponit etiam de Beneficiis quocumque mense vacantibus , & sic de illis vacatis , & vacaturis in mensibus soli Papæ reservatis. Demum in concordia nil quod beneficialia sapiat reservatur Friderico & Successoribus , & omnium Beneficiorum collationes distribuuntur inter Summos Pontifices , & Ordinarios Collatores Germaniæ ; quamvis Fridericus , omnesque Germaniæ Ordines concordia adfuissent , eamque laudassent , & Imperator dissimulare haud potuisset jus primariarum Precum , quod Imperatores se habere existimaverant , cùm & ipse ab Eugenio prædecessore Nicolai V. indultum speciale super his impetrasset.

Hoc argumento exagitati A catholici Scriptores , & Germani quidam Catho-

XXXI.
Adversarios

rum objection-
es diluun-
tur.

40 *De primariis Precibus Imperialibus*
lici, re haud recte perspecta, respondent
in concordatis nullum fuisse irrogatum
præjudicium primariis Precibus, in iis
non expressis, vel concordata juribus
Imperii præjudicare non potuisse, defi-
ciente Imperii totius consensu, uti arrisit
Lehmanno de pac. Relig. lib. 2. cap. 70.,
Fritschio de primar. Precib. cap. 2. §. 43.,
Vitriario Instit. Jur. publ. lib. 3. tit. 2.
num. 9. in adnotat. ad fin. pag. mihi 56.,
Mayero in tract., quem nuper scripsit de
jur. primar. Prec. num. 43. 44. & 45.
pag. mihi 24. & sequentibus: qui plu-
ribus nugis dignis solum A catholicico ho-
mine hanc rem absolvit, & ex nostris
Pyrringh. tom. 3. tit. 5. Decretal. num.
376. Engel. eodem tit. num. 71. aliique.
Sed concordata jam relata constabilia
fuerunt apud Germanos inter Legatum Pon-
tificium, Fridericum Imperatorem, Ele-
ctores, omnesque Principes Imperii, &
Clerum universum Germaniæ, ut jam
narravimus; adeoque incluta Natio jam
dicta sollicita fuit de illorum observan-
tia, ut quisquis illis contraire ausus esset,
edictis sequutorum Principum territus
fuerit; quippe successor Friderici Maxi-
milianus I. edicto cavet concordata sedu-
lo servari; sic & Carolus V., & alii suc-
cessores, uti patet ex edictis apud Golda-

stum sæpe citat. tom. 1. pag. 411. ad finem: & cum quidam Episcopi conquererentur apud eundem Maximilianum I. quod contra pacta laudata expectativæ concederentur, Natio universa eidem Preces porrexerat in hunc modum: *Sicut Regnum Franciæ pragmatissimam habet sanctionem, sic Imperium Romanum habet concordata Principum; utque ea illa conserventur interest Casarea Majestatis: raro tamen hæcenus per Summos Pontifices violata sunt, & Auditores Rote juxta illa hucusque feruntur judicasse; & si aliquis Curialium per quamcumque dispensationem conaretur illa infringere, quod Episcopus, vel Princeps, vel Senatus ejusdem loci principiis obstando ei concordata inculcasset, piè exhortans ne contraveniat: sic apud eundem Goldastum Germania universa sollicita fuit de concordatorum firma observantia. Quamobrem audiri non merentur A catholici, qui videntes hujusmodi Preces adversari concordatis, Imperatores pacta à prædecessoribus firmata, totoque cœtu Germaniæ laudata, ac tot edictis Imperatorum roborata, subvertere impunè posse arbitrantur.*

Facile etiam corrui alius argumentum; quoniam si concordata inita sunt inter Summum Pontificem, & Imperatorem XXXII. Concordata semper à

42 *De primariis Precibus Imperialibus*

Summis Pontificibus ob-
servata.

torem, cur successores Pontifices ex Germanorum confessione ad eorum observantiam tenentur, Imperatores verò nequaquam? Fridericus enim contraxit tanquam Imperator de consensu omnium Germaniæ Ordinum, atque ideò Imperatores omnes, quemadmodum Romani Præsules ea pacta servare tenentur: quod si dicatur primarias Preces, & jura Imperialia in concordatis non esse expressa, statim intelligitur id levissimum esse: quippe prætendebant prædecessores Friderici patronatum Regium in Ecclesiis Abbatialibus, & Cathedralibus Germaniæ, pluribusque ætatibus dederant investituras dictarum Ecclesiarum per anulum, & baculum, Romanis tamen Præsulibus contradicentibus. Hanc rem narrant quotquot sæculi decimi-tertii, & sequentis scripsere historiam, necnon Klokus consil. 4. num. 34. vol. 1., Mayerus de jur. primar. Prec. à nu. 30. ad 37., & num. 49., qui fusissime nugis suis suadere conatur ex eodem jure patronatus jus harum Precum profluere. Ergo si jura ab Imperatoribus prætenfa in concordatis minime comprehenduntur, ut Acatolicis arrisit, poterant impunè, possentque etiam Imperatores patronatus jura, aliasque investituras Ecclesiarum Ca-

thedralium, & Abbatialium dare: quod nemo prudens dixerit: quin constat post concordata jam dicta, nullum Imperatorem spatio fere trecentorum annorum prædicta tentasse.

Enimvero in concordatis præsentē & XXXIII. laudante Imperatore, totaque Germania Concordata electiones canonicas tuentur, plaudente, cautum fuit Cathedrales Ecclesias, & Abbatiales in futurum providendas, servata forma electionis canonice, & sic cum plena libertate eligentium: quod directe pugnabat cum investituris, & Regio patronatu ab Imperatoribus expetitis, unde planum erat hæc pacta, patronatus, & investiturarum prætensiones, quibus contradicebant, sustulisse; neque necesse erat abusus prædictos exprimere, cum satis esset Imperatore præsentē, & subscribente, iisdem per contraria pacta abrogatum. Sic quanquam prædecessores Friderici primarias Preces direxissent, neque eæ in concordatis expressæ legantur; nihilominus satis fuit Imperatori contrahenti nil reservatum fuisse, & pacta talia adjecta, repugnantia omnino primariis Precibus: quæ procul dubio contradicunt cuilibet concordatorum verbo, ex superius relatis, præsertim dum concordata prædicta paulo post Basileense Conciliabulum

44 *De primariis Precibus Imperialibus*
scripta sunt: apud quod instituisse proba-
vimus Germanos omnes, qui in Comi-
tiis Moguntiae celebratis adfuerunt, sup-
plicantes pro Conciliari decreto, quo sta-
tueretur Principibus fas non esse: *Pro*
quopiam commendando molestis Precibus,
aut violenta comminatione premere, aut
cogere electores; addentes praeterea expe-
ctativas, mandata de providendo vaca-
tura, & reservationes vacaturorum ab
Ecclesia Dei eradicandas, ex Goldast.
saepeditato tom. I. pag. 401. 403. cap. 4.
num. 11. 12. & 34.

XXXIV. Quare si concordata conscripta fuere
Concordata in gratiam Germanorum, & ut eorun-
dem clamores cessarent, atque Decreta
in gratiam Germano- à Basileensi Conciliabulo, cui Germani
rum conscri- adhæserant, evanescerent; nemo pru-
pta, dens rerum aestimator arbitrabitur con-
cordata ea intentione inita præservesse
jus primariarum Precum, quibus electo-
res minis premebantur, & Collatores co-
gebantur conferre vigore comminatio-
num Principum, qui disponebant quo-
que de vacaturis. Iridem si in mensibus
assignatis Ordinariis, Papa sibi metipso
inhibuit eas concessionem, quæ quomo-
dolibet vacatura continebant; vix credi
potest id, quod inclyta Natio petit, in
posterum Pontificibus Romanis haud

permitti, præservatum fuisse laicæ potestati.

Hæc autem eo amplius firmanantur, quod Fridericus ipse, qui concordiam iniit, præcedenter agnoverat, sine indulto Pontificio perperam Ordinarios premere primariis Precibus ad conferendum, potuisse; quippe is vix reconciliatus Eugenio IV., indultum nominandi ad centum Beneficia impetravit, quo non indignisset, si putasset se Precum vigore ad longe plura Beneficia jus nominandi habere: & sane patet Fridericum tunc primarias Preces non direxisse, dum post concordata indultum primariarum à Nicolao V. successore Eugenii obtinuit, ut infra exponam.

At res in propatulo est, si exempla ejusdem Friderici, & successorum omnium, usque ad gloriosissimum Imperium Leopoldi Patris Augustissimi Imperatoris, nuper inaugurati, perquiramus; omnes namque post concordata jam dicta indultum Apostolicum primariarum Precum curriculo fere trium sæculorum obtinuerunt; neque Germani Ordinarii, sine indulto Pontificio Imperialibus Precibus obsequuti sunt: quin si aliquando in indultis derogatum non fuisset Concordatis, vel post indultum leges Pontificiæ

XXXV.

Fridericus
III. agnoscit
irritas Preces
primarias sine
Indulto Pontificio.

XXXVI.

Omnes Friderici successores indultum primariarum Precum petierunt.

46 *De primariis Precibus Imperialibus*
latae essent, quae Precibus contradice-
rent, eas exequi renuerunt. Haec res
manifestum facit Concordata sustulisse
abulum, qui antea irreperat, & Impe-
ratores, Germaniamque universam in
eam ivisse sententiam, ut sine privilegio
Papae non liceret Imperatoribus Preces
primarias suo jure dirigere. Hinc appa-
ret diplomata Precum nuper ab Augu-
stissimo Imperatore directa non habere
exemplo praedecessorum; si praedecesso-
res omnes, uno Augustissimo Leopoldo
excepto (de quo infra verba faciam)
sine indulto Apostolico hasce Preces ne-
quaquam direxerunt: quae omnia patent
ex sequentibus indultis, mihi ab amico in
Curia Romana commorante transmissis;
quorum originalia non dubito in Archi-
vis Imperialibus juxta ac Pontificiis ad-
huc servari. Diximus Fridericum III.
vix Romanae Ecclesiae reconciliatum, ab
Eugenio IV. ante Concordata indultum
nominandi ad centum Beneficia personas
idoneas impetrasse, uti narratur in se-
cundo indulto Nicolai V. mox referen-
do: diximus etiam post concordata sub-
scripta statim eundem Imperatorem Ni-
colao V. supplicasse pro indulto primaria-
rium Precum, quod probatur ex formula
indulti Nicolai V. in hunc modum con-
cepta:

*Nicolaus &c. Charissimo in Christo filio
 Friderico Romanorum Imperatori semper
 Augusto salutem &c. Digna consideratione
 fidelitatis, & devotionis tue merita,
 quibus sancta Romana Ecclesia unitati, &
 tibi in Apostolatus officio divinitus collato
 auctoritati conservandis, prout rerum ex-
 perientia edocente cognovimus, ferventer
 afficeris, intra nostra mentis perstringentes
 interna, congruere, ut ab eadem Eccle-
 sia, cuius te fidelem Advocatum devovisti,
 & à qua, eam humili professione Matrem
 tuam recognoscentem, & dominam ad ip-
 sius Ecclesie honorem, & sacri Romani
 Imperii decus unctionem victoria, & Im-
 periale diadema nostro ministerio suscipere
 meruisti, omnis favoris prosequaris impen-
 diis, & nos ea tibi favorabiliter conceda-
 mus, quae tuae Celsitudini cedant ad hono-
 rem, & per qua benemeritis te munificum
 reddere possis ope auctoritatis Apostolicae in
 exhibitione gratiarum. Hinc est, quod
 nos tuis supplicationibus inclinati eidem
 Celsitudini tuae dicta auctoritate praesentium
 serie concedimus, & indulgemus, quod si
 per te quibuscumque Collatoribus, sive Collatri-
 cibus quorumlibet Beneficiorum Ecclesiasti-
 corum Regularium, vel secularium Ordi-
 num quorumcumque per sacrum Romanum
 Imperium ubilibet constitutis, etiam si qui,*

XXXVII.

Indultum

Nicolai V.

Friderico III.

48. De primariis Precibus Imperialibus
 vel si qua ex illis Pontificali, vel alia qua-
 vis dignitate praeſulgeant, ſeu Collegia,
 Capitula, & Conventus fuerint ſuper ſin-
 gulis Beneficiis Eccleſiaſticis cum cura,
 vel ſine Cura ſecularibus, vel Ordinum
 huiusmodi Regularibus in ſingulis Cathe-
 dralibus etiam Metropolitanis, Collegiatis,
 vel aliis quibuſvis Eccleſiis, etiamſi Be-
 neficia huiusmodi, Canonatus, & Prae-
 benda, aut Dignitates, perſonatus, Admi-
 niſtrationes, vel Officia huiusmodi in Ca-
 thedralibus, Metropolitanis, vel Colle-
 giatis, & ipſa Prabenda in illis ex huius-
 modi Eccleſiis, in quibus maiores, &
 minores Prabenda fore noſcuntur, etiam
 maiores fuerint, & ad dignitates, perſona-
 tus, adminiſtrationes, vel officia huius-
 modi conſueverint, qui per electionem af-
 ſumi, eiſque cura immineat Animarum,
 dummodo dignitates ipſae in Cathedralibus,
 & Metropolitanis poſt Pontificales mayo-
 res, aut in Collegiatis Eccleſiis huiusmodi
 principales non exiſtant, ad eorundem Col-
 latorum, & Collatricum collationem, pro-
 viſionem, praſentationem, electionem, ſeu
 quamvis aliam diſpoſitionem communiter,
 vel diſiſim pertinentibus ſingulis perſonis,
 quae huiusmodi Beneficiorum juxta ſtatuta,
 & conſuetudines Eccleſiarum, in quibus
 ea fuerint, ſive indulta eiſdem Eccleſiis
 per

Beneficia in
 indulto, ex-
 cepta.

per Sedem Apostolicam concessa aliàs capaces sint conferendis : seu super hoc , quod persona hujusmodi ad illa recipiantur , & admittantur Preces porrigere , sive de personis eisdem ad hujusmodi Beneficia nominationes fieri contigerit primarias , iidem Collatores , & Collatrices , salvo quod singula collationes , & singula Ecclesiæ ex hoc ultra quam in uno Beneficio non graventur , ac ipsi Collatores & Collatrices saltem quatuor Beneficia Ecclesiastica conferre habeant , hujusmodi precibus , & nominationibus parere , & intendere , necnon personas ipsas ad hujusmodi Beneficia , postquam ipsis de illis canonicè provisum fuerit , juxta earundem Precum seriem recipere , & admittere debeant , & etiam teneantur : quodque quicumque in quibuscvis dignitatibus constituti , seu Ecclesiarum Cathedralium Canonici , singuli videlicet ex illis , quos pro singulis personis prædictis Precum , & nominationum hujusmodi , & ad hoc ut illæ suum sortiantur effectum , etiam præsentium Executores deputaveris per se , vel alium , seu alios Beneficia prædicta , cum in quibuscvis mensibus vacaverint ; & quæ persona , pro quibus Preces , sive nominationes hujusmodi factæ fuerint , quatenus hujusmodi Preces ad illa se extendant post publicationem ipsarum Pre-

50 De primariis Precibus Imperialibus
cum, siue nominationum eo modo, quo
etiam alia indulta super Ecclesiasticis Be-
neficiis conferendis quibuscumque personis con-
cessa, vel concedenda publicari volumus
facienda infra mensem, postquam ipsis va-
catio Beneficiorum huiusmodi innotuerit,
duxerint acceptanda, dummodo eadem per-
sona, nisi Apostolica Sedis Officiales, vel
cum vigore examinis in aliqua licita fa-
cultate graduati sint, ad obtinendum Be-
neficia huiusmodi per diligentem examina-
tionem Executorum predictorum, quorum
conscientiam oneramus, reperti fuerint

Beneficia in
indulto, exce-
pta.

idonei; & ipsa Beneficia dispositioni Apo-
stolica generaliter reservata non sint, ipso-
rumque collatio fuerit juxta Lateranensis
statuta Concilii ad Sedem predictam legiti-
mè devoluta; neque super illis inter ali-
quos lis pendeat indecisa &c. non obstanti-
bus constitutionibus, & ordinationibus Apo-
stolicis, necnon aliis Ecclesiarum &c. Vo-

Onus denun-
ciandi provi-
siones Colle-
ctoribus Apo-
stolicis.

lumus autem, quod Executores predicti de
nominibus, & cognominibus personarum,
quibus dicta Beneficia per eos conferri con-
tigerit; ac de diebus collationum huiusmodi
generales Camera Apostolica aut Collecto-
res, seu Subcollectores fructuum eidem Ca-
mera debitorum in paribus illis deputatos
pro tempore quanto citius certificare procu-
rent; quodque acceptationes, ac provisio-

Conditiones
indulti.

nes, quas *Precum*, & nominationum primariarum, ac presentium vigore fieri contigerit, ad instar publicationum, quæ de acceptationibus, & provisionibus vigore gratiarum expectativarum per nos concessarum factæ fuerint, faciendæ juxta quandam constitutionem nostram super hoc editam infra tempus in eadem constitutione expressum, & sub pœnis in ea per nos adjectis debeant publicari &c. Et insuper irritum decernimus, & inane si secus super his à quoquam quavis auctoritate scienter, vel ignoranter contigerit attentari. Datum Roma apud sanctum Petrum anno Incarnationis Dominicæ millesimo quadringentesimo quinquagesimo primo, quartodecimo Kalendas Aprilis, anno sexto.

Cùm autem hoc indulto Nicolaus V. XXXVIII. Concordatis Germaniæ non derogasset, & post indultum quasdam constitutiones publicari fecisset pro declaratione expectativarum; atque alia indulta pro expectativis in mensibus sibi reservatis, juxta tenorem Concordatorum, quibusdam Ordinariis Germaniæ concessisset, hinc innumeræ lites ortæ: plures enim Episcopi Precibus parere volebant, habentes expectativas à Papa, præferri, obtinentes indulta suas expectativas exequi, contendebant; & expectantes Precistis op-

Nicolaus V.
non derogavit
Concordatis.

52 *De primariis Precibus Imperialibus*
ponebant per leges post indultum Friderico datum à Papa, promulgatas, Precistas vel non implevisse legum formas, vel uti Precibus non potuisse. In hoc rerum discrimine Fridericus iterum Papæ supplicavit, ut dignaretur novum indultum concedere, in quo & Concordatis derogaretur, & omnia prædicta dubia tollerentur, quibus Pontifex annuit his verbis:

XXXIX. *Nicolaus, &c. Dum ad præclaram, eximiamque fidei constantiam, ac devotionis sinceritatem, quibus charissimus in Christo filius noster Fridericus Romanorum Imperator semper Augustus erga nos, & Sedem Apostolicam clarere dignoscitur, necnon operosa sollicitudinis studia, ac multiplices labores, quos ipse Imperator pro Divini Nominis gloria, & conservanda Ecclesie unitate adhibuit hætenus, & habet, & adhibet indefessè, nostra considerationis dirigimus intuitum; dignum, quin potius debitum censemus, ut ad ea libenter intendamus, per quæ sublati quibusvis litigiorum, & ambiguitatum dispendiis per nos sibi, & illorum vigore per ipsum aliis personis factæ concessionibus, & gratia suum sortiantur effectum &c. Dudum siquidem fel. recordat. Eugenius Papa IV. prædecessor noster Vener. Fratri nostro Episcopo*

Indultum
Eugenii IV.
Friderico III.

Chienien. reservandi donationi sua pro cen-
tum personis idoneis, quas dictus Frideri-
cus tunc Romanorum Rex duceret sibi no-
minandas, totidem Beneficia Ecclesiastica
cum cura, & sine cura in terris, & domi-
niis hereditariis ipsius Regis consistentia, &
nonnulla alia tunc expressa faciendi cum
nonnullis prerogativarum, annulationum,
& aliis clausulis facultatem per quasdam
suas literas concessit &c. Postmodum ve-
rò eidem Friderico tunc Imperatori per
alias nostras literas concessimus, quod sin-
guli Collatores, & Collatrices per sacrum
Romanum Imperium ubilibet constituti per-
sonas quolibet, pro quibus Imperator ad cer-
ta Beneficia Ecclesiastica in quibuscumque men-
sibus vacantia primarias Preces porrigeret,
recipere, & admittere tenerentur, prout in
singulis nostris, & praedecessoris literis prae-
dictis, quarum omnium tenores, ac si de ver-
bo ad verbum infererentur praesentibus ha-
beri volumus pro expressis, plenius contine-
tur. Cum autem, sicut accepimus pro eo,
quod in dictis nostris posterioribus literis in
effectum inter cetera volumus primarias
Preces per dictum Imperatorem faciendas
ab Beneficia Ecclesiastica se extendere post
publicationem ipsarum, eo modo quo etiam
alia indulta super Ecclesiasticis Beneficiis
conferendis quibuscumque per nos concessa, vel

54 De primariis Precibus Imperialibus
concedenda publicari volumus, facienda-
rum: volumus etiam, quod acceptationes,
& provisiones, quas Precum, ac postero-
rum literarum nostrarum predictarum vi-
gore fieri contingeret, ad instar publicatio-
num, qua de acceptationibus, & provisio-
nibus vigore gratiarum expectativarum per
nos concessarum facta forent, facienda juxta
quandam constitutionem nostram super hoc
editam infra tempus in eadem constitutione
expressum, & sub pœnis in ea adjectis de-
berent publicari: pro eo quoque quod licet
in dictis posterioribus literis de aliquibus
constitutionibus, & regulis, per quas ipsa-
rum posteriorum literarum effectus impedi-
ri posset, mentio facta fuerit, non tamen de
omnibus, nec talis extitit facta mentio,
quod illis sit sufficienter derogatum; nos
quoque etiam post, & ante, quasdam con-
stitutiones, ordinationes, & regulas edidi-
mus, & in nostra Cancollaria publicari fe-
cimus, ac nonnullas expectativas, gratias,
nominationes, seu nominandi, vel conferen-
di Beneficia facultates, & de primò vaca-
turis, seu alias speciales reservationes, con-
ferendi mandata, uniones, annexiones, in-
corporationes, prærogativas, annulationes,
declarationes, aliasque concessionem, indul-
ta, & privilegia concessimus, per qua cum ut
ab aliquibus asseritur prædecessoris, & pri-

modiſtarum noſtrarum literarum obtentu nominatis, ſeu primarias Preces huiusmodi habentibus in aſſecutione Beneficiorum expreſſe præjudicatum fuerit, & præjudicetur, quamplures ex nominatis, & habentibus Preces huiusmodi, in aſſecutione Beneficiorum illorum vigore facienda, impediti; quidam etiam diverſis litibus involuti, & fatigati extiterunt laboribus & expenſis, involvunturque in dies magis, & fatigantur. Nos non obſtantibus prædictis, & quibuſvis aliis contrariis in dictis poſterioribus noſtris iteris contentis clauſulis, quæ, ſi quæ ſint in eis præter mentem noſtram appoſitæ extiterunt, etiam ab ipſarum literarum data, ac expoſt noſtra intentionis fuit, prout & adhuc exiſtit, quod nominati, ſeu primaria Preces habentes huiusmodi omnibus, & ſingulis aliis etiam familiaribus noſtris continuis commenſalibus, in certo libro dictæ Canallariæ deſcriptis, Venerabilibus Fratribus noſtris S. R. E. Cardinalibus dumtaxat, & nonnullis aliis exceptis in aſſecutione quorumvis Beneficiorum per eos vigore nominationum, ſeu Precum, & noſtrarum, & prædeceſſoris literarum prædictarum facienda præferrentur, & præferantur; quodque tam Imperator, quàm nominati, & habentes Preces huiusmodi, ac deſuper eis conceſſæ Preces, ſeu nominationis

56 De primariis Precibus Imperialibus
litera ad cujusvis constitutionis, ordinatio-
nis, seu regula per nos tunc edita, seu pu-
blicata, vel in posterum edenda, & publi-
canda solemnitatem, restrictionem, formam,
vel satisfactionem, seu observantiam mini-
mè tenerentur; nec ipsa nominationes, seu
Preces sub illis comprehenderentur quoquo
modo; ut intentio nostra hujusmodi cunctis
pateat evidentiùs, nec de illa in posterum
valeat hasitari, ac juxta eam sublati qui-
busvis ambiguitatum & litigiorum dispen-
diis, nominationes, & primaria Preces hu-
jusmodi suum, & debitum sortiantur eff-
ctum providere volentes; motu proprio &c.
ex nostra mera deliberatione, & ex ceta
scientia nostræ intentionis fuisse, & aduc
esse, ac quod semper erit illa, quod per
quam sub certis inibi expressis pœnis inter
cetera volumus, quod singuli, postquam
Beneficia Ecclesiastica vigore gratiarum
expectativarum acceptassent, ex tunc infra
annus mensis spatium eis de dictis Beneficiis
ritè provideri, ac subsequenter infra tres
alios menses immediatè sequentes accepta-
tiones, & provisiones hujusmodi certis locis,
diebus, & quibus inibi etiam expressis pu-
blicari, necnon infra annum similiter in-
ibi expressum illas, ac dictas publicationes
ipsorum Beneficiorum possessoribus, si qui
tunc, alioquin quamprimum foret, intima-

ri facere, vel super jure, si quod eis in di-
ctis Beneficiis competere putarent, judicia-
liter expediri deberent, & tenerentur; ac
alia successivè per nos prorogata, qua cum
irritantis decreti interpositione Prelatis, &
aliis personis Ecclesiasticis, ad quas digni-
tatum, aliorumque Beneficiorum Ecclesia-
sticorum collatio, provisio, presentatio, ele-
ctio, seu quævis alia dispositio pertinet, de
quibusvis dignitatibus, personatibus, admi-
nistrationibus, officiis, Canonicatibus, &
Præbendis, aliisque Beneficiis Ecclesiasti-
cis cum cura, & sine cura secularibus, &
Regularibus ad eorum collationem, provi-
sionem, presentationem, electionem, seu
quamvis aliam dispositionem pertinentibus,
qua infra certum similiter tunc expressum
tempus in Martii, Junii, Septembris, &
Decembris mensibus vacare contingeret,
dummodò dispositioni Apostolica generali-
ter reservata non forent, perinde ac si ali-
quæ à Sede Apostolica, vel ejus Legatis
expectativæ gratia, aut super illis reserva-
tiones non emanassent, liberè disponendi
concessimus facultatem; & alia, per quam
declaravimus nostra intentionis fuisse, &
esse, quod per quascumque expectativas, no-
minandi, seu conferendi de primò vacatu-
ris facultates, vel alias speciales reserva-
tiones, ac de sic reservatis conferendis, mar-

58 De primariis Precibus Imperialibus
data, suppressiones, uniones, annexiones, &
reductiones ad jus commune, gratias, con-
cessionibus, & indulta, cum quibusvis prae-
rogativarum favoribus, antelationibus, de-
clarationibus, etiam motu simili, sub qui-
busvis verborum formis, & aliis clausulis
derogatoriis etiam insolitis, quibusvis per-
sonis cujuscumque gradus, dignitatis, con-
ditionis, & ordinis existerent, Ecclesiis,
Monasteriis, eorumque mensis, etiam ca-
pitularibus concessa, & in antea conce-
denda, non intendebamus fieri praejudi-
cium aliquod nostris familiaribus, conti-
nuis commensalibus descriptis praedictis;
quin ipsi familiares essent priores in asse-
cutione Beneficiorum vigore gratiarum eis
concessarum omnibus praemissis, & aliis
quibuscumque, etiamsi eis derogaretur ex-
presse; ac illa, per quam inter cetera sta-
tuimus, decrevimus, & ordinavimus,
quod per nullas speciales reservationes, &
conferendi mandata Ordinariis Collatori-
bus, quominus beneficia ad ipsorum col-
lationem spectantia juxta supradictorum in
illorum favorem per nos editam ordinatio-
nem liberè conferre valerent, aliquod prae-
judicium fieret, etiamsi per illa ipsis Or-
dinariis, & ordinationi praejudicaretur ex-
presse: & ea etiam per nos postmodum in-
novata, & servari mandata, per quam

statuimus, & decrevimus, quod nullus ui,
& gaudere posset pluralitate gratiarum,
sed quod una consumpta, relique omnes eo
ipso essent cassæ, & irritæ, nulliusque ro-
boris, & momenti, etiamsi motu proprio
concessæ forent; seu quod quis eis similiter
ui, & gaudere valeret, & quod una
consumpta, alia firma maneret in eis, vel
in earum altera foret nominatim expres-
sum, necnon ipsa, qua per quasdam no-
stras literas omnes, & singulas gratias,
nominaciones, nominandi, seu conferendi
facultates, ac speciales reservationes, &
conferendi mandata quoad Beneficia in Or-
dinariorum mensibus huiusmodi vacantia
se extenderent hætenus per nos concessa,
quatenus per eam constitutionem Ordina-
riorum facultatibus, & indultis quoque
modo derogaretur, quæ nondum sortita fo-
rent effectum, nisi ad id expressus Ordina-
riorum consensus accederet, revocavi-
mus &c.: & illa, per quam statuimus,
& ordinavimus, quod omnes, & singule
concessiones, & literæ, etiam motu, &
scientia similibus, etiamsi per viam inhi-
bitionis, statuti, quibusvis personis cujus-
cumque status, aut dignitatis existerent,
etiamsi Regali, Reginali, Archiepiscopali,
Episcopali, vel Ducali præfulgerent digni-
tate, per nos editæ, seu concessæ, aut in po-

60 *De primariis Precibus Imperialibus*
sterum edenda, seu concedenda, per quas
expectativarum specialium, reservationum,
seu aliarum gratiarum beneficialium effe-
ctus in genere in quibuscumque Provinciis,
Dioecesibus, & Ecclesiis quomodolibet im-
pediretur in ipsorum locorum Cathedralibus
Ecclesiis coram testibus, & Notario, qui
copiam facultatum petentibus concedere te-
neretur, solemniter publicarentur &c. Ac
quacumque per nos edita, & praesertim il-
la, per quas decrevimus, quod habentes
in communi forma pauperum in affecutione
Beneficiorum valoris inibi expressi omnibus
aliis praeserrentur &c. Ac omnes, & sin-
gula aliae ordinationes, constitutiones, &
regulae in contrarium forsitan per nos hacten-
us edita, & publicata, seu in posterum
edenda, & publicanda, omnes quoque,
& singulae expectativae gratiae, nominationes,
nominandi, seu conferendi Beneficia fa-
cultates, & de primò vacaturis, seu aliae
speciales reservationes, & conferendi man-
data, uniones insuper, annexiones, in-
corporationes, suppressiones, approbationes,
prerogativae, annulationes, declarationes,
& quod in Ecclesiis, in quibus majores,
mediae, & minores, aut aliae Praebendae exi-
stunt, & ex quarum Ecclesiarum statutis,
& consuetudinibus ad majores Praebendas
quis nonnisi gradatim, & per optionem,

ac etiam in illis personaliter residens posset, seu consuevisset extendere, nullus vigore expectativarum, seu quarumcumque aliarum gratiarum à nobis, vel Sede prædicta, seu aliàs sub quibuscvis formis, & expressio- nibus verborum, & cum quibuscumque derogatoriis derogatoriis pro tempore concessarum, & habitorum per eas proces- suum vigore, ad aliquam ex majoribus Præbendis hujusmodi recipi, & admitti, & jus in eis quari posset, nisi tempore va- cationis majoris Præbenda ipsius Ecclesiæ Canonicatus, majori, vel media Præbenda actu præbendatus existeret; & apud ip- sam Ecclesiam effectualem, & realem, quacumque juris cessante fitione, resi- dentiam faceret personalem; & de mi- noribus ad media, ac de mediis ad majores Præbendas hujusmodi illius Ca- nonici gradatim, & per optionem ascen- derent, etiam per viam perpetua constitu- tionis, statuti, vel inhibitionis, ac quævis alia indulta, concessionis, & litera etiam confirmationis Concordatarum nationis Ger- maniae per nos, vel dictam Sedem, seu aliàs concessa, & in posterum concedenda, ipsa quoque Concordata, necnon Ecclesia- rum de optando, illarum Præbendas, di- gnitates, seu alia Beneficia statuta, & con- suetudines, sub quibuscvis formis, & ex-

Nicolaus V.
derogat Con-
cordatis Ger-
maniae.

62. De primariis Precibus Imperialibus
pressionibus verborum, & cum quibuscum-
que clausulis etiam talibus, per quas no-
minatum, specificè, & expresse ipsis per
Imperatorem nominatis. seu primarias
Preces habentibus, vel alicui eorum no-
minationi specificè, & expresse derogare-
tur &c. Volumus autem, quod ipsi nomi-
nati, & primarias Preces habentes, Ca-
nonicatus, & Præbendas, Beneficia, &
Officia &c. sub eorum nominationibus,
seu primariis Precibus comprehensa, si va-
cabant, vacant, vel insimul, aut successi-
ve vacabunt alias, juxta dictarum Pre-
cum tenorem, atque formam acceptare,
& Precum hujusmodi executores de illis
sibi providere; & omnia alia in præmissis
quomodolibet opportuna facere, & exequi
possint, & valeant perinde ac si accepta-
tiones, ac provisiones prædicta nullatenus
subsequuta fuissent, non obstantibus &c. Da-
tum Romæ apud sanctum Petrum anno In-
carnationis Dominica millesimo quadrin-
gentesimo quinquagesimo quarto, decimo
Kalen. Octobris, Pontificatus nostri anno
octavo.

XL. Mortuo Nicolao V., apud Calixtum
Indultum Ca. III. successorem Fridericus usu rerum
lixiti III. Fri- edoctus institit petens diploma, quo om-
derico III. nia disposita per Nicolaum confirmaren-
tur, iterumque Concordatis Germaniæ

derogaretur ; quod Calixtum fecisse scimus ex sequenti bulla :

Calixtus &c. Casarea dignitatis celsitudinem , necnon eximia , qua charissimum in Christo filium nostrum Fridericum Romanorum Imperatorem semper Augustum erga nos , & Apostolicam Sedem clarè cognovimus devotionis affectum intra nostræ mentis arcanum digne revolventes , nedum ad ea nostri partes officii libenter extendimus , per quæ propagatis Romanorum Imperii juribus , & præminentis , etiam Imperatoriis , & Imperii decus eorundem , & honor , aliisque benemeritis profectus , & commoda succedere valeant ; verum etiam , ut ea , quæ per Sedem Apostolicam Imperatori , & personis predictis gratiose sunt concessa , sublato quovis dubio super illorum intellectu , nostri opitulatione ministerii in sui roboris integritate serventur. Dudum siquidem fel. recordat. Nicolaus Papa V. prædecessor noster eidem Imperatori per suas literas gratiose concessit , ut singuli Collatores , & Collatrices per sacrum Romanum Imperium constitui , qui quatuor , & ultra Beneficia Ecclesiastica conferre haberent , personas quaslibet , pro quibus ipse Imperator ad certa Beneficia Ecclesiastica in quibusvis mensibus vacantia primarias Preces porrigeret , recipere , & admittere

64 *De primariis Precibus Imperialibus tenerentur &c.* Dein relato toto tenore indulti primi, & secundi Nicolai V. ita prosequitur: Nos igitur, qui praefato Nicolao praedecessore., sicut Domino placuit, rebus humanis exempto, fuimus Divina disponente clementia, ad summi Apostolatus apicem assumpti, cupientes, ut tam priores, quam posteriores praeinserta ipsius praedecessoris litera, necnon primaria Praeces, quas idem Imperator pro quibusvis personis haecenus porrexerat, aut porrigeret in futurum, semotis omnium dubitationum obstaculis, suum debitum consequantur effectum; indultum, declarationem, praeceptum, mandatum, & derogationem huiusmodi, necnon omnia, & singula tam in prioribus, quam praeinsertis posterioribus ejusdem praedecessoris literis, ac etiam primariis Precibus huiusmodi contenta, & inde sequuta quacumque auctoritate Apostolica tenore praesentium motu proprio &c. mera liberalitate, & de certa nostra scientia approbamus, ratificamus, & confirmamus, ac juribus subsistere debere declaramus, de novoque concedimus pariter, & indulgemus: decernentes, & declarantes tam dicti Nicolai praedecessoris praedictas, quam nostras huiusmodi literas nullatenus de subreptionis, vel obreptionis vitio notari potuisse, vel debuisse, aut posse, vel debere

debere quoquo modo ; quodque dictarum
ipsius prædecessoris posteriorum literarum
tenor ipse sic insertus omnimodam rei , &
facti certitudinem faciat , illudque robur,
eandem vim , & vigorem per omnia ha-
beat , quam quod , seu quem facerent , &
haberent originales literæ præinsertæ &c.
Volentes , quod persona ista , pro quibus
Preces hujusmodi sunt porrectæ , seu porri-
gentur in futurum in assécutione Beneficio-
rum hujusmodi in quibusvis tam Apostoli-
cis , quàm Ordinariis mensibus in quadam
constitutione per nos edita , ac Principum
nationis Germaniæ Concordatis , & ipsius
prædecessoris eorundem Concordatorum con-
firmatoriis literis expressis pro tempore va-
cantium , omnibus aliis cujuscumque digni-
tatis , status , gradus , vel conditionis fue-
rint , etiam præsentibus in Romana Curia ,
& illam , juxta constitutionem per nos edi-
tam sequentibus , ac nostris veris familia-
ribus , domesticis continuis commensalibus in
certo libro Cancellariæ nostræ descriptis , ac
pro tempore describendis , ac cæteris quibus-
cumque , præterquam personis venerabilium
fratrum nostrorum S. R. E. Cardinalium ,
preferantur , ac possint , & debeant ante-
ferri , etiamsi per regulas , vel ordina-
tiones , seu literas nostras , etiam cum in-
terpositione decreti irritantis aliud statue-

66 *De primariis Precibus Imperialibus*
remus ipsis presentibus, seu familiaribus
antelationum prerogativas concederemus,
&c. Et quod tam Imperator, quam ha-
bentes Preces hujusmodi, ac desuper eis
concessa Preces, & litera ad cujusvis con-
stitutionis, ordinationis, seu regulae per
nos edita, vel publicata, seu in posterum
edenda, vel publicanda, solemnitatem,
restrictionem, formam, vel satisfactionem,
seu observantiam minime teneantur, nec
ipsae Preces sub illis comprehendantur quo-
quo modo. Et insuper motu, & scientia
similibus volumus, decernimus, & man-
damus sic per quoscunque Auditores, Ju-
dices, sive Commissarios, ac Executores
in dicta Curia, vel extra illam, etiam in
causis in quacunque instantia pendentibus,
sublata eis quacunque alia super iis inter-
pretanda facultate, ac regulis, constitu-
tionibus, ordinationibus, literisque revo-
catoriis, & prejudicialibus, tam per di-
ctum Nicolaum predecessorem, quam nos
editis, factis, vel concessis, aut edendis,
faciendis, vel concedendis, ac nationi
Germanicae Concordatis, & literis eorun-
dem confirmatoriis praedictis in hac par-
te penitus rejectis, quibus omnibus, & sin-
gulis, ac si de verbo ad verbum infere-
rentur motu, scientia, & auctoritate simi-
libus hac vice dumtaxat specialiter, &

Calixtus de-
rogat Con-
cordatis.

*expresse derogamus, pronuntiari, sententia-
ri, & definiri debere &c. Datum Romæ
apud sanctum Petrum anno Incarnationis
Dominica millesimo quadringentesimo quin-
quagesimo, quinto Kalen. Octobris, Ponti-
ficatus nostri anno primo.*

Patet ex diplomatibus Nicolai V. su-
perius adductis, indultum primariarum
Precum fuisse Friderico concessum eo
supplicante, & quidem postquam Romæ
coronatus fuerat à Pontifice Romano,
& ejus electio ab eodem confirmata; &
post præstitum juramentum obedientiæ,
ac postquam ille devoverat se Advoc-
tum Romanæ Ecclesiæ. Patuit etiam
neque in indultis per somnium nomina-
tam consuetudinem prædecessorum Fri-
derici, & quod hæ primariæ Preces ab
indulto Pontificio pendebant: itidem quod
Fridericus indulto Nicolai V. usus fuit,
Precesque in illo fundavit; & quot quan-
tæque fuerint exceptiones à Germanis
oppositæ Precibus à Friderico directis vi-
gore indulti Pontificii, quas ut ampu-
taret, non adduxit Imperator consuetu-
dinem, sed Papæ iterum supplicavit pro
novo indulto, quo Concordatis Germa-
niæ derogaretur, & leges à Pontifice la-
tæ, primariis Precibus contrariæ, tolle-
rentur, aut declararentur: quod sanè Fri-

XLI.

Indulta Fri-
derico suppli-
canti conces-
sa, nulla con-
suetudine al-
legata.

68 *De primariis Precibus Imperialibus*
derici factum, & quidem statim ac Con-
cordata inita fuerant, tanti ponderis est,
ut rem prorsus manifestam faciat.

XLII. Friderico, qui vixit ad annum 1492.
Maximilia-
nus I. Preces
primarias ob-
tinet. successit Maximilianus I. ejus filius, qui
cum Rex Romanorum patre vivente ele-
ctus esset, ab Innocentio Papa VIII.
simile indultum primariarum Precum ob-
tinuit. At cum Collatores Germaniæ se
opposuissent Precibus à Maximiliano por-
rectis in vim dicti indulti, quod is, quan-
quam in Romanorum Regem electus,
patre vivente, non potuisset eo indulto
uti, & Preces porrigere, necnon indul-
tum illi concessum per regulas quasdam
Cancellariæ dein ab eodem Innocentio
publicatas revocatum esset; opponerent
itidem Preces Imperiales numquam ar-
ctasse Electores, & Beneficia, quæ Ca-
pitula previa electione conferebant; mi-
nusque illa, ad quæ Ecclesiastici præsen-
tabant, & ob eam causam Preces ipsas
Imperiales impunè spernerent; Maximi-
lianus Innocentio supplicavit pro novo
indulto, in quò prædictæ exceptiones
tollerentur, & primariæ Preces suæ exe-
quutionem haberent: quod Innocentius
fecit ann. 1492. quo Fridericus obiit,
quemadmodum patet ex indulto sequen-
ti:

Innocentius &c. Ad futuram rei memoriam. Dudum ad illam fidei constantiam, eximieque devotionis affectum, quibus charissimus in Christo filius noster Maximilianus Romanorum Rex illustris in nostro, & Apostolica Sedis conspectu clare dignoscitur nostra dirigimus considerationis intuitum, meritiò inducimur ad illa favorabiliter concedendum, per quæ ejus Serenitati honor accrescat, & ejus consideratione gratis, acceptisque ei personis Ecclesiasticis congruæ provisionis subsidium valeat provenire. Dudum siquidem fel. record. Nicolaus Papa V. prædecessor noster inter alia charissimo in Christo filio Friderico Romanorum Imperatori semper Augusto per quasdam gratiose concessit, & indulgit, quod sic per eum quibuscumque Collatoribus, seu Collatricibus quorumlibet Beneficiorum Ecclesiasticorum secularium, vel Regularium Ordinum quorumcumque per sacrum Romanum Imperium ubilibet consistentium, etiam si qui, vel si quæ ex illis Pontificali, vel quavis dignitate præfulgerent, seu Collegia, Capitula, & Conventus forent super singulis Beneficiis Ecclesiasticis cum cura, vel sine cura secularibus, vel Ordinum hujusmodi Regularibus in singulis Cathedralibus, etiam Metropolitans, & Collegiatis, vel aliis qui-

XLIII.

Indultum
Innocentii
VIII. Maxi-
miliano I.

76 De primariis Precibus Imperialibus
huius Ecclesie, etiam si Beneficia huius-
modi, Canonatus, & Prabendas, aut
dignitates, personatus, administrationes
in Cathedralibus, & Metropolitanis, vel
Collegiatis, & ipsa Prabenda in illis ex
huiusmodi Ecclesiis, in quibus maiores, &
minores fore noscebantur, etiam maiores
forent, & ad dignitates, personatus, ad-
ministrationes, vel officia huiusmodi con-
suevissent, qui per electionem assumi, eis-
que cura immineret Animarum, dummo-
dò dignitates ipsa in Metropolitanis, &
aliis Cathedralibus post Pontificales mayo-
res, aut in Collegiatis Ecclesiis huiusmodi
principales non existerent, ad eorundem
Collatorum, & Collatricum collationem,
provisionem, presentationem, electionem,
seu quamvis aliam dispositionem communi-
ter, vel divisim pertinentibus singulis per-
sonis, quae huiusmodi Beneficiorum juxta
statuta, & consuetudines Ecclesiarum,
in quibus forent, sive indulta eisdem
Ecclesiis per Sedem Apostolicam conces-
sa, alias capaces essent, conferendis,
seu super hoc, quod persona huiusmodi ad
illa recipiantur, & admittantur, Preces
porrigi, sive de personis eisdem ad huius-
modi Beneficia nominationes fieri continge-
ret, primarias iidem Collatores & Collatri-
ces, dummodò singula collationes, & sin-

gula Ecclesia ex hac ultra quam in uno Beneficio non gravarentur, ac ipsi Collatores, & Collatrices, saltem quatuor Beneficia Ecclesiastica conferre habeant, hujusmodi Precibus, & nominationibus parere, & intendere, necnon personas ipsas ad hujusmodi Beneficia, postquam ipsis de illis canonicè provisum foret, juxta earundem Precum seriem recipere, & admittere tenerentur, etiamsi Preces ipsas prosequentes presentes non forent ad præstandum de observandis statutis, & consuetudinibus Ecclesiarum, in quibus Beneficia ipsa forent, solitum juramentum &c. dummodo ipsa Beneficia dispositioni Apostolica generaliter reservata non essent, ipsorumque collatio non foret juxta Lateranen. statuta Concilii ad Sedem prædictam legitimè devoluta, neque super illis inter aliquos lis penderet indecisa &c. Et demum nos præfato Maximiliano Regi, & illius consideratione illis, pro quibus Rex ipse primarias Preces Collatoribus & Collatricibus Beneficiorum Ecclesiasticorum pro personis Ecclesiasticis beneficiandis, post ipsius Regis Maximiliani assumptionem in Regem Romanorum, præfato Friderico Imperatore ejus genitore adhuc in humanis agente porrexerat; quod Preces prædictæ sic porrectæ Collatoribus & Collatricibus, quibus per Fridericum, & prædecessores prædi-

72 *De primariis Precibus Imperialibus*
Etos Romanos Imperatores porrigi solita
erant, & quasi porrigi contingeret in poste-
rum eisdem Collatoribus, quibus porrigi so-
lita erant, & nondum per ipsum Maximi-
lianum Regem porrecta fuerant, quoad Be-
neficia Ecclesiastica quacumque, & qualia-
cumque cum cura, & sine cura sub illis
comprehensa, eum prorsus sortirentur effe-
ctum, quem sortiri consueverant similes Pre-
ces eorum Regum Romanorum, qui Imperio
vacante in Reges Romanorum retroactis tem-
poribus electi & assumpti post acceptam per eos
Imperii coronam Preces ipsas porrexerant,
primo per quasdam concessimus, & deinde
per alias nostras literas motu proprio, & ex
certa nostra scientia voluimus, & Aposto-
lica auctoritate decrevimus, quod Preces
predicta per eundem Regem porrecta, &
porrigenda quibuscumque Collatoribus, &
Collatricibus in Civitatibus, Locis, & Ter-
ris Germaniae, ac in toto Romano Imperio,
extra tamen Italiam consistentibus ad unum
Beneficium dumtaxat, ac singula litera de-
super confecta, etiam super quibus processus
in forma solita decreti non fuerant, seu con-
ficiendi, sive illa sortita forent effectum, si-
ve non, ab earum data valerent, plenamque
roboris firmitatem obtinerent in omnibus,
& per omnia perinde ac si decreti fuissent;
ita tamen, quod singuli Collatores, ultra

quam in uno Beneficio non gravarentur :
 supplevimusque omnes defectus, si qui for-
 san intervenerant in eisdem certis desuper
 Exequutoribus deputatis, qui ad executio-
 nem literarum super presentibus hujusmodi
 confectarum, quæ suum effectum sortita non
 fuerant, processus in forma consueta decer-
 nerent, in omnibus, & per omnia perinde
 ac si literæ ipsæ eis directæ fuissent &c.
 Cum autem, sicut postmodum accepimus,
 asseratur à nonnullis Preces ipsas, Collato-
 res & Collatrices, quibus diriguntur, non
 arctare adeo, quin factæ per eos presen-
 tationes, & dispositiones de Beneficiis Ec-
 clesiasticis pro tempore vacantibus sub ipsis
 presentibus comprehensis, dispositiones qua-
 cumque in aliorum, quàm Preces ipsas pro-
 sequentium favorem valida, & efficaces re-
 maneant, & illos, ad quorum collationem
 dumtaxat, non autem electionem, presenta-
 tionem, seu quamvis aliam dispositionem Ec-
 clesiastica Beneficia pertinent, per hujusmo-
 di Preces requiri non posse, nec arctari ad
 parendum eisdem, dictisque literis nostris
 per literas, & regulas Cancellaria à nobis
 emanatas, fuisse, & esse præjudicatum; Nos,
 qui præfatum Regem, suis exigentibus meri-
 tis, suæque Celsitudinis consideratione, singu-
 lari benevolentia prosequimur, & gerimus
 in visceribus charitatis; volentes, ut de-

Exceptiones
 Germano-
 rum contra
 Preces.

74 De primariis Precibus Imperialibus
bamus, super iis opportunè providere, motu
simili &c. seu de nostra mera liberalitate
ac ex certa scientia, ac de Apostolica po-
testatis plenitudine, Apostolica auctoritate
prasentium tenore declaramus nostra inten-
tionis incommutabilis tam tempore facta per
nos confirmationis Precum earundem, ac
hactenus fuisse, & esse in futurum: quod
tam prafatus Maximilianus Rex, quàm
ab eo hactenus post ipsarum Precum à no-
bis confirmationis obtentu usque modo, &
quas obtineri continget in posterum: qui-
cumque habentes Preces huiusmodi, ac de-
super eis concessa litera, ad cuiusvis con-
stitutionis, ordinationis, seu regula Can-
cellaria per nos tunc edita, seu publicata,
seu in antea edenda, & publicanda solem-
nitatem, restrictionem, formam, satisfac-
tionem, seu observantiam, minime tene-
rentur: nec ipsæ Preces sub illis compre-
henderentur quoquo modo, ac etiam mini-
me teneantur, aut comprehendantur in
futurum. Quodque dictæ Preces eundem
vigorem haberent, & habeant, quem jux-
ta literas Nicolai, Calixti, atque Sixti
prædecessorum nostrorum prædictorum, Pre-
ces Imperatoris præfati habere potuerunt,
& debuerunt, & eosdem sortiantur effe-
ctus, & prosequentes illas in assensione
Beneficiorum huiusmodi in quibusvis tam

Novi indulti
dispositio.

Apostolicis, quam Ordinariorum mensibus in quadam constitutione per eos edita, ac Principum dictæ nationis Germania Concordans, & prædecessorum nostrorum eorundem Concordatorum confirmatoriis literis expressis pro tempore vacantium, omnibus, & singulis eisdem, seu illis prorsus similibus antelationibus, prærogativis, privilegiis, derogationibus, exemptionibus, exceptionibus, declarationibus, favoribus, indultis, concessionibus, gratiis, & clausulis potirentur, & gauderent, & potiantur, & gaudeant, quibus prosequentes Preces Imperatoris præfati &c. potiri, & gaudere poterant, & debebant, ac omnibus, & singulis aliis personis &c. Et quod etiam post datam singularum priorum literarum nostrarum concessa per præfatum Regem Preces prædictæ, & in posterum concedenda quandocumque ex die insinuationis earundem dictis Collatoribus, & Collatrici- bus factæ, Beneficia Ecclesiastica sub illis comprehensa, quæ postmodum hæctenus vacaverunt, & in posterum pro tempore vacabunt, & infra unius mensis spatium, postquam illorum vacatio, illis, pro quibus Preces ipsæ porrectæ fuerunt, vel in posterum porrigentur, aut eorum Procuratoribus innotuerint, vel innotuerint in posterum per se, vel eorum Procuratores ac-

76 De primariis Precibus Imperialibus
ceptata fuerunt, & acceptabuntur in fu-
turum vigore Precum Regiarum huiusmodi
eis, quibus ipsa fuerunt pro tempore con-
cessa, & qui illa hactenus acceptarunt,
& in posterum acceptabunt, censeantur,
& censeantur affecta, adeout alteri con-
ferri, seu alias de illis disponi in præjudi-
cium Preces ipsas prosequentium nullatenus

Declaratio
prioris indul-
ti.

quavis Ordinaria auctoritate potuerit, siue
possit, etiamsi Preces ipsa concessa, & quas
concedi continget per ipsum Regem illis,
ad quos non collatio, sed presentatio, ele-
ctio, seu quævis alia dispositio Beneficio-
rum Ecclesiasticorum pertinet, ex tunc
directa fuissent, ac in posterum dirigeren-
tur, & super illis processus aliqui decreti
non fuissent ante vacationem Beneficiorum
Ecclesiasticorum sub illis comprehensorum,
que hactenus acceptata fuerunt, potuerit-
que, & debuerit, ac possit, & debeas
quilibet in dignitate Ecclesiastica constitu-
tus, ac Cathedralis Ecclesiæ Canonicus,
qui desuper ab eisdem fuerit requisitus per
se, vel alium, seu alios easdem Regias

Facultas da-
ta Exequuto-
ribus.

Preces prosequentes postquam eis fuerit ca-
nonicè provisum in corporalem possessionem
Beneficiorum acceptatorum huiusmodi, ju-
riumque, & pertinentiarum eorundem in-
ducere, & inductos defendere &c. Datum
Roma apud sanctum Petrum anno &c. mil-

lesimo quadringentesimo nonagesimo secundo, decimo septimo kalendas Augusti, Pontificatus nostri anno octavo.

Maximiliano successit Carolus V. qui dicitur Germanorum patrias leges, & jura Imperii fortiter servasse. Hic statim inauguratus à Leone X. Romano Pontifice, idipsum indultum primariorum Precum assequutus est, ut narratur in indulto Clementis VII. mox exponendo.

Et quoniam anno septimo Pontificatus Clementis VII. plura dubia emerferant super primariis à Leone X. Carolo concessis, iste pro novo indulto supplicavit, quo quæstiones amputarentur: ejusque formula hæc est:

Clemens &c. Charissimo in Christo filio nostro Carolo Romanorum Imperatori semper Augusto. Dudum siquidem sub datum quartodecimo kalendas Decembris, Pontificatus nostri anno septimo, Majestati Tue, cui fel. recordat. Leo Papa X. predecessor noster, cum post felicissimam tuam Imperii diadematis susceptionem, sibi significares summopere desiderare, personas Ecclesiasticas tibi gratas, & acceptas, gratia & munificentia tua, aliqua Beneficia Ecclesiastica consequi, ipsasque ex felici tui diadematis susceptione predicta ma-

XLIV.

Carolus V. obtinet indultum primariorum Precum.

XLV.

Indultum Clementis VII. Carolo V.

Preces concessæ Carolo V. à Leone X.

78 *De primariis Precibus Imperialibus*
gis latari posse; idem pradecessor Majesta-
ti Tuae, quod si per Te quibusvis Collatori-
bus, seu Collatricibus quorumlibet Benefi-
ciorum Ecclesiasticorum secularium, vel
Regularium Ordinum quorumcumque per
sacrum Romanum Imperium ubilibet con-
stitutis super singulis Beneficiis Ecclesiasti-
cis cum cura, vel sine cura, etiam certo
tunc expresso modo qualificatis singulis per-
sonis conferendis, vel super hoc, quod
persona hujusmodi ad illa reciperentur, &
admitterentur, Preces porrigi, sive de
personis eisdem ad hujusmodi Beneficia no-
minationes fieri contingeret, primarias ipsi
Collatores, & Collatrices, etiamsi singuli
Collatores, & singula Ecclesia ex hoc ul-
tra quam in uno Beneficio gravarentur,
& ipsi Collatores, & Collatrices, ultra
quatuor Beneficia Ecclesiastica conferre non
haberent hujusmodi Precibus, & nomina-
tionibus parere, & intendere, necnon per-
nas ipsas ad hujusmodi Beneficia, postquam
de illis sibi canonicè provisum foret, juxta
earundem Precum, aut nominationum se-
riem recipere, & admittere deberent, per
quasdam indulgit. Nosque tam in Regnis
Hispaniarum, quam in Flandria, & Co-
mitatu Brabantia, & aliis locis in Ger-
mania inferiori tibi subiectis facultatem no-
minandi certas personas ad certa Beneficia

tunc certo modo qualificata ad collationem quorumcumque Collatorum, & Collatricum in Hispania, & Germania inferiori hujusmodi consisten. spectan. ac etiam ultra prædictas facultates nominandi personas hujusmodi, eidem Celsitudini Tue de ulteriori gratia etiam concessimus, & indulgimus: quod si per Te quibuscumque Collatoribus, sive Collatricibus quorumlibet Beneficiorum Ecclesiasticorum secularium, vel Regularium Ordinum quorumcumque per sacrum Romanum Imperium ubilibet constitutis super singulis Beneficiis Ecclesiasticis cum cura, vel sine cura, etiam certo tunc expresso modo qualificatis singulis personis, quæ hujusmodi Beneficiorum juxta statuta, & consuetudines Ecclesiarum, in quibus ea forent, sive indulta ipsis Ecclesiis per Sedem Apostolicam concessa, alias capaces essent conferendis: vel super hoc quod persone hujusmodi ad illa reciperentur, & admitterentur Preces porrigi, sive de personis eisdem ad hujusmodi Beneficia nominationes fieri contingerit, ipsi Collatores, & Collatrices posterioribus hujusmodi Precibus, & nominationibus parere, & intendere, necnon personas ipsas ad hujusmodi Beneficia, postquam sibi de illis canonice provisum foret, juxta earundem Precum, & nominationum seriem, reci-

89 De primarijs Precibus Imperialibus
pere, & admittere deberent, ac etiam te-
nerentur. Quodque Exequutores per Te ad
hoc pro tempore deputandi per se, vel
alium, seu alios Beneficia prædicta, dum-
modo ipsa persona, nisi dicta Sedis Officia-
les, vel cum riguroso examine in aliqua
licita facultate graduati essent ad obtinen-
dum Beneficia hujusmodi per diligentem
examinationem Executorum prædictorum,

Beneficia à quorum conscientias super hoc oneravimus,
Precibus c- reperta essent idonea; & Beneficia ipsa
xempta. dispositioni Apostolica generaliter reserva-
ta non essent; ipsorumque collatio non esset
juxta statuta Lateranensis Concilii ad Se-
dem prædictam legitime devoluta; nec su-
per illis inter aliquos lis penderet indecisa,
cum omnibus juribus, & pertinentiis suis,
eisdem personis conferre, & assignare va-
lerent, decernere personas ipsas omnibus,
& singulis in affectu Beneficiorum hu-
jusmodi, exceptis dumtaxat venerabilibus
fratribus nostris sanctæ Romanæ Ecclesiæ
Cardinalibus, anteferri; & dictos Exe-

Onus Exe- cutores de cognominibus, & nominibus
quotoribus personarum, quibus dicta Beneficia per eos
in dictum de- conferri contigerit, ac de diebus collatio-
nunciandi A- num hujusmodi per Agentes Camera Apo-
gentibus Ca- stolicæ, Collectores, vel Subcollectores fru-
meræ Aposto- ctuum eidem Camera debitorum in partibus
licæ collatio- illis pro tempore deputatos quantocius cer-
nes, tificare

rificare debere, per diversas nostras literas
 concessimus, & indulgimus, prout in no-
 stris, & ipsius praedecessoris inde confectis
 literis: quorum tenores ac si de verbo ad
 verbum exprimerentur, & infererentur
 praesentibus, haberi volumus pro expressis,
 plenius continetur. Nos igitur, ut Ma-
 jestas Tua tantò longè praestantioribus gra-
 tiis illustretur, quantò sancta Mater Ec-
 clesia tua diadematis nostro ministerio sus-
 ceptionis letatur; motu proprio, & ex
 certa nostra scientia tenore praesentium vo-
 lumus, quod quilibet ex personis nomina-
 tis praedictis Executores, & Subexecutores;
 etiamsi Presbyteri, aut Notarii existant,
 ad effectum nominationis de eo factae, ac
 literarum praedictarum quandocumque ex-
 peditarum deputare possit, quodque Execu-
 tores, vel Subexecutores praedicti Beneficia
 praedicta, etiamsi dispositioni Apostolica
 aliàs quam juxta constitutionem fel. record.
 Benedicti XII. praedecessoris nostri, qua
 incipit *Ad regimen*, dispositioni Apostoli-
 cae generaliter reservata existant, & per-
 sonae nominatae praedictae secundum statuta,
 & consuetudines Ecclesiarum, in quibus
 Beneficia hujusmodi fuerint, sive indulta
 ipsis Ecclesiis concessa, capaces, seu in
 aetate legitima constituti, aut de legitimo
 matrimonio procreati, dummodò aliàs cum

Ampliatio
 prioris indul-
 ti.

82 *De primariis Precibus Imperialibus*
 eis fuerit canonicè dispensatum; non sint, &
 absque examinatione pradiCTORUM conferre
 liberè possint; quodque persona nominata
 pradiCTa in assèctione pradiCTORUM Benefi-
 ciorum, etiam dictis Cardinalibus, de-
 beant anteferri: & Executores pradiCTi
 Agentibus Camera Apostolica, aut Colle-
 ctoribus, vel Subcollectoribus certificatio-
 nem hujusmodi facere nullatenus teneantur:
 non obstantibus premissis, & constitutioni-
 bus, & ordinationibus Apostolicis; necnon
 omnibus illis, quæ in dictis literis volui-
 mus non ob stare; cæterisque contrariis qui-
 buscumque. Datum Roma 20. Novem-
 bris 1530. anno septimo.

XLVI.
 Ferdinandus
 I. obtinet in-
 dultum pri-
 mariarum
 Precum.

Sic cùm Ferdinandus frater Caroli V.
 in Romanorum Regem fuisset assumptus,
 & iste electionem suam, sicuti præde-
 cessores fecerant, confirmari obtinuiſſet
 à Clemente VII., & dein ab eodem si-
 mile indultum primarias Preces porri-
 gendi impetrasset; contra has primarias
 Preces Ferdinando donatas obstrepere
 Germani: aiebant enim uno, eodemque
 tempore premi non potuisse Capitula,
 & Collatores duabus Precibus, & pro
 duobus Beneficiis: hanc novitatem esse,
 alienamque à mente Clementis, quem
 putabant indulſſe tantummodò, eos
 Ordinarios, qui executi non essent Pre-

tes Caroli Imperatoris, executioni mandare Preces Ferdinandi Romanorum Regis. Hæc Ferdinandus detulit ad Pontificem, qui solemniter declaravit intentionem suam fuisse, quod amborum Precibus eodem tempore, & pro duobus Beneficiis ab unaquaque Ecclesia parendum esset: neque excusarentur Collatores sub prætextu; quod Precistis Caroli jam contulissent, cujus declarationis Pontificiæ Breve hujuscemodi est:

Clemens &c. Charissimo in Christo filio nostro Ferdinando Romanorum, & Hungaria, ac Bohemia Regi Illustri &c. Dum intra mentis nostræ arcana, debita consideratione, pensamus singularem Tuæ Celsitudinis fidei constantiam, & integritatem, eximiaeque devotionis affectum, quibus in nostro, & Apostolicæ Sedis conspectu semper claruisti, & continuè clares; dignum, imò potius debitum reputamus, ut tuo intuitu operam efficacem impendamus, ut tibi grata & accepta, ac alia benemerita persona in Beneficiis Ecclesiasticis provisionem percipiant congruentem. Sanè dudum sub datum videlicet xvij. kalen. Julii, Pontificatus nostri anno octavo eidem Celsitudini Tuæ post tuam felicissimam in Romani Regis electionem factam; & per nos pro universæ Christianæ Reipublicæ salute confir-

XLVII.
Indultum
Clementis
VII. Ferdinando I.

84 De primariis Precibus Imperialibus
*matam, quod si per te quibusvis Collatori-
 bus seu Collatricibus quorumlibet Beneficio-
 rum Ecclesiasticorum, secularium, vel Re-
 gularium Ordinum quorumcunque per sa-
 crum Romanum Imperium ubilibet consti-
 tutis super singulis Beneficiis Ecclesiasticis
 cum cura, vel sine cura, etiam certo tunc
 expresso modo qualificatis, singulis personis,
 quæ huiusmodi Beneficiorum juxta statuta
 & consuetudines Ecclesiarum, in quibus ea
 forent, seu indulta ipsis Ecclesiis per Sedem
 eandem concessa, alias capaces essent confe-
 rendi: vel super hoc, quod persona huius-
 modi ad illa reciperentur, & admitteren-
 tur *Preces* porrigi, seu de personis eisdem
 ad Beneficia huiusmodi nominationes fieri
 contingeret, ipsi Collatores & Collatrices
Precibus, ac nominationibus huiusmodi pa-
 rere & intendere; necnon personas ad hu-
 iusmodi Beneficia postquam de illis sibi ca-
 nonicè provisum foret juxta earundem *Pre-*
cum & nominationum seriem recipere, &
 admittere deberent, ac etiam tenerentur;
 quodque Executores per te ad hoc pro tem-
 pore deputandi per se, vel per alium, seu
 alios Beneficia prædicta, dummodò ipsa per-
 sona, nisi ejusdem Sedis Officiales, vel cum
 rigoroso examine in aliqua licita facultate
graduati essent, ad obtinendum Beneficia hu-
 iusmodi per diligentem examinationem Exe-*

Facultas data
 Exequutori-
 bus.

auctorum prædictorum, quorum conscientias Beneficia in
 oneravimus, reperta essent idonea, & Be- indulto, exce-
 neficia ipsa dispositioni Apostolica generali- pta.
 ter reservata non forent; eorumque collatio
 non esset juxta Lateranensis statuta Concilii
 ad Sedem prædictam legitimè devoluta;
 neque super illis inter aliquos lis indecisa
 penderet, cum omnibus juribus & perti-
 nentiis suis eisdem personis conferre & as-
 signare valerent: decernentes personas ip-
 sas omnibus & singulis in asssecutione Be-
 neficiorum hujusmodi, exceptis dumtaxat
 venerabilibus fratribus nostris sanctæ Ro-
 manæ Ecclesiæ Cardinalibus, anteferri, ac Onus Exe-
 dictos Executores de nominibus, & cogno- quotoribus
 minibus personarum, quibus dicta Benefi- indictum de-
 cia per eos conferri contigerit, ac de diebus nunciandi
 collationum hujusmodi per Agentes Came- Ministris Ca-
 ræ Apostolica, Collectores, vel Subcollecto- meræ colla-
 res fructuum eidem Camera debitorum in tiones.
 partibus illis pro tempore deputatos quan-
 tocitius certificare debere, concessimus, &
 indulgimus, prout in nostris inde confectis
 literis, quarum tenores, ac si de verbo ad
 verbum exprimerentur, & insererentur
 præsentibus, haberi volumus pro expressis,
 plenius continetur. Nos igitur, ut Celsi-
 tudo Tua longè præstantioribus gratiis illu-
 stretur, motu proprio, & ex certa nostra
 scientia tenore præsentium volumus, quod

86 De primariis Precibus Imperialibus
quilibet ex personis nominatis predictis,
& Subexecutores, & si Presbyteri, aut
Notarii existant, ad effectum nominationis,
ut praefertur, facienda quandocumque ex-
pedierit, deputari possint; quodque Exe-
cutores, & Subexecutores predicti Benefi-
cia hujusmodi, etiamsi Canonatus, &
Præbenda, dignitates, personatus, admi-
nistrationes, vel officia in Cathedralibus,
etiam Metropolitanis, vel Collegiatis Ec-
clesiis fuerint, dummodo in Cathedralibus,
etiam Metropolitanis Ecclesiis post Pontifi-
cales majores, aut in Collegiatis Ecclesiis
hujusmodi, principales non extiterint;
etiamsi dispositioni Apostolica aliàs quam
juxta constitutionem fel. recordat. Benedicti
Papa XIII. prædecessoris nostri, qua incipit
Ad regimen, generaliter reservata exi-
stant; etiamsi ex diversis personis vacave-
rint, & persona nominata predicta tempo-
re assentionis Beneficii, ad quod nominata
fuerunt, aliud Beneficium in eadem Eccle-
sia obtinuerint; etiamsi ipsa persona secun-
dum statuta, & consuetudines Ecclesiarum,
in quibus Beneficia hujusmodi fuerint, seu
indulta ipsis Ecclesiis concessa, capaces,
vel in ætate legitima constituti, aut de le-
gitimo matrimonio procreati non sint; dum-
modo quoad hujusmodi qualitates aliàs fue-
rit cum eis canonicè dispensatum, etiam

Beneficia in
indulto, exce-
pta.

quoad Beneficia in eadem Ecclesia obtinen-
 ea talia sint, quæ sine dispensatione Apo-
 stolica teneri consueverint; etiam absque
examine prædictorum conferre liberè, &
 licitè possint: quodque Executores prædicti,
 dummodò præfati nominati hujusmodi aliàs
 juxta Ecclesiarum, in quibus Beneficia eis
 collata fuerint, statuta, ac juris disposi-
 tionem tempore assecuta possessionis ipsorum
 Beneficiorum qualificati existerint, Agen-
 tibus Camera Apostolica, aut Collectori-
 bus, seu Subcollectoribus certificationem
 hujusmodi facere nullatenus teneantur:
 quodque Celsitudo Tua unam, & eandem Conditiones
 personam supradictis Collatoribus, aut Col-
 latoribus simul, vel successive nominare
 possit, & valeat, ita tamen, quod quam-
 primum persona sic nominata de aliquo Be-
 neficio provisa fuerit, nominatio quoad
 alios Collatores, & Collatrices facta, ipso
 jure expiret. Et ne super præmissis ab ali-
 quibus dubitari contingat, an Preces ei-
 dem Celsitudini Tue concessæ hujusmodi
 etiam in Ecclesiis, & locis, in quibus cha-
 rissimo in Christo filio nostro Carolo V. Ro-
 manorum Imperatori semper Augusto fratri
 germano tuo similes primarias Preces con-
 cessimus, suum sortiri possint effectum: mo-
 tu, scientia, & tenore præmissis etiam vo-
 lumus, & decernimus, quod Collatoribus,

88 De primariis Precibus Imperialibus
& Collatricibus Beneficiorum Ecclesiasti-
corum pro personis Ecclesiasticis benefician-
dis à Celsitudine Tua adhuc porrectas, &
pro tempore porrigendas Preces hujusmodi,
etiam in eisdem Ecclesiis, & locis, in
quibus idem Carolus Imperator Preces suas
prædictas porrexerit, & in futurum porrigi
contigerit, etiamsi illa suum plenarium
effectum consecuta, ipsique Collatores, &
Collatrices earum vigore, super collatione,
seu provisione Beneficiorum aliorum grava-
ti fuerint, sine tamen præjudicio indulti
eidem Carolo Imperatori super singulis no-
minationibus per Sedem Apostolicam con-
cessi, validas, & efficaces existere; suum-
que effectum sortiiri debere in omnibus, &
per omnia, perinde ac si Collatores, &
Collatrices præfati super aliorum receptione
gravati prius minime extitissent; necnon
Preces præfatas subreptionis, & obreption-
is vitio, seu mentis, aut intentionis no-
stræ defectu, etiam ex eo, quod Col-
latores, & Collatrices hujusmodi super
duorum, ac plurium receptione gravari
minimè intenderemus quovis quasito co-
lore quomodolibet impediri, aut impu-
gnari minimè posse, sicque per quoscumque
Judices, etiam Cardinales præfatos, ac sa-
cri Palatii Apostolici Auditores, tam in
Romana Curia, quam extra eam in quibus-

Exceptiones
Germano-
rum sublatae.

cumque causis , ac in quavis instantia earum interpretari, judicari pariter, & definiri debere , sublata eis, & eorum cuilibet quavis aliter interpretandi, & definiendi facultate & auctoritate : necnon ex nunc irritum decernimus, & inane, si secus super iis à quoquam quavis auctoritate scienter, vel ignoranter contigerit attentari; non obstantibus pramissis, ac constitutionibus, & ordinationibus Apostolicis, necnon omnibus illis quæ in dictis literis volumus non obstare, ceterisque contrariis quibuscumque. Datum Roma die decima quinta Decembris 1521. anno nono.

Carolus V. subinde curis Imperii, atque mundanis desideriis se abdicans, Ferdinando laudato ejus fratri Imperium cessit. Post hunc assumptus est Maximilianus II. ejus filius, quem statim in Romanorum Regem electum, comperimus anno 1564. à Pio Papa IV. indultum pro primariis Precibus habuisse, uti literæ Apostolicæ in sequentem modum conceptæ demonstrant.

Pius &c. Charissimo in Christo filio Maximiliano Regi Romanorum illustri salutem &c. Cum post de persona tua per sacri Romani Imperii Principes Electores de consensu charissimi in Christo filii nostri Ferdinandi Romanorum Regis illustris in Im-

XLVIII.

Indultum Pii
IV. Maximi-
liano II.

90 De primariis Precibus Imperialibus
peratorem electi patris tui, electionem fa-
ctam, ac per nos pro universa Christiana
Reipublica salute confirmatam, nobis signi-
ficaveris summopere desiderare personas tibi
gratas, & acceptas gratia, & munificen-
tia, aliqua Beneficia Ecclesiastica consequi
posse. Nos quemadmodum magnis meren-
tur efferrī laudibus, insignibusque prae-
coniis commendari, & sublimium Principum
desideria, & vota, quae in Divini nomi-
nis, & personarum illi Clericali vinculo
adstrictarum amore feruntur, & opere
postmodum consequente verum deducantur
in actum; ita enim dignum, vel potius
debitum existimamus, ut quantum in fidei
sinceritate, & devotione illibata Ecclesia
Sponsa nostra fidelem Advocatū devovi-
sti, eamque humili professione Matrem,
& Dominam Tuam recognovisti, & ad
ipsius honorem, & sacri Romani Imperii
decus unctionem victoria, & diadema etiam
nostro ministerio adveniente tempore susci-
pere, & in eis immobilis persistere inten-
dis; verum etiam tanquam ipsius Ecclesiae
legitimus pugil, & athleta Te adversus
Schismaticorum, & Hereticorum, Tur-
carum Tyranni, ac Fidei, & Christi
nominis hostis insanias, & furores spiri-
tualiter, & temporaliter armaris, & in
dies arma huiusmodi jugiter exequeris, ea

tibi favorabiliter concedamus, quæ Tuæ Celsitudini cedant ad honorem, & per quæ eisdem benemeritis personis te munificum reddere possis, ope auctoritatis Apostolicæ exhibitione gratiarum. Hinc est, quod Tuæ Celsitudinis supplicationi inclinati, dicta auctoritate, præsentium serie eidem Celsitudini Tuæ concedimus, & indulgemus, quod si per te quibuscvis Collatoribus, seu Collatricibus quorumcumque Beneficiorum Ecclesiasticorum secularium, vel Regularium Ordinum quorumcumque per sacrum Romanum Imperium ubilibet constitutorum, etiam si qui, vel si quæ illi Pontificali, vel alia quavis dignitate præfulgeant, seu Collegia, Capitula, & Conventus fuerint super singulis Beneficiis Ecclesiasticis cum cura, vel sine cura, secularibus, vel Ordinum hujusmodi Regularibus in singulis Cathedralibus, etiam Metropolitanis, Collegiatis, & aliis quibuscvis Ecclesiis, etiamsi Beneficia hujusmodi, Canonicatus, & Prabenda, dignitates, personatus, administrationes, vel officia in eisdem Cathedralibus, etiam Metropolitanis, vel Collegiatis, & ipsæ Prabenda in illis ex hujusmodi Ecclesiis, in quibus majores, vel minores Prabenda esse noscuntur; etiamsi majores fuerint, & ad dignitates, personatus, administrationes, vel officia hujus-

92 De primariis Precibus Imperialibus
modi consueverint qui per electionem assu-
mi, eisque cura immineat animarum, dum-
modo dignitates ipsæ in Cathedralibus,
etiam Metropolitanis post Pontificales ma-
jores, aut Collegiatis hujusmodi principales
non existant, ad eorundem Collatorum &
Collatricum collationem, provisionem, præ-
sentationem, electionem, seu quamvis aliam
dispositionem communiter, vel divisim per-
tinentibus singulis personis conferendis, seu
super hoc, quod persone hujusmodi ad illæ
recipiantur, & admittantur Preces porri-
gi, seu de personis eisdem ad hujusmodi
Beneficia nominationes fieri contigerit, pri-
marias iidem Collatores & Collatrices, sal-
vo, quod singule collationes, & singula Ec-
clesiæ ex hoc ultra quàm in uno Beneficio
non graventur, ac ipsi Collatores & Colla-
trices, saltem quatuor Beneficia Ecclesia-
stica conferre habeant, hujusmodi Precibus,
& nominationibus parere, & intendere,
necnon personas ipsas ad hujusmodi Benefi-
cia, postquàm ipsis de illis canonicè provi-
sum fuerit, juxta earundem Precum, aut
nominationum tenorem recipere, & admit-
tere debeant, ac teneantur &c. Quodque
quicumque quibuscvis in dignitatibus consti-
tuti, seu Ecclesiarum Cathedralium Cano-
nici, singuli videlicet in illis, quas pro sin-
gulis personis prædictis Precum & nomina-

tionum hujusmodi, & ad hoc, ut illa sortiantur effectum, etiam presentium Executores deputaveris per se, vel alium, seu alios Beneficia predicta, cum in quibusvis etiam Ordinariis Collatoribus per constitutiones nostras, aut literas alternativas, aliaque privilegia, & indulta quacumque quomodolibet concessis, & in posterum concedendis, aut aliis quibuscumque mensibus vacaverint, & quæ persona, pro quibus Preces, & nominationes hujusmodi factæ fuerint, quatenus hujusmodi Preces, sive nominationes ad illa se extendant, infra mensem, postquam ipsis vacatio hujusmodi Beneficiorum innotuerit, duxerint acceptanda, etiamsi ipsa Beneficia dispositioni Apostolica aliâ quàm per constitutionem fel. recordat. Benedicti Papæ XII. prædecessoris nostri, quæ incipit Ad regimen, generalem, reservata existant &c. ac ipsorum vacantium Beneficiorum collatio non fuerit juxta

Beneficia in
indulto excep-
pta.

Lateranensis statuta Concilii ad Sedem præfatam legitimè devoluta, neque super illis inter aliquos lis pendeat indecisa &c. Non obstantibus nostris de non utendo gratia expectativa, ac reservatione speciali, vel duabus gratiis insimul, ac de insinuatione, ac publicatione, & diligentius per acceptantes desuper faciendis, ac in favorem Ordinariorum Collatorum, necnon expe-

94 De primariis Precibus Imperialibus
Etatis in forma pauperum habentium, ac
illustrum, & graduatorum, ac Sedis præ-
dictæ Officialium, ac certas inibi expressas
gratias habentium, necnon quibuscumque in
Cancellaria Apostolica quandocumque pu-
blicatis, & publicandis, ac aliis constitu-
tionibus, & ordinationibus Apostolicis, nec-
non aliis Ecclesiarum, in quibus Beneficia
huiusmodi forsitan fuerint, statuis, & con-
suetudinibus &c. Quodque de huiusmodi,
vel aliis Beneficiis Ecclesiasticis ad eorum
collationem, provisionem, presentationem,
electionem, seu quamvis aliam dispositio-
nem, conjunctim, vel divisim spectantibus,
nulli valeat provideri per literas Aposto-
licas, non facientes plenam & expressam,
ac de verbo ad verbum de indulto huius-
modi mentionem &c. necnon Concordatis
nationis Germanica, ac eorundem Concor-
datorum confirmatione, ac prædictis, &
quibuscumque aliis quandocumque editis,
& edendis constitutionibus, & regulis no-
stris, & dictæ Cancellaria, ad quarum so-
lemnitatem, adstrictionem, formam, vel sa-
tisfactionem, seu observantiam, habentes
Preces, seu nominationes huiusmodi mini-
mè teneantur, nec ipsæ Preces sub illis com-
prehendantur quoquo modo, necnon quibus-
vis privilegiis, indultis, & lueris Aposto-
licis, & quibusvis gratiis expectativis spe-

Derogatio
concordatis.

cialibus, vel generalibus, etiam mentalibus reservationibus; unionibus; annexionibus; & incorporationibus, suppressionibus; & extinctionibus perpetuis, & temporalibus nominationibus; ac reservandi, uniendi, annectendi, incorporandi; ac nominandi; & aliis conferendi, commendandi, supprimendi, extinguendi, aliisque citra accessus, & regressus de consensu, facultatibus, literis, mandatis, & indultis quibuscumque; etiam cum provisionibus; commendis, & aliis dispositionibus ex tunc; & gratis quibuscumque personis cujuscumque dignitatis; status, ordinis, gradus, vel conditionis existentibus, & quacumque Imperiali, Regali, Ducali, sive Episcopali, Archiepiscopali, Patriarchali, vel majori auctoritate, praeminentia, nobilitate, & excellentia &c. Datum Romae apud sanctum Marcum anno Incarnationis Dominica millesimo quingentesimo sexagesimo quarto, quarto idus Julii, Pontificatus nostri anno quinto.

Rodolphus II. Maximiliani filius & successor, uti praedecessores sui fecerant, indultum simile obtinuit à Gregorio XIII. quod tale est :

Gregorius Episcopus &c. Charissimo in Christo filio Rodolpho Romanorum Regi illustri in Imperatorem electo salutem,

XLIX.

Indultum

Gregorii

XIII. Rodul-

pho II.

96 *De primariis Precibus Imperialibus
& Apostolicam benedictionem. Cum post
factam de persona tua per sacri Roma-
ni Imperii Principes Electores de consensu
clar. mem. Maximiliani Romanorum Re-
gis in Imperatorem electi Patris tui tunc
in humanis agentis, in Regem Romanorum
electionem, ac per nos pro universa Chri-
stiana Republica salute confirmatam nuper
Nobis significaveris, Te summopere deside-
rare personas tibi gratas, & acceptas gra-
tia, & munificentia, aliqua Beneficia Ec-
clesiastica consequi posse; Nos quemad-
modum magnis merentur efferrī laudibus,
insignibusque præconiis commendari, & su-
blimum Principum desideria, & vota, quæ
in Divini nominis, & personarum illi
Clericali vinculo adstrictarum amore fe-
runtur, & opere postmodum consequente,
tutum deducantur in actum; ita enim
dignum, vel potius debitum existimamus,
ut quoniam in fidei sinceritate, & devo-
tione illibata Ecclesiæ Sponsæ nostræ fide-
lem Advocatum devovisti, eamque humi-
li professione Matrem & Dominam tuam
recognovisti, & ad ipsius honorem, & sacri
Romani Imperii decus unctionem victoriæ,
& diadema etiam nostro ministerio adve-
niente tempore suscipere, & in eis immo-
bilis persistere intendis; verum etiam tan-
quam ipsius Ecclesiæ legitimus pugil, &*
athleta

athleta Te adversus Schismaticorum, & Hæreticorum, Turcarum Tyranni, ac Fidei, & Christi nominis hostis insanias, & furores spiritualiter, & temporaliter armaris, & in dies arma hujusmodi jugiter exequeris; ea tibi favorabiliter concedamus, quæ Tuæ Celsitudini cedant ad honorem, & per quæ eisdem benemeritis personis Te munificum reddere possis ope auctoritatis Apostolica exhibitione gratiarum. Hinc est, quod Tuæ Celsitudinis supplicationi inclinati, dicta auctoritate presentium serie eidem Celsitudini Tuæ concedimus, & indulgemus, quod si per Te quibusvis Collatoribus, seu Collatricibus quorumcumque Beneficiorum Ecclesiasticorum secularium, vel Regularium Ordinum quorumcumque per sacrum Romanum Imperium ubilibet constitutorum; etiam si qui, vel si quæ Pontificali, vel alia quavis dignitate præfulgeant, seu Collegia, Capitula, & Conventus fuerint, super singulis beneficiis Ecclesiasticis cum cura, vel sine cura secularibus, vel Ordinum hujusmodi Regularibus in singulis Cathedralibus, etiam Metropolitanis, Collegiatis, & aliis quibusvis Ecclesiis, etiamsi Beneficia hujusmodi, Canonicatus, & Præbende, dignitates, personatus, administrationes, vel officia in eisdem Cathedralibus, etiam Me-

98 De primariis Precibus Imperialibus
tropolitanis, vel Collegiatis &c. vel officia
huiusmodi consueverint qui per electionem
assumi, eisque cura animarum immineat,
dummodo dignitates ipsæ in Cathedralibus,
etiam Metropolitanis post Pontificales ma-
iores, aut Collegiatis huiusmodi principales
non existant; ad eorundem Collatorum, &
Collatricum collationem, provisionem, præ-
sentationem, electionem, seu quamvis aliam
dispositionem communiter, vel divisim per-
tinen. singulis personis conferendis, seu su-
per hoc, quod personæ huiusmodi ad illa
recipiantur, & admittantur, Preces por-
rigi, seu de personis eisdem ad huiusmodi
Beneficia nominationes fieri contigerit,
primarias iidem Collatores, & Collatrices,
salvo quod singula collationes, & singula
Ecclesia ex hoc ultra quam in uno Benefi-
cio non graventur, ac ipsi Collatores, &
Collatrices, saltem quatuor Beneficia Ec-
clesiastica conferre habeant, huiusmodi Pre-
cibus, & nominationibus parere, & in-
tendere; necnon personas ipsas ad huius-
modi Beneficia, postquam ipsis de illis ca-
nonicè provisum fuerit, juxta earundem
Precum, aut nominationum tenorem reci-
pere, & admittere debeant, & etiam te-
neantur &c. Quodque quicumque quibus-
vis in dignitatibus constituti, seu Ecclesia-
rum Cathedralium Canonici singuli; vide-

licet in illis, quos pro singulis personis prædictis Precum, & nominationum hujusmodi, & ad hoc ut illa sortiantur effectum, etiam præsentium Executores deputaveris per se, vel alium, seu alia Beneficia prædicta cùm in quibuscumque etiam Ordinariis Collatoribus per constitutiones nostras, aut literas alternativas, aliaque privilegia, & indulta quacumque quomodolibet concessa, & in posterum concedenda, aut aliis quibuscumque mensibus vacaverint, & qua persona, pro quibus Preces, & nominationes hujusmodi factæ fuerint, quatenus hujusmodi Preces, sive nominationes ad illa se extendant, infra mensem, postquam ipsis vacatio hujusmodi Beneficiorum innotuerit, duxerint acceptanda; etiamsi ipsa Beneficia dispositioni Apostolica aliàs quam per constitutionem fel. recordat. Benedicti Papa XII. prædecessoris nostri, quæ incipit Ad regimen, generaliter reservata existant, & ex diversis personis vacaverint, & persona nominata prædictæ tempore assentionis Beneficii, ad quod nominata fuerint, aliud Beneficium in eadem Ecclesia obtineant, & secundùm statuta, & consuetudines Ecclesiarum, in quibus Beneficia hujusmodi constiterint, vel indulta Ecclesiis concessa, capaces videlicet in atque legitima constituta, aut de legitimo ma-

*Beneficia
exempta ab
indulto.*

100 De primariis Precibus Imperialibus
rimonio procreata non sint, dummodò quoad
huiusmodi qualitates, aliàs cum eis cano-
nicè dispensatum, & Beneficia in eadem
Ecclesia obtinenda talia sint, quæ sine dispen-
satione Apostolica insimul obtineri possint,
aut consueverint, ac ipsorum vacantium
Beneficiorum collatio non fuerit juxta La-
teranensis statuta Concilii, ad Sedem præ-
dictam legitimè devoluta, neque super illis
inter aliquos lis pendeat indecisa, cum om-
nibus juribus, & pertinentiis suis, perso-
nis ipsis etiam, duo vel tria, seu plura
cujuscumque qualitatibus, & cujuscumque an-
ni valoris Ecclesiastica Beneficia obti-
nentibus, & expectantibus conferre, &
assignare; necnon omnia, & singula quæ
ad hoc, ut Precum, seu nominationum,
& acceptationum, ac collationum huiusmo-
di succedant effectus, opportuna fuerint fa-
cere auctoritate nostra per censuram Ec-
clesiasticam exequi possint, & valeant &c.
Non obstantibus nostris de non utendo

Derogatio
regulis Can-
cellariæ, &
concordatis.

gratia expectativa, ac reservatione spe-
ciali, vel duabus gratiis insimul, ac de
insinuatione, ac publicatione, ac diligen-
tiis per acceptantes desuper faciendis, ac
in favorem Ordinariorum Collatorum, nec-
non expectativas in forma pauperum ha-
bentium, ac illustrium, & graduato-
rum, ac Sedis prædictæ Officialium, ac

certas inibi expressas gratias habentium ; necnon quibuscumque in Cancellaria Apostolica quandocumque publicatis , & publicandis , ac aliis constitutionibus , & ordinationibus Apostolicis , necnon aliis Ecclesiarum , in quibus Beneficia hujusmodi forsan fuerint , statutis , & consuetudinibus ; illis praesertim quibus in Ecclesiis , in quibus majores , & minores Præbendæ hujusmodi fuerint , caveri dicitur , quod nullus inibi majorem Præbendam majore assequi valeat , nisi illam de minore gradatim , & per optionem ascendat , jramento , confirmatione Apostolica , vel quavis firmitate alia roboratis contrariis quibuscumque &c. Necnon Concordatis nationis Germanicæ , ac eorundem Concordatorum confirmatione , ac prædictis , & quibuscumque aliis quandocumque editis , & edendis constitutionibus , & regulis nostris , & dictæ Cancellariæ , ad quarum solemnitatem , adstrictionem , formam , vel satisfactionem , seu observantiam habentes Preces , seu nominationes hujusmodi minime teneantur , nec ipsa Preces sub illis comprehendantur quoquo modo , necnon quibusvis privilegiis , indultis , & literis Apostolicis , & quibusvis gratiis expectativis specialibus , vel generalibus , etiam mentalibus reservationibus , unionibus , an-

102 *De primariis Precibus Imperialibus
 nexionibus, & incorporationibus, suppressio-
 nibus, & extinctionibus perpetuis, &
 temporalibus, nominationibus, ac reser-
 vandi, uniendi, annectendi, incorporan-
 di, ac nominandi, & aliis conferendi,
 commendandi, supprimendi, & extinguen-
 di, aliisque cura accessus, & regressus de
 consensu facultatibus, literis, mandatis, &
 indultis quibuscumque. Datum Roma apud
 sanctum Petrum anno Incarnationis Domi-
 nica millesimo quingentesimo septuagesimo
 septimo, tercio decimo kalend. Augusti,
 Pontificatus nostri anno sexto.*

L.
 Indultum
 Pauli V. Mat-
 thiae Impera-
 tori.

Rodulpho successit Matthias, quan-
 quam nondum coronatus obierit: quem
 a Paulo V. id ipsum indultum obtinuisse
 patet ex literis Apostolicis in hunc mo-
 dum exaratis:

*Paulus Episcopus servus servorum Dei.
 Charissimo in Christo filio Matthiae Ro-
 manorum Regi illustri in Imperatorem
 electo salutem. Cum post factam de per-
 sona Tua per sacri Romani Imperii Prin-
 cipes Electores in Regem Romanorum ele-
 ctionem, ac per nos pra universae Christianae
 Reipublicae salute confirmatam, nuper nobis
 significaveris te summopere desiderare per-
 sonas tibi gratas, & acceptas gratia, & mu-
 nificentia, aliqua Beneficia Ecclesiastica con-
 sequi posse; Nos quemadmodum magnis me-*

rentur efferri laudibus, insignibusque praeconis commendari, sublimium Principum desideria, & vota, quae in Divini nominis, & personarum illi Clericali vinculo adstrictarum amore feruntur, & opere postmodum consequente tutum deducantur in actum; ita etiam dignum, vel potius debitum existimamus, ut quoniam in fidei sinceritate, & devotione illibata Ecclesia Sponsa nostra te fidelem Advocatum devovisti, eamque humili professione Matrem, & Dominam Tuam recognovisti, & ad ipsius honorem, & sacri Romani Imperii decus unctionem victoria, & diadema etiam nostro ministerio adveniente tempore suscipere, & in eis immobilis persistere intendis; rerum etiam tanquam ipsius Ecclesiae legitimus pugil, & athleta Te adversus Schismaticorum, & Haereticorum, Turcarum Tyranni, ac Fidei, & Christi nominis hostium insanias, & furores spiritualiter, & temporaliter armaris, & in dies arma huiusmodi jugiter exequeris, ea tibi favorabiliter concedamus, quae Tua Celsitudini cedant ad honorem, & per quae eisdem benemeritis personis te munificum reddere possis, ope auctoritatis Apostolica exhibitione gratiarum. Hinc est, quod Tuae Celsitudinis supplicationi inclinati, dicta auctoritate, praesentium serie eidem

104 *De primariis Precibus Imperialibus*
Celsitudini Tue concedimus, & indulge-
mus, quod si per te quibuscumque Collatoribus,
seu Collatricibus quorumcumque Beneficio-
rum Ecclesiasticorum secularium, vel Re-
gularium Ordinum quorumcumque per sa-
crum Romanum Imperium ubilibet consti-
tutorum, etiam si qui, vel si qua Ponti-
ficali, vel alia quavis dignitate prae-
geant, seu Collegia, Capitula, & Conver-
tus fuerint super singulis Beneficiis Ecce-
sasticis cum cura, & sine cura, seculari-
bus, vel Ordinum huiusmodi Regularibus
in singulis Cathedralibus, etiam Metropo-
litanis, Collegiatis, & aliis quibuscumque Ec-
clesiis, etiam si Beneficia huiusmodi, Cano-
natus, & Prabenda, dignitates, perso-
natus, administrationes, vel officia in eis-
dem Cathedralibus, etiam Metropolitanis,
vel Collegiatis, & ipsa Prabenda in illis ex
huiusmodi Ecclesiis, in quibus maiores, vel
minores Prabenda esse noscuntur; etiam-
si maiores fuerint, & ad dignitates, per-
sonatus, administrationes, vel officia huius-
modi consueverint qui per electionem assu-
mi, eisque cura immineat animarum, dum-
modo dignitates ipsae in Cathedralibus,
etiam Metropolitanis post Pontificales ma-
jores, aut Collegiatis huiusmodi principales
non existant, ad eorundem Collatorum &
Collatricum collationem, provisionem, pra-

Beneficia ex-
cepta.

sentationem, electionem, seu quamvis aliam dispositionem communiter, vel divisim pertinentibus singulis personis conferendis, seu super hoc, quod persona hujusmodi ad illa recipiantur, & admittantur Preces porrigi, seu de personis eisdem ad hujusmodi Beneficia nominationes fieri contigerit, primarias iidem Collatores & Collatrices, salvo, quod singula collationes, & singula Ecclesie ex hoc ultra quam in uno Beneficio non graventur, ac ipsi Collatores & Collatrices, saltem quatuor Beneficia Ecclesiastica conferre habeant, hujusmodi Precibus, & nominationibus parere, & intendere, necnon personas ipsas ad hujusmodi Beneficia, postquam ipsis de illis canonicè provisum fuerit, juxta earundem Precum, aut nominationum tenorem recipere, & admittere debeant, & etiam teneantur &c. Quodque quicumque quibuscumque in dignitatibus constituti, seu Ecclesiarum Cathedralium Canonici, singuli videlicet in illis, quas pro singulis personis prædictis Precum & nominationum hujusmodi, & ad hoc, ut ille sortiantur effectum, etiam præsentium Executores deputaveris per se, vel alium, seu alios Beneficia prædicta, cum in quibuscumque etiam Ordinariis Collatoribus per constitutiones nostras, aut literas alternativas, aliasque privilegia, & indulta quacumque quo-

106 De primariis Precibus Imperialibus
modolibet concessis, & in posterum conce-
dendis, aut aliis quibuscumque mensibus va-
caverint, & quæ personæ, pro quibus Pre-
ces, & nominationes hujusmodi factæ fue-
rint, quatenus hujusmodi Preces, sive no-
minationes ad illa se extendant, infra men-
sem, postquam ipsis vacatio hujusmodi Be-
neficiorum innotuerit, duxerint acceptanda;
etiamsi ipsa Beneficia dispositioni Apostoli-
ca aliàs quàm per constitutionem fel. recor-
dat. Benedicti Papæ XII. prædecessoris no-
stri, quæ incipit Ad regimen, generaliter
reservata existant, & ex diversis personis
vacaverint &c. dummodo quoad hujusmodi
qualitates aliàs cum eis canonicè dispensa-
tum, & Beneficia in eadem Ecclesia obti-
nenda talia sint, quæ sine dispensatione A-
postolica insimul obtineri possint aut consue-
verint, ac ipsorum vacantium Beneficio-
rum collatio non fuerit juxta Lateranen-
sis statuta Concilii, ad Sedem prædictam
legitimè devoluta, neque super illis inter
aliquos lis pendeat indecisa, conferre, &
assignare &c. ac personis prædictis, pro qui-
bus hujusmodi primarias Preces porrigi,
seu nominationes fieri contigerit, quod ipse
expectativis, ac nominationibus, seu spe-
cialium reservationum de quibusvis Bene-
ficiis pro eis factarum gratiis, & mandatis
de providendo ipsis de eisdem, si quæ ipsis

Beneficia ex-
cepta.

concessa fuerint una cum gratia Precum,
& nominationum primariarum earundem
ui possint, nec aliqua gratiarum huius-
modi consumpta, reliquæ earundem cassa
censeantur, vel irrita, indulgemus. Non
obstantibus nostris de non utendo gratia
expectativa, ac reservatione speciali, vel
duabus gratiis insimul, ac de insinuatione,
ac publicatione, & diligentius per accep-
tantes desuper faciendis, ac in favorem
Ordinariorum Collatorum, necnon expe-
ctativas in forma pauperum habentium, ac
illustrium, & graduatorum, ac Sedis præ-
fata Officialium, ac certas inibi expressas
gratias habentium, necnon quibuscumque in
Cancellaria Apostolica quandocumque pu-
blicatis, & publicandis, ac aliis constitu-
tionibus, & ordinationibus Apostolicis, nec-
non Ecclesiarum, in quibus Beneficia hu-
iusmodi forsan fuerint, statutis, & con-
suetudinibus; illis præsertim, quibus in Ec-
clesiis, in quibus maiores, & minores Præ-
bende huiusmodi fuerint, caveri dicitur,
quod nullus inibi maiorem Præbendam ma-
iore assequi valeat, nisi illam de minori gra-
datim, & per optionem ascendat juramen-
to, confirmatione Apostolica, vel quavis
firmitate aliàs roboratis contrariis quibus-
cumque &c. necnon Concordatis nationis
Germanica, ac eorundem Concordatorum

Derogatio
regulis Can-
cellariæ, &
concordatis.

108 *De primariis Precibus Imperialibus*
confirmatione , ac prædictis , & quibus-
cumque aliis quandocumque editis , &
edendis constitutionibus , & regulis no-
stris , & dictæ Cancellariæ , ad quarum so-
lemnitatem , adstrictionem , formam , vel sa-
tisfactionem , seu observantiam , habentes
Preces , seu nominationes hujusmodi mini-
mè teneantur , nec ipsæ Preces sub illis com-
prehendantur quoquo modo , necnon quibus-
vis privilegiis , indultis , & literis Aposto-
licis , & quibusvis gratiis expectativis spe-
cialibus , vel generalibus , etiam mentali-
bus reservationibus , unionibus , annexio-
nibus , & incorporationibus , suppressionibus ,
& extinctionibus perpetuis , & temporalibus
nominationibus &c. Datum Roma apud
sanctum Petrum anno Incarnationis Domi-
nica millesimo sexcentesimo duodecimo ka-
lend. Martii , Pontificatus nostri anno
octavo.

LI.
 Indultum
 Ferdinando
 II. à Paulo
 V. concessum.

Matthiæ successit Ferdinandus II. , cu-
 jus indultum primariarum Precum à Pau-
 lo V. impetratum non refero , cùm illud
 ediderit , & scholiis illustraverit Joannes
 Chockier post Commentaria in regulas
 Cancellariæ. Ferdinandi II. successor , Fer-
 dinandus III. apud Urbanum VIII. anno
 1638. statim ac in Romanorum Regem
 assumptus fuit , & à Papa confirmatus ,
 institit pro indulto primariarum Precum ,

illudque obtinuit, quemadmodum sequentes literæ Apostolicæ in hunc modum exaratae probant:

Urbanus Episcopus servus servorum Dei. Charissimo in Christo filio Ferdinando Romanorum Regi illustri in Imperatorem electo salutem &c. Cùm post factam de persona tua per sacri Romani Imperii Principes Electores de consensu clar. mem. Ferdinandi II. Romanorum Regis in Imperatorem electi Patris tui tunc in humanis agentis, in Regem Romanorum electionem, ac per nos pro universa Christiana Reipublica salute confirmatam nuper Nobis significaveris, Te summopere desiderare personas tibi gratas, & acceptas gratia, & munificentia, aliqua Beneficia Ecclesiastica consequi posse; Nos quemadmodum magnis merentur efferri laudibus, insignibusque praconiis commendari, & sublimium Principum desideria, & vota, quæ in Divini nominis, & personarum illi Clericali vinculo adstrictarum amore feruntur, & opere postmodum consequente, tutum deducantur in actum; ita etiam dignum, vel potius debitum existimamus, ut quoniam in fidei sinceritate, & devotione illibata Ecclesiae Sponsæ nostræ te fidelem Advocatum devovisti, eamque humilli professione Matrem & Dominam tuam

LII.
Indultum
Urbani VIII.
Ferdinando
III.

110 De primariis Precibus Imperialibus
recognovisti, & ad ipsius honorem, & sacri
Romani Imperii decus unctionem victoria,
& diadema etiam nostro ministerio adve-
niente tempore suscipere, & in eis immo-
bilis persistere intendis; verum etiam tan-
quam ipsius Ecclesie legitimus pugil, &
athleta Te adversus Schismaticorum, &
Hæreticorum, Turcarum Tyranni, ac Fidei,
& Christi nominis hostium insanias, & furo-
res spiritualiter, & temporaliter armaris;
& in dies arma hujusmodi jugiter exequere-
ris, ea Tibi favorabiliter concedamus,
quæ Tuæ Celsitudini cedant ad honorem,
& per quæ eisdem benemeritis personis Te
munificum reddere possis ope auctoritatis
Apostolicæ exhibuione gratiarum. Hinc
est, quod Tuæ Celsitudinis supplicationi in-
clinati, dicta auctoritate præsentium serie ei-
dem Celsitudini Tuæ concedimus, & in-
dulgemus, quod si per Te quibusvis Colla-
toribus, seu Collatricibus quorumcumque
Beneficiorum Ecclesiasticorum secularium,
vel Regularium Ordinum quorumcumque
per sacrum Romanum Imperium ubilibet
constitutorum, etiam si qui, vel si qua
Pontificali, vel alia quavis dignitate præ-
fulgeant, seu Collegia, Capitula, & Con-
ventus fuerint super singulis Beneficiis Ec-
clesiasticis cum cura, vel sine cura sacula-
ribus, vel Ordinum hujusmodi Regulari-

bus in singulis Cathedralibus, etiam Metropolitanis, Collegiatis, & aliis quibuscumque Ecclesiis, etiamsi Beneficia hujusmodi, Canonatus, & Prabenda, dignitates, personatus, administrationes, vel officia in eisdem Cathedralibus, etiam Metropolitanis, vel Collegiatis, & ipsa Prabenda in illis ex hujusmodi Ecclesiis, in quibus majores, vel minores Prabenda esse noscuntur, etiamsi majores fuerint, & ad dignitates, personatus, administrationes, vel officia hujusmodi consueverint qui per electionem assumi, eisque cura immineat animarum, dummodo dignitates ipsae in Cathedralibus, etiam Metropolitanis, post Pontificales majores, aut Collegiatis hujusmodi principales non existant, ad eorundem Collatorum, & Collatricum collationem, provisionem, praesentationem, electionem, seu quamvis aliam dispositionem communiter, vel divisim pertinentibus singulis personis conferendis, seu super hoc, quod persona hujusmodi ad illa recipiantur, & admittantur, Preces porrigi, seu de personis eisdem ad hujusmodi Beneficia nominationes fieri contigerit, primarias iidem Collatores & Collatrices, salvo quod singulae Collationes, & singula Ecclesia ex hoc ultra quam in uno Beneficio non graventur, ac ipsi Collatores & Collatrices saltem qua-

112 De primariis Precibus Imperialibus
 tuor Beneficia Ecclesiastica conferre ha-
 beant, hujusmodi Precibus, & nominationi-
 bus parere, & intendere, nec non personas ip-
 sas ad hujusmodi Beneficia, postquam ipsis
 de illis canonicè provisum fuerit, juxta ea-
 rundem Precum, aut nominationum tenorem
 recipere, & admittere debeant & etiam te-
 neantur. Quodque quicumque quibuscumque in
 dignitatibus constituti, seu Ecclesiarum Ca-
 thedralium Canonici singuli, videlicet in il-
 lis, quos pro singulis personis prædictis Pre-
 cum & nominationum hujusmodi, & ad hoc,
 ut illæ sortiantur effectum, etiam præsentium
 Executores deputaveris, per se, vel alium,
 seu alios, Beneficia prædicta, cum in quibus-
 vis etiam Ordinariis Collatoribus per con-
 stitutiones nostras, aut literas alternativas,
 aliaque privilegia, & indulta quacumque
 quomodolibet concessis, & in posterum con-
 cedendis, aut aliis quibuscumque mensibus
 vacaverint, & quæ persona, pro quibus
 Preces & nominationes hujusmodi factæ fue-
 rint, quatenus hujusmodi Preces seu nomina-
 tiones ad illa se extendant, infra mensem,
 postquam ipsis vacatio hujusmodi Beneficio-
 rum innotuerit, duxerint acceptanda; etiam
 si ipsa Beneficia dispositioni Apostolica, aliàs
 quàm per constitutionem fel. record. Benedi-
 cti Papæ XII. prædecessoris nostri, quæ inci-
 pit Ad regimen, generaliter reservata exi-
 stant,

Beneficia ex-
 cepta.

stant, & ex diversis personis vacaverint, & persona nominata prædicta tempore affectionis Beneficii, ad quod nominata fuerint, aliud Beneficium in eadem Ecclesia obtineant, ac secundum statuta & consuetudines Ecclesiarum, in quibus Beneficia hujusmodi constiterint, vel indulta Ecclesiis concessa, capaces, videlicet in ætate legitima constituta, aut de legitimo matrimonio procreata non sint; dummodò quoad hujusmodi qualitates alias cum eis canonicè dispensatum, & beneficia in eadem Ecclesia obtinen. talia sint, quæ sine dispensatione Apostolica insimul obtineri possint, aut consueverint, ac ipsorum vacantium Beneficiorum collatio non fuerit juxta Lateranensis statuta Concilii ad Sedem Apostolicam legitimè devoluta, neque super illis inter aliquos lis pendeat indecisa &c. Non obstantibus nostris de non utendo gratia expectativa, ac reservatione speciali, vel duabus gratiis insimul, ac de insinuatione, & publicatione, & diligentis per acceptantes desuper facien., ac in favorem Ordinariorum Collatorum, necnon expectativas in forma pauperum habentium, ac illustrium, & graduatorum, ac Sedis prædictæ Officialium, ac certas inibi expressas gratias habentium, necnon quibuscumque in Cancellaria Apostolica quando-

Beneficia ex;
cepta.

Derogatio
regulis Cancellariæ, &
concordatis

114 De primariis Precibus Imperialibus
cumque publicatis, & publicandis, & aliis
constitutionibus, & ordinationibus Aposto-
licis, necnon aliis Ecclesiarum, in quibus
Beneficia hujusmodi forsan fuerint statuits,
& consuetudinibus &c. necnon Concordatis
nationis Germanicæ, ac eorundem Concor-
datorum confirmatione, ac prædictis, ac
quibuscumque aliis quandocumque editis,
& edendis constitutionibus, & regulis no-
stris, & dicta Cancellaria, ad quarum
solemnitatem, adstrictionem, formam, &
satisfactionem, seu observantiam habentes
Preces, seu nominationes hujusmodi mini-
me teneantur, nec ipsæ Preces sub illis
comprehendantur quoquo modo, necnon
quibusvis privilegiis, indultis, & literis
Apostolicis, & quibusvis gratiis expectati-
vis specialibus, vel generalibus, etiam men-
talibus reservationibus, unionibus, an-
nexionibus, & incorporationibus, suppres-
sionibus, & extinctionibus perpetuis, & tem-
poralibus, nominationibus, ac reservandi,
uniendi, annectendi, incorporandi, ac no-
minandi, & aliis conferendi, commendan-
di, supprimendi, & extinguendi, aliisque
citra accessus, & regressus de consensu, fa-
cultatibus, literis, mandatis, & indultis
quibuscumque, etiam cum provisionibus,
commendis, & aliis dispositionibus ex tunc,
& gratis quibusvis personis cujuscumque

dignitatis, status, gradus, vel conditionis
 existentibus, & quacumque etiam Imperiali,
 Regali, Reginali, Ducali, sive Episcopali,
 Archiepiscopali, Patriarchali, vel majori
 auctoritate, praeminentia, nobilitate, &
 excellentia, ac etiam Cardinalatus honore
 fungentibus, & familiaribus continuis com-
 mensalibus nostris, etiam descriptis, &
 antiquis, & in eorum, ac Ecclesiarum
 etiam Cathedralium, & Metropolitana-
 rum, ac Patriarchalium, & principalium
 Monasteriorum, mensarum, Capitulorum,
 dignitatum, & aliorum Beneficiorum
 quorumcumque cum cura, & sine cura,
 secularium, & quorumvis Ordinum Regu-
 larium, Locorum piorum, Universitatum,
 studiorum, & aliorum quorumcumque &c.
 Datum Roma, apud sanctum Petrum an-
 no Incarnationis Dominica millesimo sex-
 centesimo trigesimo octavo, duodecimo ka-
 lendis Decembris, Pontificatus nostri an-
 no sexto-decimo.

Hæc est verissima facti historia, ab
 A catholicis scriptoribus forsitan ignorata,
 vel studio neglecta, ex qua plura argu-
 menta, quæ hanc rem manifestiorem
 faciunt, educuntur; quippe si post Con-
 cordata jam dicta spatio ducentorum &
 amplius annorum, tot tantique Impera-
 tores ejusmodi indultum à Pontificibus

LIV.

Imperatores
 per ducentos
 annos agnos-
 cunt necessi-
 tatem indulti
 Apostolici.

116 *De primariis Precibus Imperialibus*
Romanis impetrarunt, eoque usi sunt,
& Preces diversas ab antiquis direxerunt,
mentionem facientes confirmationis Pon-
tificiæ, quis non videt ipsos Augustissimos Imperatores, Germanosque omnes
spatio tanti temporis agnovisse necessita-
tem indulti Summi Pontificis, & consue-
tudinem hanc esse, ut sine Pontificio in-
dulto, neque parerent Imperialibus Pre-
cibus Ordinarii, aut Capitula Germaniæ,
neque Imperatores eas dirigerent, aut
dirigere se posse putarent.

LV. Hoc argumento exagitati A catholici
Heterodoxo- scriptores, qui ad potestatem summi Ec-
clesiæ Pastoris imminuendam, omnem
lapidem semper moverunt scriptis dictis-
que, ut laicis Principibus etiam Ecclesi-
astica jura attribuerent, ita respondent
per os Ahassueri Fritschii: *Nihil refra-*
gatur, quod Imperatores ipsi in suis pri-
mariarum Precum diplomatis Apostolica
auctoritatis, & Pontificia confirmationis
mentionem faciant; quamvis enim fortè
negari nequeat, hodie Imperatores absque
Pontificis approbatione primarias Preces
non exercere, uti etiam ex Gailio, Paur-
meistero, Stephano, & aliis monet Lam-
padius de Republic. Roman. German. par.
3. cap. 11. §. 46., dici tamen potest cum
Klockio conf. 4. num. 23., quem à se re-

latum sequitur Stamlerus de reservat. Imperat. §. 51. num. 3. , confirmationem illam Pontificiam abundantioris cautela , civilitatis magis , quam cujusdam necessitatis intuitu ab Imperatoribus impetrari , quo scilicet eo faventiores sibi nanciscantur Capitulares , quorum plurimi reperiuntur , in quorum animis non nihil plenius Pontificia illa majestas radices egit. Hæc Fritschius tract. de Jur. primar. Prec. cap. 2. num. 36. & seqq. Besold. etiam Theſaur. practicab. par. 2. verb. Primariæ Preces pag. mihi 147. ad fin. sic : *Licet autem hodie Imperatores pro ea , qua sunt in Summos Pontifices affectione , jus illud ipso jure ex inveterata consuetudine Imperii Pontificia confirmatione roboratum esse dicant , ea tamen officii , & civilitatis causa prolata verba juri Caesaris , & Imperii nihil derogant ; translativum enim est , confirmationem etiam ab eo factam , qui jus confirmandi habet , actui per se perfecto nihil novi dare.* Scuederus libello de introduct. in jus public. Imper. Roman. Germanic. part. special. sect. 1. cap. 5. num. 15. pag. 233. in hæc verba : *Quidam enim primarias Preces Imperatori nostro , ex Pontificis Romani concessione , & indulto competere volunt , quorum antesignanus Speculator , qui privilegium bulla-*

118 De primariis Precibus Imperialibus
tum se vidisse testatur. Hunc ideò sequun-
tur Joann. Andr. Boer. decis. 32. num.
8., Restaur. Castald. de Imperat. quest.
100. num. 14. & seqq., Gail. 2. observ.
155. in fin., Stephan. de jurisd. lib. 2.
par. 1. cap. 1. membr. 1. num. 116.,
Rumel. ad A. B. par. 1. D. 4. Thesaur.
16., Lampad. par. 3. cap. 11. num. 47.,
& hoc ipsi Imperatores Rudolphus 2. &
Ferdinandus 2. in concessionum formulis
apud Paurmeister. de jurisd. lib. 1. cap.
11. num. 48. fateri videntur. Alii verò
hoc jus Imperatoribus intuitu Advocatia,
sive universalis protectionis Ecclesiarum
competere tradunt. Sed verissima est il-
lorum sententia, qui primarias Preces te-
nues antiqui juris Casarei, circa sacra,
collationem Episcopatum, Abbatiarum,
aliorumque Beneficiorum, reliquias esse, &
Imperatoribus per continuatum ad tempora
nostra exercitium mansisse, contendunt;
quam nostram quoque proinde facimus,
existimantes primariarum Precum natales
canonica illa dignitate longe antiquiores
esse, & in concessionibus Imperatorum Pon-
tificia auctoritatis, aut approbationis men-
tionem fieri, abundantioris saltem cautela
gratia ex civilitate magis, quam necessi-
tatis intuitu; quo scilicet Pontificiis, qui
omne illud jus soli Pontifici competere per-

suasi sunt contra rescripta Imperatoria excipiendi ansa eximatur. Fritschio concinit Vitriarius de Instit. jur. public. Roman. Germanic. lib. 3. tit. 2. pag. 55. & 56. num. 9. ubi differit in hunc modum : Innocentius X. in Bulla ita loquitur de his primariis Precibus , quasi illa soli sue liberalitati debeantur ; sed licet negari non possit , à Papa solere jam aliquandiu tale quid Caesaribus concedi ; tamen hoc jus Casareum niti solis Papalibus concessionibus , neutiquam est admittendum ; nam antea plurima jam secula Casares hoc jure usi sunt , non agnoscentes hoc esse donum aliquod Papale , sed ex antiqua consuetudine tale sibi deberi ratione sue coronationis ; quinimò hac potius tenues sunt reliquæ antiqui juris Casarei circa collationem Episcopatum , Abbatiarum , aliorumque Beneficiorum ; ut ita licet Imperatores hoc jus hodie , ut Beneficium à Pontifice agnoscant , uti clarissimè hoc patet ex formula , qua Paulus V. Papa Ferdinando II. hoc jus indulxit ; item ex concessione hujus juris , qua facta est ab Innocentio X. Ferdinando III. (mendose tamen , scilicet Urbano VIII.) ubi , inter alia , Summus Pontifex ita loquitur : Precumque primariarum eidem Ferdinando in Imperatorem electo à prefata Sede

120 *De primariis Precibus Imperialibus
Apostolica concessarum, ad jura majestatis
sit referendum. Et in adnotatione lit. A.
ita scribit : Rationes eorum; prima, quod
Pontifici circa sacra, & res Ecclesiasticas
suprema competat potestas; secunda, in
Concordatis Germania Nicolaus V. colla-
tiones omnium Beneficiorum vacantium Ec-
clesia sibi reservavit; tertia, Rudolphus
II. & Ferdinandus II. in concessionum for-
mulis ex inveterata consuetudine, Aposto-
lica auctoritate confirmata hoc jus depen-
dere agnoverint. Rectius docet Fritschius,
qui illud reliquias pristini Imperatorum
juris circa sacra, qua Henricus V. Ponti-
fici cessit. Ad opposita respondendum;
primò, Pontifici proprie loquendo jurisdic-
tionem Ecclesiasticam non aliter vindican-
dam esse, quam in quantum Casares ta-
cente Imperio ipsis eam reliquerint; quod
de primariis Precibus dici nequeat, cum
de illis inter Casares, & Papas nunquam
convenerit; secundò, Fridericum III. per
Concordata juribus Imperii præjudicare non
potuisse, deficiente Imperii totius consensu,
præter quod de quæstionis jure nec jota in
favorem Pontificis ibi reperiatur; tertio,
Phrases Rudolphi, & Ferdinandi II. de
confirmatione Papali nihil involvere con-
trarii, utpote non necessitatis, sed captan-
da tantum eo facilius Capitulorum benevo-*

lencia gratia adjectas. Et num. 8. in adnotat. lit. C. in fin. videns laico Principi non posse competere sub specie Precum jus compellendi, ita respondet : *Appellationis interim latina ratio à literis commendatitiis desumpta penitus absurda mihi non videtur, quoniam Imperator non mandantis, sed intercedentis, petentis, & commendantis stylo utitur : in quo sane palmariter errat, cum ex formula Precum in principio exhibita pateat, Augustissimum Imperatorem non commendantis, sed præcipientis, & cogentis, ac multantis personam induere. Per totidem verba loquitur Joannes Mayer. tract. de jur. primar. Prec. pag. mihi 65. §. Licet autem, & seqq.*

Hoc pacto scriptores heterodoxi se satisfacere arbitrantur argumento superius relato. At ex verbis jam adductis negare ausi non sunt, quod Imperatores non consueverint, præsertim post Concordata, primariis Precibus uti sine auctoritate indulti Pontificii, quodque has Preces recognoverint tanquam Beneficium, & donum Papale : quæ A catholicorum confessio ostendit, oscitanter recurri ad antiquiorem consuetudinem, dum præsens status rerum, & facta positiva Imperatorum spatio duorum sæcu-

LVI.

Imperatores post concordata usi non sunt primariis Precibus sine indulto Pontificio.

122 *De primariis Precibus Imperialibus*
lorum , & ultrà , ex confessione ipsa
scriptorum Sedi Apostolicæ infensorum ,
probat consuetudinem contrariam , per
quam Imperatores id jus , tanquam ipsis
à Pontificibus Romanis ex speciali gra-
tia concessum , agnoverunt.

L VII. Verum quam à recto aberraverint præ-
Heterodoxi dicti Acatholici scriptores , statim ex se-
scriptores quentibus patebit : quippe ex superius
confutati, adductis constat id jus primariarum Pre-
cum , complectens mandata de provi-
dendo vacatura , atque jus cogendi Or-
dinarios ad conferendum Precistæ , &
Capitula ad eligendum eundem , nequa-
quam competiisse , vel de jure compete-
re posse Imperatoribus sine Apostolica
auctoritate ; ergo indultum Papale , &
consuetudo Papali auctoritate roborata ,
& expressa in Precibus Imperialibus spa-
tio ducentorum annorum non potuerunt
adhiberi ad cautelam , & ex civilitate ,
uti aiunt Acatholici , sed ex necessitate.
Si item ipsimet Acatholici fatentur id fa-
ctum fuisse , ne Ecclesiastici repugnarent
parere , jam admittunt Germanos Eccle-
siasticos ejus fuisse opinionis , ut sine
Pontificia auctoritate Precibus obtempe-
rare non tenerentur. Insuper ex jam re-
latis patuit in omnibus indultis fuisse à
Summis Pontificibus derogatum expresse

Concordatis Germaniæ , & Germanos non obstante indulto Papæ Preces sprevisse , quod dicerent Concordata repugnare , neque illis derogatum fuisse , uti contigisse narravimus Friderico. Præterea Imperatores Preces direxerunt suffulti indulto Papali; Germani Ecclesiastici repugnarunt Preces exequi , opposcentes , post indultum à Papa latas fuisse leges indulto contrarias , vel Papam alias direxisse expectativas , vel bis gravari non potuisse Precibus; vel Precistas non implevisse formam indulti , aut vivente Imperatore , filio in Regem Romanorum electo indultum dari non potuisse. Videndum quid Imperatores egerint. Dicit fortè aliquis , eos coëgisse ad Precibus parendum usos jure suo , & consuetudine inveterata suffultos ; minis , & præceptis obstrepuisse , & clamasse contra Pontifices , qui leges contrarias Precibus promulgaverant , vel formam contra jus Imperii à Precistis servandam præscripserant : hæc siquidem fecissent Imperatores , si ex civilitate , & ad cautelam indulta impetrassent. Et tamen apparet exemplis Friderici , Maximiliani , & Ferdinandi superius adductis eos hæc non egisse ; immò Pontificibus supplicasse ad exceptiones Germanorum amputandas

124 *De primariis Precibus Imperialibus*
iterum indulgere , ut non obstantibus
Concordatis , regulis Cancellariæ recen-
ter editis , & forma , ac conditionibus
in indultis expressis , seu expectativis ab
ipsis concessis , Preces Imperiales omnino
exequerentur , quod palam denotat Im-
peratores agnovisse id indultum necessa-
rium , & Germanos putasse ab his Papa-
libus indultis Precum exequutionem pen-
dere , & Preces primarias esse donum
Pontificium , uti jam dicti A catholici
opinionem Imperatorum , & Germano-
rum pensantes , admittunt.

LVIII.
Primariæ
Preces do-
num Pontifi-
cium.

Non parum hæc firmantur per reser-
vationes in indultis jam transcriptis à
Summis Pontificibus semper factas ; nam
in illis Pontifices exceperunt ab Impe-
rialibus Precibus Beneficia reservata in
extravag. *Ad regimen, de Prabend.* pri-
mas dignitates , Beneficia devoluta , &
litigiosa , quæ sibi metipsis juxta formam
regularum Cancellariæ reservaverunt :
quod probat primarias Preces fuisse do-
num Pontificium pendens à conditioni-
bus à Papa adjectis. Et sane id indul-
tum Imperatores tandiu non acceptassent
cum dictis conditionibus , si proprio ju-
re , & indistinctè Preces ex consuetudi-
ne porrigere valuissent , cum tamen con-
stet Precistas nunquam primas dignitates ,

vel Beneficia in indulto Papæ reservata ,
assecutos. Quod & probat obligatio in
indultis Nicolai V. Calixti III. & succes-
sorum adjecta Executoribus harum Pre-
cum à Cæsare deputatis in vim faculta-
ris in indultis concessæ , ut scilicet ii
Subcollectoribus Apostolicis illarum par-
tium notas redderent collationes factas
vigore Precum relatarum , & Subcolle-
ctores Cameræ Apostolicæ valerent à
provisis exigere annatas , & medias an-
natas , ac jura Cameræ Apostolicæ , quod
ostendit eas provisiones reputatas , utpote
factas à Sede Apostolica , à qua jus Pre-
cum procedebat. Id ipsum evincit con-
stans mos Precistarum , qui ut cogerent
Capitula , vel Ordinarios , vel compes-
cerent ab iisdem provisos , aut electos ,
ad Romanæ Curiae tribunalia confuge-
runt , & in Romanæ Rotæ Auditorio li-
tigantes , solas Preces Imperiales non al-
legarunt , sed indultum Papale , & de
ejus interpretatione disseruerunt. Sic fa-
ctum esse constat ex decisione Crescentii
3. de præbend. ubi vis indulti Clementis
VII. Carolo V. dati in dubium vocata
est ; necnon ex decisione Seraphini 728.
ubi disputatum de indulto à Pio IV. Fer-
dinando concessio ; ex decis. Coccin.
1096. & 1097. ubi de indulto Pauli V.

126 *De primariis Precibus Imperialibus*
Ferdinando II. dato : ex decis. Cavalet.
614. ubi de indulto ab eodem Pontifice
Matthiæ Imperatori concessio ; atque ex
decis. 976. Amati Dunozett. ubi de in-
dulto ab Urbano VIII. Ferdinando III.
donato , de cujus etiam interpretatione
actum fuit in decis. 634. Card. Cerr. ;
in decis. 3. & 5. Joannis Emerix ; & in
Leodien. Scholastriæ 4. Julii 1646. co-
ram Verospio ; & apud sacram Congre-
gationem Concilii in Cameracen. relata
à Fagnano in cap. *Nulla* de concess. præ-
ben., & in pluribus aliis , quas consultò
omitto. Itidem in indultis Nicolai V.
Calixti III. & successorum cavetur ex-
presse , quod provisiones Beneficiorum
in vim Precum hujusmodi faciendæ pu-
blicari deberent eodem modo , quo pu-
blicari edixerant Pontifices gratias expe-
ctativas , addita pœna nullitatis in casu
contrario : quam sane conditionem irri-
tantem Preces ipsas non acceptassent Im-
peratores , si Preces ab Imperiali jure
profluxissent , & indulta solum ad aucu-
pandum animos Ecclesiasticorum Germa-
niæ , impetrata fuissent.

LIX. Ex his arguitur tam Imperatores , quam
Vis Precum cœtum Ecclesiasticorum Germaniæ , im-
ab auctoritate mō & ipsos Precistas spatio duorum sæ-
Pontificia culorum , & ultra putasse omnem vim
pendere sem-

harum Precum ab auctoritate Pontificia per existima-
pendere: quæ communis opinio universi^{ta}.

Imperii, & ipsorum Imperatorum palam
etiam facta Acatholicis scriptoribus, qui
eam negare ausi non sunt, prævalet pro-
cul dubio salebrosis responsionibus eo-
rundem, qui videntur nodum in scirpo
quærere: quamquam fatear aliquid eis
condonandum, cum iis integra hujus
rei historia haud innotuerit. His positis,
inane prorsus est asserere, id jus fuisse
Imperatorum, iisque datum tanquam re-
liquias majoris juris, quod Henricus V.
in aurea Bulla remisit super collatione
Episcopatum, & Abbatiarum: quis enim
id Acatholicis, quibus hæc digna est
vox, revelaverit, ipsi inquirent; dum
verba aureæ Bullæ hæc sunt: *Ego Hen-
ricus pro amore Dei, & sanctæ Romanæ
Ecclesiæ, & D. Papæ Calixti (Secundi
videlicet) dimitto Deo, & sanctis ejus
Apostolis Petro & Paulo, sanctæque Ca-
tholicæ Ecclesiæ omnem investituram per
anulum, & baculum, & concedo in om-
nibus Ecclesiis, quæ in Regno, vel Impe-
rio meo sunt, canonicam fieri electionem,
& liberam consecrationem*, ut videre est
apud Cardinalem Baronium ad annum
Christi 1122. & Goldastum in sæpe re-
lato tom. 1. pag. 258., ex quibus intel-

128 *De primariis Precibus Imperialibus*
 ligitur, quod Henricus omne id, quod
 usurpaverat, dimisit, nempe investitu-
 ram per anulum, & baculum, & in
 omnibus Ecclesiis fieri liberas, & cano-
 nicas electiones concessit, nil sibi reser-
 vans; nam qui alienam potestatem oc-
 cupaverat, & cogeatur sub pœnarum
 Ecclesiasticarum comminatione dimittere,
 nil sibi reservare poterat. Quod si ali-
 quid excepisset, utique in Bulla, & actis à
 Goldasto recensitis id scriptum esset. Im-
 mò dum Henricus in omnibus Ecclesiis
 nulla excepta declaraverat liberam, &
 canonicam electionem in posterum fieri,
 nemo non videt, eum sibi reservare non
 potuisse primarias Preces, quæ liberas,
 & canonicas electiones subvertunt: im-
 mò si quas primarias Preces sibi Henri-
 cus reservasset, utique etiam ad Episco-
 pales Sedes, quarum electiones singula-
 riter occupaverat, protendisset: & tamen
 nunquam legitur, successores Henrici ad
 nostram usque ætatem primarias Preces
 pro Episcopatibus porrexisse.

LX.

Jus primaria-
 rum Precum
 non pender à
 bulla aurea
 Henrici V.

At quis Germanorum vidit, aut retu-
 lit Henrici V. Preces? Nemo sane. Quare
 ergo asserendum est, id jus profluxisse
 ab Henrico, si non legitur, eum un-
 quam has primarias Preces direxisse?
 Quin neque Lotharium III. aut Frideri-
 cum

cum I. seu Othonem IV. ejus proximos
successores, qui Henrici declaratione post-
habita, aureaque Bulla pessundata, ite-
rum Episcopatum investituras contra fas
occuparunt. Immò dicimus, quod si
id jus inter reliquias dimissionis ab Hen-
rico factæ numerandum est, statim in-
telligimus id, abusum fuisse: & hic est
verus fons hujus asserti juris profluens ab
abusu illorum temporum, quibus imma-
niter Ecclesia Romana exagitata erat à
factis Imperatorum, qui Ecclesiasticorum
titulorum se arbitros fecerant, putabant-
que, ut etiam nunc A catholici contem-
dunt, Beneficia Ecclesiastica esse res tem-
porales, & Regum, ac Principum legi-
bus jurisdictioni, & dispositioni subjecta,
ipsisque competere Pastores dare, &
Rectores intitulare: ad quos abusus am-
putandos opus fuit, post deploranda bella,
insignes Imperatorum depositiones, &
plurima exorta scandala, ad Concordata
cum inclyta natione Germanica, & dein
cum Gallica devenire: in quibus pote-
stas Pontificia manifesta fieret, libertas
electionum pacto firmaretur, & Princi-
pibus laicis invadere potestatem cogendi
Episcopos, & Capitula sine Pontificio
indulto ad Beneficia conferendum inhi-
bitum esset. - Jure ergo optimo ad id

130 *De primariis Precibus Imperialibus*
tempus scriptores jam dicti referunt jus
primariatum Precum, scilicet ad tempus
abusus, quo jus in Beneficiis Ecclesiasti-
cis Imperatores invaserant. Nec displi-
ceat addere, quod si primariæ Preces ex
jure aliquo Henrico V. in aurea Bulla
reservato, procederent, utique Rudol-
phus I. Preces suas, quæ sunt cæteris ve-
rustiores, & magis Henrici ætati proxi-
mæ, non adscripsisset tantummodò an-
tiquæ consuetudini, sed dicto juri, ut
totidem verbis arguit Rumelin. ad au-
ream Bullam dissert. 4. Thesaur. 16. Præ-
terea Johannes Besold. in Thesaur. pract.
par. 2. verb. *Primarias Preces*, pag. 148.
cogitur tandem & ipse veritatem fateri;
differens enim cur Precistæ primo vaca-
turum Beneficium à se electum assequan-
tùr, non obstantibus statutis, vel privile-
giis præscribentibus, primum Beneficium
supprimi, vel uniri; & cur non obstan-
tibus Tridentinæ Synodi decretis prima-
riæ Preces adhuc vigeant; ita respondet:
*Cùm itaque in ipsa Pontificia confirmatio-
ne casum expressum, & in terminis habea-
mus, supersedendum esse videtur omni ul-
teriori disputationi, cùm Pontifex maxi-
mus certà ex causa etiam contra decreta
Conciliorum in casibus fidei articulos non
concernentibus, dispensare possit, urgente*

ueniēte necessitate, vel etiam in favorem Serenissimi Imperatoris optime de Ecclesia meriti, & cui ideò amplissima gratia debentur. Eodem pacto Fritschius de Jur. primar. Prec. cap. 5. num. 10. & seqq. quærens cur Precista etiam Beneficia in Concordatis Papæ reservata assequatur, hæc refert: *Cùm verò Pontifex Romanus sibi Ordinarios quosdam menses libera collationi reservaret, id est Februarium, Aprilem, Junium, Augustum, Octobrem, & Decembrem: reliqui verò Imperatori reservati sint, dubitatur, an Cæsarea Majestas jus primariarum Precum, etiam in dictis Ordinariis, ut vocant, mensibus ita exercere possit, ut Precista aliis præferri debeat. Negant quidam moti per textum Concordatorum nationis Germania, ubi Nicolaus V. ita cavit &c. Et postquam retulit verba Concordatorum, quibus Papa disposuit, quod per quamcumque aliam reservationem, gratiam expectativam, aut quamvis aliam dispositionem auctoritate Papali factam, vel faciendam, nunquam impedirentur Capitula, & Episcopi in dictis mensibus liberè eligere, vel conferre, ita subdit: *Cùm verò auctoritas Apostolica vigore diplomatis confirmatorii hodie in Imperiali concessione primariarum Precum, juxta superius tra-**

132 *De primariis Precibus Imperialibus*
dua concurrat, ultra menses reservatos,
 eas sese extendere non posse, statuendum
 videtur. Verum quamvis hac non sine
 aliquo veritatis colore dicantur, malumus
 tamen sententia Klockii adharere, qui op-
 tumè docet transactionem istam juri pri-
 mariarum Precum majestatico, quod ante
 aliquot centum annos, priusquam Concor-
 data illa lucem viderint, in pleno vigore
 fuit, nihil derogare posse.

LXI. *Hæc Fritschius in pluribus palmariter*
 Errones Fritschii. *errans; nam sicuti Concordata obstant*
 in mensibus reservatis Ordinariis, in
 quibus Preces Imperiales concurrunt ad
 tollendam libertatem electionis, vel col-
 lationis Ordinariis datam in Concordatis;
 multò magis illa obstare debent ad
 tollendam libertatem conferendi in aliis
 mensibus, quam in iis, quos Pontifices
 sibi reservarunt. Errat etiam aiendo,
 Imperatori reservatos esse in Concordatis
 menses suos, in quo sane hallucinatus
 est, cum nil prorsus Imperatori fuerit
 reservatum, aut datum; errat quoque
 supponens indulta concessa dein per Sum-
 mos Pontifices Imperatoribus, complecti
 omnia Beneficia: quippe uti patuit ex
 eorundem exhibitione, in illis Pontifices
 obligarunt quidem Ordinarios exequi
 Preces omnibus mensibus in Concordata-

ris Collatoribus, & Papæ reservatis, declarantes Preces haud esse exequendas in vacatione primarum dignitatum, & Beneficiorum devolutorum, & litigiosorum, ac reservatorum in extravag. *Ad regimen.* Errat demum putans in Concordatis derogari non potuisse huic juri; nam cum Concordata in omni sui parte contraria sint Precibus, uti superius ostensum fuit; & consuetudo, si quæ erat, detecta fuerit simplex abusus ex ipsamet confessione Imperatorum, & conventus Electorum clamantium apud Concilia pro libertate electionum, & pro deletione mandatorum de providendo vacatura; clarum fit per Concordiam contrariam fuisse juri harum Precum derogatum, neque indiguisse Pontifices mentionem facere harum Precum, quarum usus de facto contra sacros Canones invecus erat, uti superius diximus; sic & Mayer. de primar. Precib. num. 95. & 96. fatetur Preces Imperiales in mensibus reservatis Sedi Apostolicæ in Concordatis, robur accipere à diplomate confirmationis Apostolicæ.

Torquentur adeo his argumentis A Catholicis, ut ex iis non defuerint qui traderunt id jus Imperatoribus debitum eo quod fuerint semper primi Ecclesiarum Cathedralium Germaniæ Canonici; quod

LXII.

Primariarum
Precum ori-
gines fabulo-
sæ.

134 *De primariis Precibus Imperialibus*
sint Ecclesiæ Romanæ, & omnium aliarum Ecclesiarum Protectores, & Advocati; quodque id jus proveniat ab Augusto, aliisque Cæsaribus antiquis, qui id ipsum exercuerint. Hos irridere non desinunt ipsimet A catholici apud eundem Fritschium de Jur. primar. Prec. cap. 2. Besoldum, Vitriarium, & alios jam relatos. Quandoquidem dicimus Imperatores esse Ecclesiæ Romanæ Advocatos; quis id jus dederit in vim hujus Advocatiæ, non legitur; notum enim puto esse A catholicis, Carolum IV. Clementi VI. Papæ, Henricum VII. Clementi V., & Rudolphum I. Gregorio X., Albertum Bonifacio VIII., Wenceslaum Urbano VI., Fridericum Eugenio IV., & dein Nicolao V., Sigismundum pariter Eugenio IV., Carolum V. Clementi VII., Maximilianum Pio IV., Ferdinandum II. Paulo V., Ferdinandum III. Urbano VIII., & ferè omnes consuevisse, postquam ii inaugurati essent, & in Romanorum Reges electi, vel per se, vel per Nuncios jurare in actu, quo confirmationem Pontificiam suæ electionis habebant, se fideles Ecclesiæ Romanæ futuros, illiusque Advocatos se devovere, ut videre est apud Goldastum, & legitur in indultis Pontificum jam relatis: ex qui-

bus postquam Imperatores id juramentum præstiterant, patet in præmium hujus Advocatiæ illis donatum indultum primariarum Precum ; ergo Imperatores ipsi hæc indulta acceptantes facti sunt Advocatiam hanc causam fuisse cur Pontifices ita indulgerent, & non cur ex illa id jus privativum, & proprium manaret. Itidem ex Conventu Electorum Germaniæ, in quo Wenceslaus Imperator depositus est, constat munus Imperatoris tanquam Advocati Ecclesiæ Romanæ id efflagitare, ut pacem Ecclesiæ promoveat, & libertatem Ecclesiarum servet, quemadmodum legitur apud Goldastum loco sæpius adducto tom. 1. pag. 379. , quam libertatem procul dubio opprimunt coactæ electiones Abbatum, & Canonico-
rum, ac collationes Beneficiorum, quæ ex Precibus insurgunt, quando apparet ex jam adductis, Pontifices, Prælatos Germaniæ, quin universum cœtum Ecclesiasticorum ejusdem, Imperatores etiã, & Electores adeo decertasse pro hac libertate impetranda. Hæc delibasse sufficiat, cum ipsi A catholici ex prædictis fontibus querere jus primariarum Precum insulsum putarint. Quod si omnes Imperatores, qui Preces direxerunt, & Augustissimus nuper inauguratus in diploma-

136 *De primariis Precibus Imperialibus*
tibus suarum Precum tantummodò con-
suetudini, & exemplo prædecessorum ad-
hæserunt, & spatio duorum sæculorum,
& ultra expresserunt Preces dirigere in
vim inveteratæ consuetudinis confirmatæ
à sanctissimis illis Præsulibus Romanæ
Ecclesiæ, qui cuilibet Imperatori dona-
verunt indultum, non est cur Germani
scriptores, præsertim A catholici, alia
somnia principia, ex quibus hæ Preces
originem trahant, dum Imperatores ipsi
eorum dicta confundunt, exprimentes in
ipsis Precibus causam, & quidem singu-
larem, nempe consuetudinem simplicem,
vel à Sede Apostolica confirmatam, præ-
viis indultis specialibus singulis Impera-
toribus concessis.

LXIII. Audivimus vocem A catholicorum,
Catholico- nunc audiamus & illam Catholicorum
rum senten- scriptorum, & quidem Germaniæ, & pri-
tiæ discussæ. mò Hermannus Hermetis in tractatu,
quem inscripsit Fasciculum Jur. public.
cap. 11. pag. mihi 155. num. 8. & seqq.
ubi ita universam rem ob oculos ponit :
*Licet non pauci velint hoc jus Imperatori
competere, quasi ex jure patronatus, quod
in universa Ecclesia Imperator sit tanquam
nutritius, Advocatus, & defensor; verius
tamen videtur hujus tituli occasione hoc jus
natum ex inveterata consuetudine, Aposto-*

lica etiam auctoritate roborata. Id declarant verba formularum, hæc scilicet: Cum nobis ad prædecessorum imitationem ex inveterata consuetudine, etiam auctoritate Apostolica roborata, jus competat Preces concedendi, cui accedit Bulla Apostolica his verbis: Quia Ecclesie fidelem Advocatum Te devovisti. Alii volunt ex mero indulto Pontificio jus Precum oriri. Deinde quærens an hujusmodi consuetudo sit valida, hæc refert: Ratio dubitandi est, quod sacris Canonibus videatur adversari, quibus expectativa ad Beneficia vacatura, & provisiones de Prabendis viventium, per quas votum captanda mortis alienæ plenissimum tristissimi eventus oritur, in Ecclesia Christi damnantur. Hoc tamen non attento, valere Preces verius est, quia hæc Preces generaliter concipiuntur, nec ad certam diriguntur personam; Textus verò legales expectativam in certam personam morituram conceptam reprobant. Nec secundo adversatur Canonibus, & Concilii Tridentini decretis, licet enim & hoc quascumque concessionem ad vacatura Beneficia tollat, quæ mandata de providendo dicuntur, & gratias, sive expectativas, etsi concessæ sint etiam Collegio, Universitati, Senatui, vel singularibus personis, etiam sub nomine indulti, quovis colore non va-

138 *De primariis Precibus Imperialibus*
lere, nec concessis uti licere decrevit. Tales autem expectativa hae Preces esse videntur : respondetur namque juxta resolutionem Cardinalium, cum in citato Textu & Canone Concilii nulla harum Precum fiat mentio, eas tali prohibitione non contineri, quod tamen fieri debuisset in persona Imperatoris, uti speciali nota digni, & si id voluisset Concilium abolere, expressisset, sicuti de aliis expressit, de Cardinalibus, Universitatibus, Senatibus, & aliis singularibus personis, & ita censuit Sua Sanctitas ex sententia Congregationis anno 1575. in una Cameracen. Tertiò, non adversatur, quod Imperator laicus sit, cui talis potestas Ecclesiastica non potest competere. Respondetur primò, quod Papa etiam laico concedere possit, cum conferre Beneficium non sit Ordinis, sed jurisdictionis, hac autem laico delegari possit; adeoque hac nominatio auctoritate, & roboratione Papae per ipsum Papam facta censeatur. Respondetur tertiò, Romanum Imperatorem non conferre Beneficium, sed habere tantum jus nominandi personas idoneas Collatoribus. At dices : consuetudo etiam memoriam hominum excedens tribuens facultatem laico ad Pralaturas & Beneficia, Canonibus damnatur, & corruptela dicitur, idque quia laicus etiam Principali, & Regia potestate

fulgens, jura spiritualia possidere nequeat. Respondetur namque per auctoritatem Pontificis accedentem Imperatorem fieri capacem, quia agit ex consuetudine auctoritate Apostolica roborata, sola tamen consuetudo, vel praescriptio etiam immemorabilis hoc jus laico tribuere non posset, quia principale requisitum, facultas scilicet possidendi jus Ecclesiasticum sine indulto Papa deficeret, ex Chockier, ubi ostendit qualiter Pontifices aliquando contra eos processerunt, qui ejusmodi nominationes sibi arrogarunt, & infelicem exitum, qui istis nominationibus sine sanctae Sedis indulto usi fuerunt, cum collatio Beneficii res sacra & spiritualis sit, cap. Decernimus 10. de judiciis, quidquid velit Fritschius de Prec. cap. 1. in fin. & cap. 2. num. 12. & seq., ubi tradit id Principibus magis quam Episcopis convenire, tanquam rem omnino profanam, & temporalem. Verum cum non sit sola perceptio reddituum, Beneficium Ecclesiasticum, sed ejus principale sit jus administrandi Sacramenta, praedicandi, cantandi in Templo, & Officia sacra alia peragendi, communis sententia Canonistarum à Fritschio recedit. Et dein verò num. 36. sic subjicit: Quaro quid de Beneficiis reservatis, respondeo: Excipi à Precibus reservata, de quibus in ex-

240 *De primariis Precibus Imperialibus*
travag. Ad Regimen, de Præbend., scilicet Beneficia Cappellanorum Papa, & aliorum Officialium Romana Curia, eorumque qui in Romana Curia decedunt, vel locis à dicta Curia non ultra duas dietas distantibus. Et num. 37. probat etiam excepta à Precibus Beneficia ad Sedem Apostolicam devoluta, litigiosa etiam, & primas dignitates num. 38. & 43. & num. 47., ubi, quod Precibus afficiuntur Beneficia quovis mense vacantia, non obstantibus concordatis, quod novissimis indultis Apostolicis expressè in hoc passu concordatis derogetur. Ita etiam Gail. practic. observat. lib. 2. cap. 155. Hinc apparet valere Casareas Preces primarias super Beneficiis primò vacaturis, quas Pontificis indulto, & privilegio Casar benemeritis conferre consuevit. Arnulphus Ruzeus de Jur. Regal. privil. 47. num. 2., apud Bursatt. consil. 126. num. 39. & 40., qui ex Thoma Feltrensi, & Speculatore testatur, Rudolphum I. Imperatorem habuisse indultum primariarum Precum à Gregorio X., cum is Lausanæ electus fuisset, & ab eodem Gregorio confirmatus. Chockier. de indult. primar. Prec. in præm. post princip. In primis itaque notandum est, inclitum Romanorum Imperatorem ex indulto Pontificio non conferre Beneficia

Germania, sed habere dumtaxat ius nominandi personas idoneas Collatoribus ad Beneficia vacatura, quas ipse facit per suos Executores recipi ex concessione Precum primariorum ipsi facta per summum Pontificem. Et pagina 3. sic: Ex quibus videt Lector primarias Preces non adversari Concilio Tridentino, nec etiam sacris Canonibus, quod & firmatur evidenti hac ratione, quod Papa pro sua potestate potest dare facultatem laico etiam conferendi Beneficia, quæ enim sunt jurisdictionis, ut est collatio Beneficiorum, cuicumque mandare potest. Et pagina 4. ad fin. ubi id ipsum agnovisse Imperatores in eorum Precibus scribit, & sect. 1. pag. 14. hæc habet: Eo quod nefas esset Imperatoris nomen assumere, nisi illud ab Apostolica Sede collatum esset. Et pagina 19. tradit Advocatiam Romanæ Ecclesiæ, quam devovet Imperator in manibus Papæ, esse causam hujus indulti, hæc subdens: Tantum hic adverte, Papam idcirco narrare Imperatoris merita, quorum etiam intuitu facultatem nominandi concedit. Et sect. 5. à pagina 99. usque ad 105. ponderans derogationem, quæ solet fieri in laudatis indultis, Concordatis Germaniæ, scribit in gratiam Imperatoris, & ob ejus merita communem esse Germano-

142 *De primariis Precibus Imperialibus*
rum opinionem, quod Papa derogare
valeat Concordatis Germaniæ. Sic etiam
Restaurus Castaldus de Imperator. quæst.
100., ubi postquam eruditissimè tradidit
collationes dignitatum Ecclesiasticarum,
& Beneficiorum non ad Reges & Impe-
ratores, sed ad Pontifices spectare, & Im-
peratores nequaquam jure proprio pri-
marias Preces posse porrigere num. 14.
& 15. subdit ex indulto, & privilegio
Apostolico tantummodo id jus primaria-
rum Precum Imperatores obtinere Boer.
decis. 32. num. 8. Coppin. de sacr. Po-
lit. lib. 1. tit. 10. num. 13., Rebuff.
conf. 47. num. 2. *Apostolicus præfertur
habenti primarias Preces à Rege, vel Im-
peratore, quia Imperator, vel Rex illud
jus habent ab auctoritate Apostolica, alio-
quin esset jus illud nullum.* Et per eadem
verba Besold. in tractat. de majest. Eccles.
fol. mihi 121., & ex Acatholicis etiam
Wilhelmus Beckers Synops. jur. public.
cap. 5. §. 5., Rumelin. ad A. B. part. 1.
dissert. 14. thesaur. 16., Syring. de pace
Relig. concl. 31. lit. B., Lampad. de Re-
publ. Rom. German. par. 3. cap. 11.
§. 46. & 47., qui omnes fatentur ex
inconcussa observantia duorum sæculo-
rum, & ultra, satis patere Imperatores
id jus exercere ex dono, & concessione
Papali.

His addendum existimo, quod cum in articulis pacis Germaniæ, initæ inter Religionarios, & Ferdinandum III. Imperatorem anno 1648., multa dicta & attentata essent, quæ Christianæ Reipublicæ adversarentur, Innocentius X. in bulla, qua declaravit anno 1651. eos articulos irritos, nullosque; edixit etiam, palamque fecit jus primariarum Precum nonnisi ab indulto Apostolico dependere; hæc enim sunt verba bullæ: *Precumque primariarum eidem Ferdinando in Imperatorem electo à præfata Sede Apostolica concessarum*; quæ quidem declaratio torquet plurimum A catholicos, & præsertim Fritschium de Jur. primar. Prec. cap. 2. num. 3. in fin., Vitriarium etiam loco adducto lib. 3. tit. 2. num. 9.

LXIV.
Articuli pacis
Germaniæ
non probati
ab Innocen-
tio X.

Hinc notandus lapsus multorum, qui ex quadam resolutione sacre Congregationis Concilii autumant declaratum à Curia Romana primarias Preces Imperatorum sub dispositione decreti Tridentinæ Synodi sess. 24. cap. 19., quod supra retulimus, haud comprehensas, unde arguunt, quod quemadmodum hæ Preces sub dicti Synodalis decreti constitutione inclusæ non fuerunt, ita neque in Concordatis. Sed prædicti nodum in scirpo quærunt, neque vim, & verba dictæ de-

LXV.
Resolutio sa-
cræ Congre-
gationis Con-
cilii Triden-
tini non bene
intellecta.

144 *De primariis Precibus Imperialibus*
finitionis sacrae Congregationis Concilii
intellexerunt : quandoquidem cum tem-
pore Tridentinae Synodi publicatae anno
1564. vigerent indulta primariarum Pre-
cum à Clemente VII. Pontifice concessa
Carolo V. & Ferdinando ejus fratri Im-
peratoribus, necnon aliud à Pio IV. do-
natum Maximiliano II. Ferdinandi filio,
quorum indultorum supra meminimus;
& adhuc Precistae plures vigore Precum
Beneficia non obtinuissent, quod non
vacassent meliora, quae eligerent, aut
non reservata in indultis; idcirco fa-
ctum est, ut Tridentini Patres, quibus
cordi erat omnes gratias, in quibus in-
cluderentur Beneficia vacatura, ab Eccle-
sia Dei eradicare, plurimum differuerint,
an indultis Papalibus primariarum Pre-
cum concessis laudatis Imperatoribus,
atque in futurum concedendis, quibus
gratiae de vacaturis continebantur, no-
minatum derogandum esset. Prævaluit
opinio, quod in obsequium Pontificum,
& Imperatorum ea indulta non nomina-
rentur : & quoniam hæc indulta præser-
vare specialiter in decreto videbatur dis-
sonans ab instantiis factis à tota Germa-
nia, & Gallis, hæc gratias, quin earum
nomen penitus tolli clamantibus, idcir-
cò satius putarunt Patres laudati non
me-

meminisse dictorum indultorum in decreto superius relato, ut illa illæsa remanerent. Hanc rem narrat Fagnanus in cap. Nulla num. 9. & 10. de concess. Præbend., ubi subdit, quod Archiepiscopo Cameracen. repugnante exequi Imperiales Preces post Tridentinam Synodum; & asserenti indulta Imperatoribus concessa jam à Tridentino abrogata, Precisa (en ejus verba) *Supplicavit declarari per Congregationem Concilii, an dictum caput 19. afficiat hujusmodi concessionem, & indulta ad vacatura sic antea concessa per Romanum Pontificem Imperatori, & demum per Pium IV. confirmata.* Dein subjicit: *Sacra Congregatio censuit hasce primarias Preces non comprehendi in dicto cap. 19.* Et paulò post refert, quod delata re ad Gregorium XIII. Pontificem, is probavit sententiam sacre Congregationis: *Et ultra rationes ponderatas à Sacra Congregatione, addidit Sanctitas Sua, quod meminit tempore Concilii, quando formabatur dictum caput 19. aliquos voluisse addi & primarias Preces Imperatori concessas, sed communior sententia Patrum fuit, ut tolleretur earum mentio, sicque non comprehenderentur in dicto cap. 19.* Idem tradit Chockier. in tract. de indult. Prec. primar. post tra-

146 *De primariis Precibus Imperialibus*
stat. ad regul. Cancellar. in proœm.
pag. 2. & 3. vers. Ex quibus, Hermes
etiam supra relatus.

LXVI.

Argumenta
contra asse-
rentes non ab
indulto Apo-
stolico, sed à
consuetudi-
ne, & jure
Imperiali
Preces pen-
dere.

Hinc plura argumenta deducuntur con-
tra scriptores, qui has Preces non ab
indulto Apostolico, sed à consuetudine,
& Imperiali jure pendere arbitrantur :
quippe jam intelleximus, Tridentinos
Patres cogitasse etiam de abrogandis in-
dultis Apostolicis, jus primariarum Pre-
cum Imperatori concedentibus, ut om-
ne penitus gratiarum complectentium
Beneficia vacatura, nomen eraderent :
ergo agnoverunt has gratias Apostolicas
esse irregulares, contra sacros Canones,
& nimis præjudiciales Capitulis, & Epis-
copis, uti ipsos Germanos exposuisse iis-
dem Concilii Patribus, jam supra retuli-
mus n. xi. & sequentibus. Quod si ita fa-
ciendum putarunt, quid fecissent si indulta
Apostolica defuissent, & Imperatores
Preces suas direxissent nulla auctoritate
Apostolica suffulti, sed laicali potestate
existimassent disponendum de vacaturis,
& cogendos minis, & pœnis Ordinarios,
& Capitula ad eligendum, & conferen-
dum Precistis. Tridentini etiam Patres
satis declararunt indulta esse de illis, qui-
bus derogatum iri edicebant, quanquam
prævaluerit major pars putans in gratiam

Pontificum Romanorum , & Cæsarum ea præservanda. Et quidem ipsi Pontifices ante Concilium jam dictum , nempe Nicolaus V. Calixtus III. , & qui postea sequuti sunt , has Preces adversari sacris Canonibus , & expectativas involvere , declararunt in iisdem indultis Frederico , & aliis Cæsaribus concessis , mandantes provisiones vigore Precum factas , & faciendas publicari debere , quemadmodum publicandas edixerant expectativas , uti intelligi potest ex indultis Nicolai V. & Calixti III. superius relatis. Concilium ergo & sacra Congregatio , quæ declarationibus dictorum Synodaliū Decretorum præest , nunquam cogitavit asserere , Preces Imperiales à laicali potestate tantummodò profluentes immunes à dicto Tridentini Decreto ; sed Indulta Pontificum , quibus jus dictarum Precum Imperatoribus concessum foret , uti innuit historia à Fagnano jam relato recitata : quæ res cùm clarissima sit , mirandum sane est , quomodo ingenium quorundam scriptorum offenderit , qui ex prædicto Decreto arbitrati sunt educere , Preces Imperiales in genere non fuisse in Tridentina Synodo comprehensas ; cùm revera pateat non fuisse inclusas Preces Imperatoribus à Romanis Pon-

148 *De primariis Precibus Imperialibus*
tificibus concessas : quod probat , Patres
Concilii Tridentini consuetudinem anti-
quam , cui inhærebant Imperiales Pre-
ces , damnasse , dum ii eas tantummodò
Preces Imperiales præservarunt , quæ ful-
citæ essent Indulto Apostolico ex jam
dictis.

LXVII.

Cur Pontifi-
ces indulta
post Concor-
data , & Tri-
dentini Con-
cilii decre-
tum, concess-
erint ?

At fortasse aliquis quærat , cur Ro-
mani Pontifices post Concordata , & post
decretum Tridentini Concilii indulta pri-
mariarum Precum concesserint ? Respon-
deo hanc rem satis dilucidam esse ; sicuti
enim jam intelleximus , Concilii Patres
indulta tunc temporis Ferdinando , &
Maximiliano donata , præservare voluif-
se , ita & quæ in posterum concederen-
tur à Sede Apostolica , procul dubio ex
eadem ratione illibata permanserunt.
Quo verò ad Concordata jam superius
retulimus , in singulis indultis fuisse à
Romanis Præfulibus iisdem Concordatis
derogatum ; quin Germaniæ Ordinarios
noluisse hæc indulta exequi , quæ hujus-
modi derogatione carerent , uti dictum
fuit num. LVII. quas derogationes Ger-
mania fieri à Romanis Pontificibus ha-
bentibus hanc potestatem passa est liben-
ter in gratiam suorum Cæsarum , & ut
id honoris iisdem statim inauguratis tri-
bueret , quemadmodum usus rerum edo-

cuit, & probant Hermes, Chockier, & alii in superiori numero LXIII. adducti.

Alii putantes, has Preces nonnisi à Pontificia potestate pendere, sibi persuadent Imperatores Augustissimos indultum perpetuum primariarum Precum à Sede Apostolica olim obtinuisse; utque id probent, utuntur exemplari diplomatis Rudolphi I., alteriusque Caroli IV., in quibus sunt illa verba: *Cùm ex antiqua, & approbata à Divis Imperatoribus, & Regibus ad nos producta consuetudine*; indeque arguunt, cùm Rudolphus consuetudinis approbatæ meminit, consuetudinem illam, quæ etiam ætate Rudolphi vigeat, à Sede Apostolica fuisse approbatam. Subdunt etiam testimonio Speculatoris, cujus verba supra num. xix. retulimus, satis patere Rudolphum Apostolicum diploma pro concessione Precum impetrasse à Gregorio X., quibus nugis suadere conantur Augustissimum Imperatorem novo indulto non indigere. At hos immaniter hallucinari constat, primò quia id indultum non ostenditur, & tot indulta donata pluribus Imperatoribus ab ætate Friderici III. ad auspicia Imperii gloriosæ memoriæ Leopoldi superius transcripta, hunc palmarem errorem palam faciunt; quando-

LXVIII.

Rudolphus I. nullum perpetuum indultum obtinuit à Sede Apostolica.

150 *De primariis Precibus Imperialibus*
quidem in illis quisquis Pontifex post
confirmatam electionem unicuique in
Romanorum Regem assumpto, indultum
primariarum Precum donavit, designata
singulari persona, uniuscujusque Impe-
ratoris meritis præmissis, & cum dictio-
nibus personalissimis, uti patuit ex in-
dultis jam relatis. Quare formula, no-
men proprium Indultarii expressum, me-
ritum singulare cujuscunque, & persona-
lissimæ dictiones contrarium dilucidò
evincunt. Si enim Imperatores id per-
petuum indultum habuissent, Goldastus
rerum Germanicarum, & diplomatum
Imperialium accuratus collector, & juri-
bus Pontificiis ex suæ sectæ studiis alio-
qui infensissimus, utique illud edidisset,
& quod magis est, Fridericus III. eo per-
petuo indulto usus, personale & speciale
indultum à Nicolao V. non impetrasset,
& exagitatus exceptionibus Germanorum
contra primum indultum Nicolai V. non
adduxisset secundum, quo exceptiones
prædictæ amputarentur, sed perpetuum
allegasset. Sic Maximilianus I. Friderici
filius, & cæteri ad Leopoldum usque,
singulare & personale Diploma Aposto-
licum, quo eis Preces concederentur non
obtinuissent, si jam unum superfuisset,
quo in perpetuum id jus singulis Impera-

toribus donatum jam esset. Secundò, Imperatores ipsi in Precibus, quas direxerunt, postquam indultum Apostolicum post Concordata expedire consueverunt, in hunc modum loquuti sunt: *Cum nobis ad prædecessorum nostrorum imitationem ex inveterata consuetudine etiam Apostolica auctoritate per Sanctissimum in Christo Patrem D. Paulum V. sancta Romana, ac universalis Ecclesia Pontificem Maximum juxta competat &c.* Hæc est formula diplomatum Precum Matthiæ, & similis omnino altera Ferdinandi II. & Ferdinandi III., mutato tantum nomine Romani Pontificis, quam referunt Besold. Thesaur. præct. par. 2., lit. P. pag. 149., Fritschius de primar. Prec. cap. 2. num. 3. & post cap. ult. pag. 40., Paurmeister. de Jurisdic. lib. 1. cap. 40. num. 48., Chockier. Goldast. & Vittrarius etiam loco superius adducto lib. 3. tit. 2. num. 9. in adnotat. pag. 56. col. 2. in fine, ubi refert eandem formulam Precum Rudolphi II. Quare autem Imperatores relati, & eorum prædecessores ad Fridericum usque meminerint personalis, & specialis indulti nominatim concessi à Pontifice tunc vivente, & non expresserint indultum perpetuum Rudolpho I., aut prioribus Cæsaribus concessum, quod illis donatum à Sede Aposto-

152 *De primariis Precibus Imperialibus*
lica quidam recentiores asserunt, ipsi viderint, qui hujuscemodi rem narrant. Ego quippe malim evidentiae rei adhærere, quam dictis aliorum sine diplomate Papali, & contra confessionem ipsorum Imperatorum. Tertiò, si Friderici III. ætate, non dicam id indultum perpetuum, sed ejus umbra, & fama superfuisset, utique ille, ejusque successores Nicolao V., & qui eum sequuti sunt Pontificibus, illud exposuissent, & Romani Præsules non recens, & singulare donum primariarum Precum ex mera liberalitate, & personaliter unicuique Imperatori fecissent; sed id perpetuum indultum confirmassent, & exequi mandassent; aut saltem id perpetuum indultum à prædecessoribus datum fuisset in causa recenter concessi; & tamen in nullo ex relatis legitur ulla mentio habita, non dicam diplomatis Pontificii, sed neque consuetudinis; & qui novit stylum Bullarum Apostolicarum, & Ministrorum Regum, & Principum, sibi suadere non poterit, quod Imperatores putaverint sibi licere Preces dirigere virtute vetustissimi asserti indulti perpetui, quando novum, & personale indultum impetrarunt ex causis in indultis expressis, redolentibus recens Beneficium, & donum Papale, neque per somnium relata fama hujuscemodi perpetui indulti.

Immò ut Romani Antistites palam facerent sese cuilibet Imperatori personale indultum dedisse, neque adduxerunt pro ratione, & causa recentis indulti facta antecessorum, qui simile indultum aliis donaverant. Nam in indulto concesso Ferdinando III. nulla legitur habita mentio alterius concessi Ferdinando II., aut in isto alterius Matthiæ, & in illo Matthiæ alterius Rudolphi II., & sic de singulis; sed unicuique ex causa meritorum personalium recens donum factum est. Quartò, historia jam relata evincit oppositum; quippe Fridericus III. post Concordata, & indultum primariorum Precum habitum à Nicolao V. non potuit ab Ordinariis Germaniæ impetrare suas Preces exequi, quod illi dicerent in primo indulto Nicolai Concordatis non fuisse derogatum, & quod forma, & conditiones appositæ in eodem indulto impletæ non essent, atque per regulas Cancellariæ, & novas leges publicatas à dicto Pontifice id indultum evanisset; unde opus fuit secundo, & novo indulto, quo Papa Concordatis nominatim, & legibus à se latis derogaret, & conditiones in primo additas tolleretur, quod & evenisse Maximiliano I. Friderici filio, ac Carolo V. & Ferdinan-

154 *De primariis Precibus Imperialibus*
 do ejus fratri supra exposuimus. Hæc
 & similia facta non fuissent, si indultum
 perpetuum ante Concordata adfuisset :
 quippe aut illud in Concordatis reserva-
 tum, aut illi derogatum esset, & cum
 derogatio non legeretur, & quotquot
 disposita erant in Concordatis adverfa-
 rentur primariis Precibus, insultum pror-
 sus fuisset, Germanos Concordata Fride-
 rico opposuisse, & Fridericum pro illo-
 rum derogatione instituisse; & magis in-
 fultum, quod indultum perpetuum Im-
 peratoribus datum cadere potuisset sub
 leges, & regulas à Nicolao V. & succes-
 soribus publicatas, ac si revocatum tacite
 esset, quando talibus indultis Imperato-
 ribus, & Regibus concessis, Sedes Apo-
 stolica nequaquam derogare solet, ma-
 xime sub involucro verborum.

LXIX. Crescit argumentum, ponderando,
 quod Fridericus, & successores non ac-
 ceptassent indulta, in quibus plures con-
 ditiones erant adjectæ, ac Pontifices Im-
 peratoribus inhibebant Preces porrigere
 pro Beneficiis Sedi Apostolicæ reservatis
 in extravag. *Ad regimen*, de præbend.,
 pro primis dignitatibus post Pontificalem
 in Cathedralibus, & Collegiatis, & pro
 devolutis, & litigiosis, quorum omnium
 collationem sibi reservabant. Quis un-

*Aliæ rationes
 pro indultis.*

quam credere poterit , Imperatores habentes indultum perpetuum , cujus formula desumitur ex diplomatibus Precum Rudolphi I. & Caroli IV. , in quibus nullum Beneficium excipitur , acceptasse recens indultum Papale , cum tot conditionibus , restrictionibus , & exceptionibus ? Ego ausim affirmare eos , qui talia asserunt , Ministros Imperiales illorum temporum stolidos judicare , vel parum Dominis suis fideles , & jura Imperii ignorantes : quod nefas est asserere , cum notum sit , nonnisi accuratissimos viros ad Imperialis aulae servitium assumi solitum. Jactent modo recentiores ex illis verbis : *Antiqua, & approbata consuetudine* , relatis in diplomate Rudolphi I. educi consuetudinem hanc à Sede Apostolica perpetuo privilegio approbatam. Mihi videntur illi non percepisse vim dictorum verborum ; non enim Rudolphus expressit quæ ipsi somniant , sed retulit consuetudinem antiquam approbatam à *Divis Imperatoribus* , non autem à Romanis Pontificibus , quorum potestati tantummodo id reservatum est ; & sic ex lectione ipsius formulæ Precum Rudolphi excluditur potius Pontificia approbatio. Quod si illa adfuisset , Speculatoris testimonio inhærendo , quod

156 *De primariis Precibus Imperialibus*
Fritschius, Mayer. Besold. & alii plures
Germani scriptores minus verum asse-
runt, utique illa dicenda foret approba-
tio personalis, & personale indultum
Rudolpho datum: & indultum, in quo
concessum tantummodò esset rogare Or-
dinarios sine pœnis, procul à minis, &
præceptis, & sine deputatione Executo-
rum, uti indicant ipsæ Preces Rudolphi,
quæ nudas rogatorias continent, uti su-
perius ponderavimus. At neque tanti
facienda esset assertio in Precibus Rudol-
phi addita, ut ex eadem probari posset
diploma, & quidem perpetuum Roma-
norum Præsulum: quippe si assertiones
Principum in hac re attendendæ essent,
utique quisque sibi privilegium Aposto-
licum impertiri posset, præsertim quia
assertioni Rudolphi non consensit asser-
tio Caroli IV., qui de jure sibi arbitratus
est jus Precum competere: quod nefas
est dicere, minusque consentiunt facta
tot, tantorumque Imperatorum, qui ab
ætate Friderici III. ad auspicia Imperiï
glor. mem. Leopoldi, novum, & recens
indultum Apostolicum assequuti sunt,
nec Preces cum effectu direxerunt sine
speciali, & personali diplomate Pontifi-
cio. Quare malim hæere factis tot Im-
peratorum, & Romanorum Pontificum,

inclytæ nationis Germanicæ opinioni desumptæ ab exceptionibus semper datis, non dicam Precibus Imperialibus, sed ipsis indultis, cum occasio venisset opponendi eorum formam non fuisse impletam, & observantiæ duorum sæculorum cum dimidio, quàm simplici dicto Rudolphi Augustissimi Imperatoris, quem neque asseruisse constat quod recentiores effingunt.

His positis, parum prodest exemplum glor. mem. Leopoldi patris Augustissimi Imperatoris viventis, quem aiunt Preces direxisse, neque indultum Apostolicum impetrasse; siquidem prodam causam, fortasse à Germanis ipsis ignoratam, ob quam hæc evenerunt. Consueverant Imperatores ad Leopoldum usque statim post suam electionem ad Urbem mittere Legatum, qui eorum nomine obedientiam voveret Sedi Apostolicæ, & Christi, ac Petri Vicario, & deinde diploma confirmationis electionis impetrarent. At quoniam mos vetustus erat hujuscemodi Legatos decus Imperii gestantes, non sine ingenti pompa, & impensa ad Romanam Curiam mitti, Leopoldus, qui intestinis, & incertis vexabatur præliis, supplicavit Alexandro VII. tunc Pontifici, ut sine transmissione Legati (quem Legatum

LXX.

Cur Leopoldus I. sine indulto Preces direxit.

158 *De primariis Precibus Imperialibus Obedientia Romani vocitare solebant*) & procul à pompis , dignaretur dictus Summus Præsul suam electionem confirmare. Hæc res patet ex supplici libello tunc Alexandro VII. porrecto nomine Leopoldi Cæsaris à Cardinali de Haslia tunc ejus Legato ordinario apud Romanum Pontificem , ex cujus autographo intra Vaticanum Archivum custodito , prout jacet transcriptum exemplum , mihi perquirenti causam hujusce rei , ab amicissimo remissum , hujusmodi est :

BEATISSIMO PADRE.

L'*Imperadore mio Signore sin dal principio, che fù eletto Rè de' Romani ebbe sempre un'ardentissimo desiderio di mandare a Roma un' Ambasciadore di ubbidienza , col mezzo del quale impetrasse anche la conferma della sua elezione ; e crebbe , e cresce via più in lui questa divozione , particolarmente dopo la felicissima assunzione di Vostra Santità , sì bramata , e sì riverita da Sua Maestà. Ma quanto l'accende a ciò eseguire la sua singolarissima pietà , altrettanto la ritengono le continue calamità de' tempi , troppo note a tutta l'Europa , non che a Vostra Beatitudine tanto informata in che stato si trova*

ora la Germania circa le cose non solamente politiche, ma della Religione Cattolica sì miseramente lacerata & impugnata dagli Eretici, ed infedeli, a segno che non sà vedere Sua Maestà come possa trà le turbolenze, dalle quali si afforbisce un' infinità di spese, palesar con la dovuta pompa d'un' Ambasciadore il zelosissimo ossèquio, che deve, e porta à Vostra Santità, verissimo Vicario di Cristo: per la cui fede, e gloria è costretta di stare incessantemente col brando Imperiale in mano, senza poter respirare dalle continue spese, che ricercano i circostanti pericoli. Ciò essendo, Beatissimo Padre, è che Sua Maestà Cesarea viene impossibilitata di trasmettere un' altro Ambasciadore straordinario, come il Cardinal d'Assia a nome di Sua Maestà ne fa riverente attestazione a Vostra Santità; e che nondimena sarebbe di tanta importanza per il ben publico, e della Religione Cattolica, che l'autorità Cesarea venisse corroborata con la detta confermazione Apostolica. Io supplico la somma prudenza di Vostra Beatitudine a riflettere benignamente a qualche particolar modo di confermare la detta elezione Cesarea per Breve, ò in altra maniera, che stimerà più convenevole, attese le circostanze de' tempi presenti, e per questa sola

160 *De primariis Precibus Imperialibus*
volta ; per ilche Sua Maestà darà tutte
quelle dichiarazioni , che avanti si desidera-
rano da Vostra Santità. Quam Deus &c.

LXXI.

Alexander
VII. negat in-
dultum Leo-
poldo I. nisi
misso Legato
ad Sedem A-
postolicam.

Alexander VII. tenacissimus custos ri-
tuum Ecclesiasticorum , timens ne pau-
latim hic laudabilis mos imminueretur ,
& sequuturi Cæsares , quanquam res in
Germania felicissimæ forent , eo exem-
plo hos Legatos obedientiæ impostero
non essent missuri , diploma confirma-
tionis negavit ; & nisi palàm Cæsareus
Legatus ad hunc effectum specialiter mis-
sus consueta solemnia impleret , prote-
stus est se id diploma numquam con-
cessurum. Interim ob bella , quibus
Pannonia , Germania , & Imperium uni-
versum premebantur , re de die in diem
dilata , Imperator primarias Preces direxit ,
parcè tamen , & postquàm tentaverat in-
dultum primariarum Precum à Sede Apo-
stolica obtinere , quemadmodum sui præ-
decessores fecerant ; frustrà tamen , cùm
Romanus Præsul constanter responderit ,
nonnisi post confirmatam electionem , &
præstitam ab Augustissimo Leopoldo
obedientiam Apostolicæ Sedi , se id in-
dultum daturum. Quin cùm Comes Lam-
bergius tunc Leopoldi principalis Minister
pro indulto singulari , & pro uno Cano-
nicatu

nicatu Salisburgensis Ecclesiæ, pro quo obtinuerat favore filii promissionem primarum Precum Imperialium, supplicasset; responsum accepit, moris non esse Sedem Apostolicam ita indulgere; ut eruitur ex epistolis Episcopi Averfani, nempe Caroli Carafæ, postea Sanctæ Romanæ Ecclesiæ Cardinalis, tunc Pontificii Nuncii apud Cæsarem, datis ad primum Pontificium Ministrum, & ejusdem Ministri responsis. Tenor epistolæ Episcopi Averfani est hujusmodi:

EMINENTISS. E REVERENDISS.

Sig. Mio,

Padron Colendissimo.

IL Sig. Conte di Lamberg, che hà ottenuto da Sua Maestà la promessa delle prime Preci nella Cattedrale di Salisburg in persona del Sig. Conte Giorgio Sigismondo suo figliuolo, ben conosce, che la grazia non può avere effetto, se non dopo la spedizione della Bolla; e che questa non si concede all' Imperadore prima che abbia prestato solennemente la dovuta ubbidienza alla Santa Sede. Ma non trovandosi ora soggetto, che possa soggiacere a spesa sì grande, bramaria Sua Eccellenza, che Nostro Signore si degnasse di dare a Sua Maestà un' indulto particolare per questo solo

162 *De primariis Precibus Imperialibus*
caso, & in specie a favore del suo Sig. Fi-
glio, per il qual'effetto fù ieri da me a pre-
garvi di volere in suo nome supplicare Vo-
stra Eminenza a restar servita di onorarlo
con promuvore a favorire l'istanza, speran-
do di avere a conseguire l'intento, median-
te il suo benignissimo patrocinio, non meno
in riguardo di essersi altre volte spediti si-
mili indulti, che per l'umilissima divozio-
ne, che hà sempre professato alla Santità Sua
sin da quando si trovava nel Congresso di
Munster. Egli è un Cavaliere così amato,
e stimato da Sua Maestà, che possedendo il
secondo luogo nell' affetto del Padrone, hà
gran parte nel maneggio del negozio; e se
il Sig. Conte di Porcia (che Dio non vo-
glia) mancasse, saria senza fallo surroga-
to nella carica di primo Ministro. Io rap-
presento il tutto à Vostra Eminenza, men-
tre resto baciandole con profondo inchino le
sagre vesti.

Vienna 22. Gennaro 1661.

Di Vostra Eminenza

Umiliss. divotiss. Serv. obligatiss.

Carlo Vescovo di Averfa.

Responsum datum à Secretario Status
Alexandri VII. Papæ tale est, prout ap-
paret ex duabus Epistolis missivis in hunc
modum:

A MONSIG. NUNCIO IN VIENNA

12. febbrajo 1661.

Tiene Nostro Signore particolar memoria della persona del Sig. Conte di Lamberg, e gli conserva il suo paterno affetto col motivo della precisa cognizione, che hà avuta delle di lui rare qualità, e singolari meriti. Hà sentito ora Sua Beatitudine da V. S. con molta benignità il desiderio del medesimo per la grazia accennata a favore del Sig. Conte Gio. Georgio Sigismondo suo figlio. Considera però la Santità Sua essere materia di gran riflesso, e molto difficoltosa, in riguardo, che porta seco tratto successivo. Tuttavia hà ordinato, che si faccia qui diligenza per trovare gli esempj di simili concessioni. Potrà in tanto V. S. assicurare il Sig. Conte non meno della clementissima disposizione di Nostro Signore verso di lui, e della sua Casa, che del mio particolar desiderio di servirlo sempre; e resto augurando a lei piene contentezze.

A MONSIGNOR NUNCIO

APPRESSO L'IMPERADORE

a' 19. febbrajo 1661. in Cifra.

PEr quello, che riguarda l'istanza del Sig. Conte di Lamberg, acciocchè da Nostro Signore si conceda un particolare

164 *De primariis Precibus Imperialibus*
indulto all' Imperadore di far godere delle
prime Preci della Catedrale di Salisbur-
go il figlio di detto Sig. Conte, non ostante,
che la Maestà Sua non abbia prestata a Sua
Beatitudine l'ubbidienza solenne; effendosi
quì fatta diligenza per trovare gli esempi
di simili indulti, che a V. S. è stato supposto
di essere stati spediti ne' passati tempi, non
si è potuto trovare menzione alcuna di so-
migliante dispaccio; onde potrà V. S. sen-
za lasciarsi intendere di averne avuto or-
dine di quà, informarsi destramente qua-
li siano i costì, si asseriscono, poiche con tal
notizia se ne farà poi il rincontro in questi
registri, e si considererà quando, ed in che
modo sia stata concessuta tal grazia &c.

Quibus epistolis ità respondit Aposto-
licus Nuncius.

CIFRA DI MONSIG. NUNCIO
DI VIENNA

il di 12. Marzo 1661.

PRocurrerò come da me, senza lasciarmi
intendere di averne avuto ordine di co-
stà, conforme Vostra Eminenza si degna di
prescrivermi, d'informarmi dal Sig. Conte
di Lamberg quali siano i casi, che asserisce,
e ne' quali suppone essersi ne' passati tempi
conceduti altre volte indulti nella forma,
ch' egli desidera, che si concedano al moder-

no Imperadore a favore del Sig. suo Figlio per le prime Preci della Chiesa di Salisburg, non ostante, che la Maestà Sua non abbia prestato a Nostro Signore l'ubbidienza solenne. Parendomi difficile, che in tal proposito si possano trovare simili esempj, studierò di farne svanire con destrezza la pretenzione, e di rendere capace il medesimo Sig. Conte della ragione &c.

Hoc modo res infecta mansit; quam-
obrem immaniter errant, qui putant
Leopoldum Cæsarem indultum prima-
rum Precum studio neglexisse, cum pa-
teat ex prædictis expetitur impetrare non
potuisse, propterea quod non præmise-
rat solemniam juxta morem antecessorum;
neque se in actu obedientiæ præstandæ
Romanæ Ecclesiæ, Catholicorum Cæsa-
rum & Regum Matris Advocatum de-
voverat: ob quam rem Romani Ponti-
fices id indultum Imperatoribus Romanis
donare consueverant. Agnovit itaque
Cæsar, ejusque principalis Minister, sine
Apostolico indulto Imperiales Preces va-
cuas reddituras. Et quidem scimus, &
palam est, quod affirmamus in universa
Germania, eum Augustissimum Impera-
torem se abstinuisset ab hisce Precibus por-
rigendis pluribus, atque pluribus Ordini-
nariis. Colonia Agrippinæ præter Me-

LXXII.

Leopoldus I.
indultum mi-
nimè negle-
xit, & Preci-
bus parce-
usus est.

166 *De primariis Precibus Imperialibus*
tropolitanæ Ecclesiæ Illustrissimum Capitulum plura sunt insignium Collegiatarum Capitula, ad quæ nullas à Leopoldo Preces primarias pervenisse constat. De aliis plurimis non loquimur, cum satis manifestum sit parce nimis Leopoldum Precibus usum, quod is optime sciret sine indulto Apostolico Germanos Antistites, & inclyta Capitula non ita facile suis Precibus obsecutura. Immo compertum est plures, atque plures Imperiales Leopoldi Preces vacuas ad eundem rediisse. Quamobrem hanc questionem definire exemplo Augustissimi Leopoldi, contra tot rationes hæctenus relatas, evincente, Imperatores sine Diplomate Apostolico hanc potestatem minime habere, & talibus precibus parentes, & Precistas in pœnas inflictas in Synodo VII. œcumenica incidere, posthabitis etiam tot exemplis tantorum Imperatorum jam adductis, qui spatio duorum & amplius sæculorum putarunt, & facti sunt, hæc Preces ab indulto Apostolico pendere; non pertinet ad iustum rerum æstimatorem; sed ad eos, qui veritate postposita, inanibus nugis gravissimam rem absolvere sibi fas esse arbitrantur.

LXXIII.
Scriptores

Supereſt nunc, ut errorem tollamus,

quo plerique Catholici scriptores Germani contendunt, Imperatorem hasce Preces ante indultum Apostolicum posse dirigere. Isti sunt Henricus Wagnareck commentarii exegetici sacrorum Canonum tom. 1. lib. 3. tit. 5. de præbend. pag. mihi 487. & seq., Engel. pariter lib. 3. tit. 5. de præbend. §. 6. pag. mihi 491., & iis quæ sequuntur Pyringh. eod. lib. 3. tit. 5. de præbend. num. 371. Quippe laudati Doctores postquam probarunt Augustissimos Imperatores niti non posse soli consuetudini antiquæ, & jus Precum tantummodò pendere ex indulto Apostolico: postquam etiam prodiderunt à quadringentis saltem annis Romanos Pontifices consuevisse id indultum singulis Imperatoribus concedere, & Rodolphum I., Carolum IV., Wenceslaum, & cæteros id indultum obtinuisse, necnon post Concordata perseverasse Pontifices id ipsum Imperatoribus indulgere, Concordatis nominatim derogando, uti legitur apud eundem Wagnareck loco adducto §. Ea tibi, & §. Tertio, vers. Sed in contrarium pag. 492. & §. Quarto in fin. pag. 495., Engel. superius relatum num. 70. 71. & §. sexto, & §. octavo, vers. Cæterum pag. 493., & Pyringh., autumant posse Im-

Catholici refutari, falso putantes Imperatorem posse Preces dirigere ante indultum Apostolicum.

168 *De primariis Precibus Imperialibus*
peratores auctoritate Apostolica vigore
indulti, concedi soliti, Preces dirigere,
utpote habentes indubiam præsumptionem
de mente, & voluntate Romani
Præfulis, satisque esse indultum Pontificium
supervenire, ut videatur Papa ratas habere,
& comprobare Preces ante indultum directas.
En verba Wagnareckii:
Consuetudo hac non habet vim ex parte Imperatoris, ut supra diximus, sed ex sola benevolentia Pontificis, qui cum possit talia privilegia revocare, vel negare Principibus, id non facit. Neque obstat, quod Pontifex dicat, Ferdinandum post factam de persona sua electionem à se confirmatam, significasse desiderium suum obtinendi hoc privilegium: cum enim ab immemoriali tempore Pontifices semper consueverint legitime electis Romanorum Regibus in Imperatores promovendis tale indultum conferre, habent electi ejusmodi indubiam, certamque præsumptionem de mente, & voluntate, cujus gratia & auctoritati, non sua insistentes, primariis Precibus utuntur ante confirmationem, & indulti hujusmodi emanationem. Electus autem in Imperatorem nomine, & auctoritate Apostolica potestatem nominandi, vigore hujus indulti concedi solitam, statim erga benemeritas personas exercet, ut nihil causa sit, cur Pon-

*is rex ratum non habeat, & ratihabitionem
literis, licet posterius datis, ad ipsam ele-
ctionis diem retrahere, & mandato, sive
indulto equiparari velit. Sic vidimus Fer-
dinandum IV. memorie Auguste in Regem
Romanorum electum absque mora Preces
primarias cumulativè, aut saltem earum
expectativas, nemine improbane, contu-
lisse, antequam confirmationem Roma pe-
tere, & accipere potuerit. Hæc Wagna-
reckius: in cuius sententiam iverunt etiam
Pyringhius, & Engelius, supra relati.
Sed eorum opinio adversatur apertissime
sacris Canonibus: quippe si iidem Do-
ctores fatentur has Preces habere vim ex
sola benevolentia Romanorum Pontifi-
cum, qui possent non concedere id in-
dultum; nemo sibi persuadere poterit
Imperatores habere indubiam mentem
Pontificum, ita ut ii certi omninò red-
dantur, Papam id indultum non negatu-
rum. Præterea quis unquam affirmabit,
ex nuda præsumptione posse hunc oriri
effectum, ut sine privilegio Apostolico
queat laicus Princeps sacris juribus poti-
ri, cogere Electores, & Collatores Be-
neficiorum Ecclesiasticorum ad eligen-
dum, & conferendum Precistæ; immò
& dare mandata de providendo vacatu-
ra contra œcumenica Concilia, ac si in*

170 *De primariis Precibus Imperialibus*
jure definitum non esset, quod conni-
ventia, seu tolerantia Papæ in hac re
nihil opitulari potest Principibus laicis,
neque inducere dispensationem, aut ra-
tificationem ullam, uti supra notavimus
numero xxv. Sane si hæc fieri posse di-
cerentur, utique laicæ potestates facile
sibi arrogarent jus in spiritualibus, &
Beneficiis Ecclesiasticis, ac si Romani
Pontifices negaturi non essent privilegium:
quæ res confunderet potestatem laicalem,
& Ecclesiasticam, & immane scandalum
in universalem Ecclesiam ingereret.

LXXIV. At cur tempus terimus in hac re, si
CLEMENS XI. circumstantiæ præsentis casus rationes ab
contra Imper- adversæ partis scriptoribus adductas sub-
ratoris Preces vertunt. Fama est per totam Europam
reclamat. diffusa, Sanctissimum universalis Eccle-
siæ Pontificem **CLEMENTEM XI.** contra
hæc Preces Augustissimi Imperatoris re-
clamare, neque ullo modo pati, ut Or-
dinaris dirigantur: palam declarasse,
eas executionem sortiri minime posse abs-
que indulto Pontificio, cum tamen Au-
gustissimus Imperator, vel saltem ejus
Ministri edixerint non indigere Cæsarem
indulto Pontificio, sed inniti posse soli
consuetudini, de cujus viribus jam dis-
seruimus. Itaque cedit præsumptio veri-
tati, cessat ratihabitio Pontificis; ejus

mens, & voluntas non solum non concurrat, sed est contraria. Quamobrem etiam juxta sensum Wagnareckii, ejusque sequacium, Augustissimus Imperator in hoc statu nullum prorsus reperire poterit cordatum & catholicum virum, qui ejus primarias Preces probare possit: & Ordinarii sunt constituti in positiva mala fide, & sine læsione libertatis Ecclesiasticæ, & incurso pœnarum in septima Synodo infligtarum, nequaquam hæc Preces exequi valent. Precistæ verò, quibus vi Precum Beneficia conferri contigerit, erunt intrusi manu laicali; fructus suos facere; electionibus Canonicis, & Capitulis rite intervenire, & spiritualia administrare non poterunt: quin neque communicare cum aliis, juxta Canonem septimæ Synodi sæpius relatum. Quare quot pericula animarum, quot scandala, & quænam injuria Ecclesiasticis titulis ex prædictis Precibus timeri jure optimo valeant, facile est ex his intelligere.

Quod Sanctissimus Pontifex CLEMENS XI. hæc, & majora considerans, hæc Preces sine indulto Apostolico è Vaticano irritas pronunciaverit, patet ex ejusdem literis nuper mihi Roma transmissis, & datis ad inclytum Capitulum Hildesheimense, in hunc modum:

LXXV.

Literæ CLEMENTIS XI. Capitulo Hildesheimensi contra Preces Imperatoris.

Dilectis filiis Capitulo , & Canonicis Cathedralis Ecclesiae Hildesheimensis.

CLEMENS PAPA XI.

Dilecti filii salutem &c.

A Venerabili fratre Julio Archiepiscopo Rhodiensi , nostro ad Tractum Rheni Nuncio agnovisse vos arbitramur , nullum penes Casaream Majestatem residere jus dirigendi Preces primarias , eoque minus sub comminatione poenarum , quarum vi Precum possint commendati Beneficium primò vacaturum , aut quod eis magis libuerit , in qualibet istarum partium Ecclesia assequi ; cum tamen nihil tam à jure , & à canonicis sanctionibus abhorreat , quàm laica potestati fas esse Ecclesiae Praefules , vel illos , ad quos pertinet , incusso poenarum timore , ad conferendas taliter a se commendatis Ecclesiasticas Prebendas , aut alia Sacerdotia , compellere. Quod sane assertum jus , nisi forte Apostolica auctoritate sit fultum , ut nullibi locum habere potest , ita peculiari quadam ratione obtinere nequit in Germania partibus ob nota satis Concordata inter felicitis recordationis Nicolaum V. Pontificem praedecessorem nostrum , & clarae memoriae Fridericum III. Imperatorem , inclytamque istam Nationem solemniter inita , in quibus ni-

hil tam accuratè sancitum est , quàm ne libertas electionum , & collationum in mensibus tam assignatis Capitulis , ac Ordinariis Collatoribus , quàm ipsi Pontifici , ejusque successoribus reservatis ullo unquam tempore ledatur ; nulla tamen ibi assertorum Imperialium jurium mentione facta , aut ratione habita , cùm alioquin satis manifestum sit electionum , aut collationum libertatem cum primariis Precibus , quæ eam prorsus everiunt , consistere non posse. Quod si idem Fridericus , & qui eum subinde consecuti sunt Imperatores ante tempora claræ item memoriæ Leopoldi nuper defuncti primarias Preces direxerunt , id contigisse constat , quia illi omnes post sui confirmationem à Romano Pontifice obtentam , muniri Apostolico indulto curarunt : quo quidem indulto quoniam destitutus erat idem Leopoldus , factum est , ut primarias Preces , à quibus ipse non abstinuit , admittere , & executioni demandare Episcoporum , ac Prasulum , necnon Capitulorum Germania non exigua , neque contemnenda pars , libertatis hujusmodi memor , & acerrima custos , detrectaverit. Quæ cùm ita sint , dilecti filii , commoveri nullo modo debetis , si quibus forte minacibus mandatis , aliisque nonnullorum opera excogitatis , propositisque ad extorquendum assensum vestrum mediis persentiatitis vos urgeri

174 *De primariis Precibus Imperialibus
ad exequendas similes Preces vobis dire-
ctas, quatenus is, qui per eas commenda-
tur, obtineat, adhaerentibus vobis, Ca-
nonicatum istius Ecclesie, cujus vacatio
per obitum quondam Ferdinandi Wilhelmi
in mense nobis vigore eorundem Concorda-
torum reservato, contigisse dignoscitur.
Neque hic opus esse credimus vobis com-
memorare, quam vos deceat talem ani-
mum hac occasione præferre, qualem in
asserenda canonicarum electionum libertate
multi præstantes Ecclesie viri, ac Pras-
ules, magna sui nominis laude præbuere;
insuper quam præstet in hujusmodi casibus
vim potius perpeti, quam, reclamante
conscientia, quidquam veluti sponte ad-
mittere, cum certe satius sit Præbendam,
vobis invitis, vi occupari (quod tamen
metuendum modò non videtur), quam per
electionem, aut collationem, ut cunque nul-
liter factam, speciem quandam ultronei as-
sensus præbere, cum intrusio commendati,
juribus Ecclesie vestra in posterum minimè
obesse queat, non parum autem ea ledere
possit si qua à vobis ejusdem persona facta
videatur electio, à qua non levia scanda-
la orirentur, præsertim verò ob deterri-
mum exemplum, quod aliis similia ad-
mittendi his, & futuris temporibus propo-
neretur. Accedit periculum, quod vi
hujusmodi Precum perperam electus incur-*

reret non faciendi fructus suos, ac irritandi omnes actus Capitulares, ac propterea, adveniente casu, ipsius etiam Episcopi electionem, quibus ipse interesset, ac suffragaretur. Sed ubi hac, non sane prater-eunda, omitterentur, quis vestrum non intelligit, electionem, quam commendatus, seu, ut vocant, Precista, de se fieri à vobis postulat, esse hujusmodi, ut facultatis vestra terminos, quàm longe excedat; nam praterquam sacrorum Canonum, ac etiam Concordatorum dispositioni adversatur, ipsarum quoque Imperialium Precum (si hæc attendi deberent, quæ secluso Apostolico indulto non debent) tenorem prater-greditur; harum enim Precum serie à vobis exquiritur, ut Prabendam primò vacaturam, cujus dispositio ad vos pertineat, ipsi commendato conferatis. Verum cum ejus, de qua agitur dispositio ob vacationem in mense nobis reservato sequutam ad nos manifeste spectet, palàm est non licere vobis aliena, nostra verò præsertim, attingere, neque huc referri posse Preces, Imperiali Diplomate contentas. Serio itaque perpendite, quibus finibus potestas vestra coerceatur, ac frustra interim apud vos contendant, qui ingerere vobis curant ladendi Caesaris metum, quo adigi non possunt Ecclesie viri ad deferendam justitiam, & ad prodendam veritatem. Neque enim

176 *De primariis Precibus Imperialibus*
 id à vobis postulat, qua est aequitate, cha-
 rissimus in Christo filius noster Josephus in
 Romanorum Imperatorem electus; in pri-
 mis autem cavete ne quid attentetis adver-
 sus oblatas vobis Apostolica provisionis literas,
 quas favore dilecti filii Hugonis Francisci de
 Furstemberg expediri mandavimus, ne videamini velle nostra, & Apostolica Sedis jura ag-
 gredi: quod quidem vos Ecclesiae poenis longe
 gravioribus redderet obnoxios. Sed aliter pror-
 sus de perspecta nobis pietate vestra sentimus,
 immò vos curaturos esse confidimus Pontificiam
 vobis charitatem ampliori adhuc magis filialis
 vestri studii significatione demereri. Apostoli-
 cam interim benedictionem vobis, dilecti filii,
 peramanter impertimur. Datum Romae &c.
 die sexta Martii 1706. &c.

LXXVI. Poteratne Sanctissimus, & Doctissimus Pa-
 pa clarius exprimere mentem suam hujusce-
 modi Precibus contrariam? Poterat elegantius
 brevi compendio eas Preces sacris Canonibus
 adversas declarare, poenas in Precistas infli-
 ctas referre, & Capitulorum, atque Ordina-
 riorum, qui Precibus jam dictis sine suo indul-
 to parerent, pericula recitare? Profecto res
 ista declaratione Pontificia definita est, & sic
 nulla amplius superest excusatio. Quare arbi-
 tror Augustissimum Imperatorem, Principem
 alioquin verè catholicum, & fidelem Ecclesiae
 Romanae filium, ea qua fulget christiana pie-
 tate, & Religionis nostrae zelo, id indultum à
 Sanctissimo CLEMENTE XI. postulatu-
 rum, seseque in actu confirmationis suae ele-
 ctionis devoturum Ecclesiae Romanae Advo-
 catum, quemadmodum tot praeclarissimos
 Caesares maiores, & praedecessores ejus te-
 cisse narravimus.









